

Mae

~~Esauhi quidam et p~~
~~ita quidam. Omnia~~

~~Deus et misericor~~

misericors Deus


misericors

~~misericors~~


Need to bye

more

more









*Gloria in Excelsis Deo
et in Terra hominibus bo:
na voluntatis*

Biblioteka
Ojców Kamedulów
Bieniszewie





DE SEPTEM
VERBIS

A
CHRISTO IN CRUCE
PROLATIS
LIBRI DVO,

Auctore
ROBERTO S.R.E.CARD.

BELLARMINO

è Societate. Iesu.



Coloniæ Agrippinæ.
Apud Cornel. ab Egmond.

ANNO MDCCXXVI

Bien. A. 1. 15 (a)

~~Excellentes Dames et Messieurs~~
~~de la Cour~~

Imprimatur, si videbitur Re-
verendissimo Patri Magi-
stro Sac. Pal. Apostolici.

Cæsar Fidelis Vicesg.

Imprimatur.

*Fr. Hyacinthus Petronius Ord.
Præd. Sacri Apostolici Pa-
latii Magister.*

*PP. Promissum (Anno)
Dulci Montis Regii
A 2
prope Vassuriam*



ROBERTVS BELLARMINVS POLITIANVS,
S.R.E. CARDINALIS TIT. S. MARIE IN VIA,
Archiep. Capuanus, Fidei Cath. R. propugnator
acerrimus. *Ætat. suæ annor. 64. Anno 1604.*

VENERABILI
CONGREGATIONI
COELESTINORVM

Monachorum Ordinis Sancti
Benedicti,

*Robertus Card. Bellarminus ejus-
dem Congregationis Pro-
tector. S. D.*



Apienter omnino
Pynuphius Abbas
apud Cassianū, per-
fectum Monachum
cum Christo Domino cruci-
fixo comparandum censuit.
Virtutes enim, quæ in perfe-
cto monacho potissimum re-
quiruntur, tres numerari so-
lent; paupertas, omnem pro-
prietatem excludēs; castitas,
carnalium voluptatum sem-
per expers; & obedientia à
nutu Præfecti omnino depē-
dens; quibus in regula S. Be-
nedicti, loci stabilitas adjun-

*Lib. 4.
de inst.
renū-
ciant.
cap. 4*

gi solet. Si quis autem velit
voluntarię paupertatis usq; ad
omnimodā nuditatē, & egestatē
exemplar cernere, Christum
crucifixū intueatur: qui
sicut dum viveret, non habuit
ubi caput reclinaret; sic in
morte, ipsa etiam vestimēta,
quę sola illi reliqua erant, inter
crucifixores dividēda dimisit.
Et si quis cupiat speculum
intueri mortificationis carnis,
quę castitatem impolutam
custodiat, in Christo crucifixo
sine dubitatione reperiet;
quippe quem à planta pedis
usq; ad verticem capitis dolor
continuus occupabat. Quòd si
& obediētīę perfectę typum
requirat, nusquam alibi
clariùs cernet, quàm in illo,
qui factus est obediens usque

Phil. 2 ad mortem, mortem autem crucis.

Neque solam obediētīę virtutē,
sed etiam comites ejus
individuas, patientiam & hu-
mili-

militatē; & principium ejus
& finem, ardentissimā chari-
tatē, & in his omnibus perse-
verantiam usq; in finem, quæ
per stabilitatē significatur, in
Christo crucifixo, tanquam in
eminentissima virtutum om-
nium idea, conspiciet. Verè
igitur & Christus in cruce pē-
dens exemplar est clarissimū
monasticæ perfectionis: &
perfectus monachus crucifi-
xū Dñm verissimè repræsen-
tat. Hanc Christi crucifixi re-
præsentationem vel similitu-
dinem sanctus Petrus Coele-
stinus in primis ad vivū ex-
pressisse videtur: ejus enim vi-
ta ab ipsa pœnè infantia usq;
ad extremam senectutem &
mortem, nihil fuit aliud nisi
assidua meditatio crucis, &
perpetua imitatio Crucifixi.
Ad quam rem propriè desig-
nandam, crux aurea in aëre,
divino miraculo pendēs, visa

est ante fores cubiculi ejus
morientis, à feria sexta usque
ad vesperam sabbati, in qua
spiritum Deo felicissimè red-
didit. Quam crucem à multis
cōspectam cum stupore fuis-
se, refert Petrus ab Alliaco

*Lib. 2.
c. 19. vi
re S.
Petri
Cœlesti
ni.*

Cardinalis Cameracensis; &
res eadem, ut planè cœleste
signū, in ipso canonizationis
ejus diplomate cōmemora-
tur. Quę cū ita sint, jure mihi
videor libro, meos de septē
verbis in cruce à Christo pro-
nuntiatis, Cœlestinis meis
offerre ac dicare potissimum
debuisse. In his enim libris
explicare conatus sum Cruci-
fixi virtutes præcipuas, quæ
omnibus quidē fidelibus val-
dè utiles sunt, sed iis, qui cru-
cis mortificationē ex proprio
instituto sequuntur, omnino
necessariæ. Qui enim cum
Christo cruci affixi sunt, &
mundo mortui per externā
obser-

observantiam regularem, & virtutibus Christi crucifixi carent; ii cum infelici latrone crucis ignominiam & dolores patiuntur, sed Christi crucifixi gloriam, & premia non assequuntur. *Et melius erat illis, ut loquitur S. Petrus, non cognoscere viam justitiæ (perfectæ) quam post agnitionem retrorsum converti ab eo, quod illis traditum est, sancto mandato.* Quare monachos omnes, sed in primis Cœlestinos meos admoneo, ut si velint esse quod nomine preferunt, librum crucis Christi assidue legant, & iterum atque iterum volvant & revolvant: ac ut commentarium habeant ad obscura loca intelligenda dilucidum & fidele, Beati Petri Cœlestini & aliorum Sanctorum Vitas frequenter legant, & quæ didicerint, opere complere studeant. Sic enim fiet, ut quotidie magis crux

illis dulcescat , & imitatio
Crucifixi sic illis suavis ama-
bilisque reddatur , ut facilè
contemnant Scribas & Pha-
risæos, id est, carnem & san-
guinem, clamantes atque di-
centes , Descende de cruce.
Sic olim discipuli sancti Frã-
cisci, cùm libros sacros non-
dum haberent, ut sanctus re-
fert Bonaventura , librum
crucis Christi continuatis a-
spectibus, diebus ac noctibus
revolvebant, exemplo Patris
& eloquio eruditi, qui jugiter
faciebat eis de cruce Christi
sermonem. Accipite igitur,
venerabiles Patres , munus-
culum à Protectore vestro,
quod erit etiam post obitum
ejus pignus amoris, quo vos
omnes ex corde dilexit; &
virtutum S. Petri Cœlestini
heredes , & Christi crucifixi
veros discipulos & imitato-
res semper esse cupivit.

In vi-
ta S.
Fran-
cisci.
4.

PRÆFATIO.



ECCE jam quartus agitur annus, cum me ad exitum paraturus, ad locum quietis secedo a negotiis vacuus, sed non vacans a meditatione Scripturarum sanctarum, & a scriptione eorum quæ meditati occurrunt: ut si prodesse jam voce vel scriptione longa non valeo, saltem piis libellis fratribus meis possim utcumque prodesse. Cogitanti vero mihi, quid potissimum eligerem, quod & me ad bene moriendum disponderet, & proximis meis ad bene vivendum prodesset: occurrit mors ipsa Domini, atque illa postrema concio, quam septem brevissimis, sed gravissimis sententiis constantem, ex cruce, quasi ex editissima cathedra, Redemptor mundi ad humanum genus universum habuit. siquidem in concione illa, si-
ve in septem verbis illis, continen-

PRÆFATIO.

Luc. 18 ait: *tur omnia, de quibus idem Dominus*
ait: Ecce ascendimus Ieroso-
lymam, & consummabuntur
omnia, quæ scripta sunt per
Prophetas de Filio hominis.
Ea quæ Propheta de Christo fu-
tura prædixerunt, ad quatuor ca-
pita revocantur; ad conciones ad
populum, ad orationem ad Patrem,
ad mala gravissima patienda, &
ad opera sublimia & admirabilia
perpetranda. Quæ quidem omnia in
ipsa Christi vita mirifice clarue-
runt. Concionabatur enim Dominus
frequentissime, in templo, in syna-
gogis, in campis, in locis desertis, in
domibus privatis, denique etiam de
navicula ad turbas in littore consi-
stentes. Porro noctes ut plurimum
consumebat in oratione ad Deum.

Luc. 6.
& 21.

sic enim loquitur Evangelista: Erat
pernoctans in oratione Dei.

Matt.
2.

Opera vero admiranda in expel-
lendis demonibus, & agrotis cu-
randis, & panibus multiplicandis,

Luc. 6.

&

PRÆFATIO,

& tempestatibus sedandis, in ^{Ioan. 6}
 Euangelis leguntur passim. Deni-
 que mala, quæ reddebantur ei
 pro bonis, plurima erant, non solum ^{Ioan. 8}
 in contumeliis verborum, sed etiam ^{Luc. 4.}
 in lapidatione, & præcipitio. Ce-
 terum hæc omnia verissime cou-
 summata sunt in cruce. Sic enim
 concionatus est ex cruce, ut plurimi ^{Lu. 23.}
 redirent tundentes pectora sua;
 nec solum corda hominum, sed et-
 iam petra scissæ sint. Sic etiam ora-
 vit in cruce, ut cum el amore ^{Heb. 5.}
 valido & lacrymis orans ex-
 auditus sit pro sua reverentia,
 ut Apostolus loquitur ad He-
 bræos. Quæ vero passus est in cruce,
 tanto majora sunt vis quæ in reli-
 qua vita passus est, ut hæc sola ad
 passionem proprie pertinere videan-
 tur. Denique signa & prodigia
 numquam majora edidit, quam cum
 in cruce veluti ad extremam imbec-
 illitatem atque infirmitatem reda-
 ctus esse videretur. Tunc enim non
 solum

P R Æ F A T I O .

^{Matt.}
16. solum ostendit signa de celo , quæ
antea Iudæi ab eo importune pe-
tierant; sed etiam paulo post signum
edidit omnium signorum maximum,
cum mortuus & sepultus , propria
virtute ab inferis rediit, & corpus
ipse suum ad vitam , & vitam im-
mortalem revocavit. Vere igitur in
cruce consummata sunt omnia, quæ
scripta fuerunt per Prophetas de
Filio hominis.

Sed antequam de ipsis verbis
Domini scribere incipiam, visum est
operæpretium, ut de ipsa cruce, quæ
sedes concionantis, & altare sacri-
ficantis, & stadium pugnantis, &
officina mirabilia facientis fuit,
pauca dicamus. De structura igitur
cruis communior veterum senten-
tia est, quod ex tribus lignis consti-
terit; uno oblongo, in quo corpus
crucifixi extendebatur; altero trans-
verso, in quo manus figebantur; ter-
tio affixo ad partem inferiorem, in
quo pedes crucifixi quiescebant, sed
clavis

PRÆFATIO.

clavis confixi, ne dimoveri possent.
 Ita tradunt Patres antiquissimi, In Di-
 al. cum
 sanctus Iustinus & sanctus Ire-Try-
 naeus. Qui auctores satis aperte in-phon.
 dicant, utrumque pedem supra sca-Lib. 5.
 bellum stetisse, non unum pedem su-Adver-
 per alterum. Ex quo sequitur, cla-sus hæ-
 vos Christi quatuor fuisse, non tres
 tantum, ut multi existimant; qui ea
 de causa pingunt Christum Domi-ref. Va-
 num ita cruci affixum, ut unum pe-lentin.
 dem super alterum habeat. Sed
 apertissime contra sentit Gregorius Lib. de
 Turonicus, & confirmatur ejus sen-Gloria
 tentia ab antiquis picturis. Vidi ego Marty-
 ipse Parisiis in bibliotheca Regia rii c. 6.
 antiquissimos Evangeliorum libros
 manuscriptos, in quibus pictus erat
 frequenter Christus crucifixus, &
 semper cum quatuor clavis.

Porro lignum oblongum supra
 transversum aliquantulum eminuis-
 se, tradit sanctus Augustinus, & Epist.
 sanctus Gregorius Nyssenus: & 120.
 ex Serm. 1.
 Apostolo id colligi posse videtur. de Re-
sur.

Cum

P R Æ F A T I O .

Eph. 3. Cū enim Apostolus ad Ephesios scribit, Ut possitis comprehendere cū omnibus sanctis, quæ sit latitudo, & longitudo, & sublimitas, & profundum, satis apertè describit figuram crucis, quæ quatuor habet extrema; latitudinē, in ligno transverso; longitudinem, in oblongo; altitudinem, in ea parte oblongi, quæ extat atque eminent supra transversum; & profundum, in ea parte quæ sub terram absconditur. Hoc genus tormenti non casu neque invitus Dominus noster subivit, sed ab ipsa æternitate præelegit, ut sanctus Augustinus docet, id quæ ex illo

Epist. 120. Actorum Apostolico testimonio:

Act. 2. Hunc definito cōsilio, & præscientia Dei traditū, per manus iniquorum affigentes interemistis. Et ideo Christus ipse initio prædicationis Nicodemo dixit: Sicut Moyses exaltavit serpentē in deserto, ita exaltari oportet Filium hominis;

ut

PRÆFATIO.

ut omnis, qui credit in ipsum,
non pereat, sed habeat vitam
æternam. Et sæpe Apostolos de
sua cruce loquens, ad imitandū hor-
tabatur, dicens: Siquis vult post Matt.
me venire, abneget semetip- 16.
sum, & tollat crucem suam,
& sequatur me.

Cur autem hoc suppliciū Domi-
nus elegerit, ille solus proprie novit
qui elegit. Sed tamē non desunt my-
steria, quæ sancti Patres excogita-
verunt, & nobis scripta reliquerūt.
S. Irenæus libro paulò antè notato Lib. 5.
scribit, duo crucis brachia sub uno
titulo cōvenire, in quo scriptū erat,
IESVS NAZARENVS REX
IVDÆORVM, ut intelligeremus,
duos populos, Hebraicum & Gen-
tilē, qui antea divisi erant, in unum
corpus, sub uno capite Christo ali-
quando fuisse jungendos. S. Grego-
rius Nyssenus in Oratione de Re- Orat. 1
surrectione scribit, partem crucis
quæ cælum respicit, significare, per

B crucem

PRÆFATIO.

crucem quasi per clavem cælū aperi-
 riri; partem vero quæ ad centrum
 mundi vergit, significare, spoliādum
 fuisse infernum à Christo, cum ad
 eum descēdisset; duo crucis brachia,
 quæ ad Orientem & Occidentem
 porriguntur; repurgationem mundi
 totius per Christi sanguinē futuram
 significare. Sancti vero Hieronymus
 in Epist. ad Ephesios, Augustinus
 ad Honoratum, & Bernardus de
 Consideratione, præcipuum crucis
 mysterium ab Apostolo breviter
 attingi docent in verbis illis, quæ
 Eph. 3. fit latitudo, & longitudo, &
 sublimitas, & profundum. Si-
 gnificantur autem in his verbis pri-
 mum attributa Dei; in altitudine,
 potentia; in profundo, sapientia; in
 latitudine, bonitas; in longitudine,
 eternitas. Deinde virtutes Christi
 patientis; in latitudine, charitas; in
 longitudine, patientia; in altitudine,
 obedientia; in profundo, humilitas.
 Deniq; virtutes hoc tempore neces-

sariæ

Epist.

120.

Lib. 5.

Eph. 3.

sariæ
 in pro
 in lat
 ne, pe
 gimus
 dicitu
 cum h
 in nob
 in De
 bis. P
 sis Ch
 nunc e
 locum
 Nos
 tria pr
 Christ
 quam
 super
 derabi
 & in
 reliqu
 fuerun
 S. Ma
 tenebr
 quante

P R Æ F A T I O.

saria iis, qui salvantur per Christū;
 in profundo, fides; in altitudine, spes;
 in latitudine, charitas; in longitudi-
 ne, perseverantia. Ex quibus intelli-
 gimus, solam charitatem, quæ merito
 dicitur Regina virtutum, ubique lo-
 cum habere, in Deo, in Christo, &
 in nobis: reliquas virtutes, alias esse
 in Deo, alias in Christo, alias in no-
 bis. Proinde mirum non est, si in ip-
 sis Christi novissimis verbis, quæ
 nunc explicanda suscepimus, primum
 locum obtineat charitas.

Nos igitur primum explicabimus
 tria prima verba, quæ dicta sunt a
 Christo circa horam sextam, ante-
 quam sole obscurato tenebræ fierent
 super omnem terram. Deinde consi-
 derabimus ipsam solis defectionem;
 & tunc veniemus ad explicanda
 reliqua verba Domini, quæ prolata
 fuerunt circa horā nonam, ut scribit
 S. Matthæus, videlicet recedentibus Matth.
 tenebris, & morte Christi propin-
 quante, vel potius imminente.



D
T
C

Expli
Pa
qui

C

er ve
lenif
dco
morie
a, se
acifi
na, q
no co
ur, &
dimp
sus a
im se
am, t
am, ve

1

LIBER I.
DE PRIMIS
TRIBVS VERBIS
IN
CRUCE PROLATIS.

CAP. I.

*Explicatur ad litteram verbum primum,
Pater, dimitte illis: non enim sciunt,
quid faciunt. Luc. 23.*



CHRISTVS Iesus Ver-
bum æterni Patris, & de
quo idē Pater apertè dixit,
Ipsū audite; & qui de se *Matt. 17.*
apertè pronuntiavit, *Magi.*

ster vester unus est Christus, ut officio suo *Matt. 23.*
plenissimè satisfaceret, non solū vivens
à docendo nunquam cessavit, sed etiam
à docendo nunquam cessavit, sed etiam
moriens ex cathedra crucis verba pau-
ca, sed ardentia, sed utilissima, sed effi-
cacissima prædicavit, & planè dignissi-
ma, quæ à Christianis omnibus in inti-
mō cordis recipiantur, & custodian-
tur, & examinetur, & re ipsa ac factis
adimpleantur. Prima sententia hæc est:
Iesus autem dicebat: Pater, dimitte illis: non *Luc. 23*
enim sciunt quid faciunt. Quam senten-
tiam, tamquam verè novam & insoli-
tam, voluit Spiritus sanctus prædici ab

2 DE VII. VERB. DOM.

Isa. 53 *1. Cor. 13.* *Isaia propheta in illis verbis, Et pro transgressoribus rogavit. Quam verè autem dixerit Apoitolus Paulus, Caritas non quarit qua sua sunt, ex ordine harum sententiarum facile potest intelligi. Siquidem ex numero harū sententiarum, tres ad bonum aliorum pertinent, tres ad bonum proprium, una est communis. Sed prima cura Domino fuit de aliis, postrema de se.*

Ex primis autem tribus sententiis, quæ ad alios pertinent, prima dirigitur ad inimicos, secunda ad amicos, postrema ad consanguineos. Cujus ordinis hæc est ratio: quoniam caritas primùm succurrit magis egentibus; & qui tunc magis egebant, inimici erant; & nos quoque tanti Magistri discipuli, magis egebamus, ut nos institueret de dilectione inimicorum, quæ difficilior, & rarior est, quàm de dilectione amicorum vel consanguineorum, quæ facillima est, & nobiscū quodam modo nascitur, & nobiscum crescit, & sæpè plus quàm oportet, invalescit. Ait igitur Evangelista: *Iesus autem dicebat. Illud autem, designat tempus & occasionem orandi pro inimicis; atque opponit verba verbis, & operibus opera. Ac si diceret Evangelista: Illi Dominum crucifigebant, & vestes ejus, ipso aspiciente, inter se dividebant; alii irridebant, & infamabant, quasi seductorem & mendacem:*

dacem: ille autem cum hæc videret & audiret, & dolor atrocissimus esset ob manus & pedes recens crudelissimè perforatos, reddens bona pro malis dicebat: *Pater, dimitte illis.*

Patrem appellat, non Deum, aut Dominum quia intelligebat, in hac causa opus esse benignitate Patris, non severitate Iudicis: & quia ad Deum flectendum, sine dubio iratum ob tam ingentia scelera, opus erat amabile nomen Patris objicere. Itaque illud, *Pater*, hoc significare videtur: Ego Filius tuus, qui patior, ignosco, ignosce & tu Pater. Mihi Filio tuo dona hanc offensionem, quamvis isti non mereantur. Memento etiam, te quoque esse Patrem istorum per creationem, qua eos fecisti ad imaginem & similitudinem tuam. Ostende igitur in illos paternam charitatem tuam, quoniam etsi mali sunt, tamen filii sunt.

Dimitte. Hæc vox continet summam petitionis, quam Filius Dei, tanquã advocatus inimicorum suorum Patri suo repræsentat. Potest autè illud verbum, *Dimitte*, referri tum ad pœnam, tum ad culpam. Si referatur ad pœnam, exaudita fuit hæc oratio, quia cum mererentur Iudæi propter hoc scelus statim gravissimè puniri, & vel igne de cælo cadente cõsumi, vel diluvio aquarum perire, vel ferro & fame exterminari;

4 DE VII. VERB. DOM.

nari; dilata fuit pœna hujus peccati ad annos quadraginta: & si interim gens illa pœnitentiam egisset, salva incolumisq; mansisset; sed quia pœnitentiam nō egit, immisit in eos Deus exercitum Romanorum, Vespasiano imperante, qui civitatem primariam evertit, & gentem Iudæorum partim fame in obsidione, partim gladio capta civitate necavit, partim vendidit, partim captivos abduxit, partim in varias terras & loca dispersit. Quod ipsum Dominus primū per parabolam vineæ, & Regis facientis nuptias filio suo; & similitudinem ficulneæ infructuosæ: deinde etiam dispersis verbis, in die Palmarum, flendo & lamentando prædixit. Quod verò ad culpā attinet, exaudita fuit oratio, quia multis per hujus orationis meritū data est à Deo gratia compunctionis & respicientiæ. Inter quos illi sunt, qui

Luc. 23 percutientes pectora sua revertebantur. &

Matt. 27. Centurio, qui dicebat: *Verè Filius Dei erat iste.* & plurimi, qui paulò post ad Apostolorum prædicationem convertebantur, & confitebantur quem negaverant, & adorabant quem despexerant. Cur autem non omnibus conversionis gratia data sit, ratio est, quia oratio Christi conformis erat sapientiæ & voluntati Dei. Quod aliis verbis scribit S. Lucas in Actis Apostolorum, cū dicit: *Crediderunt*

derunt quotquot erant præordinati ad vitam eternam. ^{13.}

Illis. Per hanc vocem significantur ii, quibus indulgentiam Christus oravit. Et quidē primi videntur illi esse, qui Christum re ipsa cruci affixerūt, & ejus vestimenta inter se dividerunt: deinde omnes illi, qui causa passionis Dominicæ fuerunt; ut Pilatus, qui sententiam tulit; ut populus, qui clamavit: *Tolle, tolle, crucifige eum*; ut Principes Sacerdotum & Scribæ, qui eum falsò accusaverunt; ac ut altiùs ascendamus, ipse etiam primus homo, & ejus omnis posteritas, qui peccando causam passioni Christi dederūt. Itaque inimicis suis omnibus veniam petiit ex cruce Dominus. Inter inimicos autem nos omnes eramus, dicente Apostolo, *Cum inimici essemus, reconciliati sumus Deo per mortem Filii ejus. Ro. 5.* Itaque nos omnes, etiam antequàm nati essemus, numerati sumus in sacratissimo illo *Memento*, ut sic loquar, quo summus Pōtifex Christus oravit in Missa illa sacrosanctissima, quam in ara crucis peregit. Quid ergo retribues Domino, anima mea, pro omnibus, quæ retribuit tibi, etiam antequàm esses? vidit pius Dominus, te quoque inter inimicos suos aliquando futuram; & te non quærente neque petente, pro te ad Patrem oravit, ut tibi non imputaretur stultitia. An nō & te oporteret semper meminisse tā

6 DE VII. VERB. DOM.

dulcis patroni, & omnibus viribus laborare, ut nulla te præteriret occasio illi serviendi? An non etiã par esset, ut tanto exemplo permo tus disceres & tu non solùm inimicis tuis facilè ignoscere, & pro eis orare; sed etiam quotquot poteris ad idem faciendũ adducere? Omnino ita est, & hoc ipsum facere cupio & statuo, modò qui dedit tam insigne exemplum, porrigat etiam ex eadem pietate sua ad opus tam grande efficax auxiliũ.

Non enim sciunt quid faciunt. Ut videretur rationabilis intercessio, extenuat sive excusat Christus delictum inimicorum suorum, eo modo quo potuit. Excusare certè non poterat injustitiam in Pilato, neque crudelitatem in militibus, neque invidiam in Principibus Sacerdotum, neque stultitiam & ingratitude-
nem in populo, neque falsa testimonia in pejerantibus. Hoc solùm restabat, ut excusaret in omnibus ignorantiam. Verè enim, ut Apostolus loquitur, *si cognovissent, numquam Dominum gloria crucifixissent.* Sed quamvis neque Pilatus, neque Principes Sacerdotum, neque populus, neq; ministri cognovissent, Christum esse Dominum gloriæ; cognovit tamen Pilatus, illũ fuisse virum justum & sanctum, & à Principibus Sacerdotum per invidiam traditum: & agnoverunt Principes Sacerdotum, illum verè esse Christũ in Lege promissum, ut sanctus

1. Cor. 2

ctus
pote
sign
Prop
que
dant
caus
sum
non
sive
riæ
mal
enim
tant
ei, q
jur
clau
suis
vert
catis
ria
Ad
litis
tia
non
Sap
lum
Om
cant
faci
sub
etur
lũm

ctus Thomas docet; quia negare non
 poterant, neque negabant, eum multa ^{In Cō-}
 signa facere, quæ Messiam facturū fuisse ^{mēt. ad}
 Prophetæ prædixerant. Cognovit deni- ^{2. cap.}
 que populus, Christum sine causa iusta ^{prioris}
 damnari, palam clamante Pilato, Nullam ^{ad Co-}
 causam mortis invenio in eo. & Imocens ego ^{rinth.}
 sum à sanguine iusti huius? Quamvis autē ^{Luc. 23}
 non cognoverint Iudæi, sive Principes, ^{Math.}
 sive populi, Christum esse Dominū glo- ^{27.}
 riæ; tamen cognoscere potuissent, nisi
 malitia excæcasset corda illorum. Sic
 enim loquitur sanctus Ioannes: Cū
 tanta signa fecisset coram eis, nō credebāt in ^{Ioā. 12.}
 eū, quia dixit Isaias: Excæca cor populi hu-
 jus, & aures ejus aggravata, & oculos ejus
 claude: ne forte videat oculis suis, & auribus
 suis audiat, & corde suo intelligat, & con-
 vertatur, & sanem eum. Neq; verò excæ-
 catio excusat excæcatum, quia volunta-
 ria & concomitans est, non præcedens.
 Ad quem modum illi etiam, qui ex ma-
 litia peccant, laborant semper ignoran-
 tia aliqua, quæ tamen non excusat, quia
 non præcedit, sed comitatur. Verè enim
 Sapiens dicit: Errant qui operantur ma- ^{Pro. 14.}
 lum. Et verè etiam Philosophus dicit:
 Omnis malus ignorans. Et de omnibus pec-
 cantibus verè dici potest: Nō sciunt quid
 faciunt. Nemo enim potest velle malum
 sub ratione mali, quia voluntatis obje-
 ctum, non est res bona vel mala, sed so-
 lum bona, atq; idcirco qui eligunt ma-
 lum,

3 DE VII. VERB. DOM.

lum, semper eligunt sub ratione boni representatum, immò etiam sub specie maximi boni, quod tunc obtineri possit. Cujus rei causa est perturbatio partis inferioris, quæ offundit tenebras rationi, & facit, ut non discernat nisi id parum boni, quod est in ea re quæ appetitur. Qui enim eligit adulterium vel furtum facere, numquam eligeret, nisi attenderet ad bonum delectationis vel lucri, quod est in adulterio vel furto; & nisi oculos mentis clauderet ad malum turpitudinis vel injustitiæ, quæ est in adulterio vel furto. Itaque similis est, omnis qui peccat, homini, qui ex alto semetipse in fluvium præcipitare cupiens, antè claudit oculos, ac postea semet in flumen projicit. Sic igitur, omnis qui male agit, odit lucem, & ignorantia voluntaria laborat quæ non excusat, quia voluntaria est. At si non excusat, cur Dominus ait: *Dimitte illis; non enim sciunt quid faciunt.* Ad hoc responderi potest, verba Domini primùm intelligi posse de crucifixoribus, quos probabile est, penitus ignoravisse Christi non solum divinitatem, sed etiam innocentiam; & simpliciter sanctos officio suo. Pro his ergo verissimè Dominus dixit: *Pater, dimitte illis; non enim sciunt quid faciunt.*

Deinde si intelligantur de nobis, qui nondum eramus; vel de multis peccatoribus

ribi
qui
fini
ei
præ
fiar
nor
cha
ini
eo
ign
tan
nu
gra
nor
ign
nor
ex
aff
eju
qu
me
fi u
po

E
fruc
bis

LIB. I. CAP. I.

ribus absentibus, qui verè nesciebant quid tunc Ierofolymis ageretur; verisimè Dominus dixit, *Non sciunt quid faciunt*. Deniq; si intelligantur de iis, qui præsentés erant, & Christum esse Messiam, vel innocentem hominem non ignorabant: tunc dicendum erit, Christi charitatem tantam fuisse, ut peccatum inimicorum suorū extenuare voluerit, eo modo quo poterat. Quamvis enim ignorantia illa simpliciter non excuset: tamen rationem aliquam, quamvis tenuem, excusationis habere videtur; quia gravius peccassent, si omni prorsus ignorantia caruissent. Et quamvis non ignoraret Dominus excusationem illam non tam excusationem, quàm umbram excusationis esse: voluit tamen illam afferre, ut ex ea intelligeremus bonam ejus voluntatem erga peccatores, & quàm avidè arripuisset excusationem meliorem etiam pro Caipha & Pilato, si ulla melior & rationabilior inveniri potuisset.

CAP. II.

*De primo fructu primi verbi in
cruce prolati.*

EXplicavimus quæ sit sententia primi verbi à Christo in cruce prolati; nūc fructus aliquos, eosque optimos, & nobis omnibus utilissimos ex eo verbo decerpere

10 DE VII. VERB. DOM.

cerpere meditando curabimus. Primum omnium ex hac prima parte concionis Christi in cathedra crucis habitæ discimus, charitatem Christi ardentiorē fuisse, quā nos intelligere vel cogitare possimus. Atque hoc est, quod

Eph. 3.

Scire etiam supereminentem scientiæ charitatem Christi. Significat enim eo loco Apostolus, per mysterium crucis, posse nos discere, magnitudinem charitatis Christi tantam esse, ut superemineat scientiam nostram; cū sit major, quā ut nos eam cognitione apprehendere valeamus. Nos enim cū uno aliquo gravi dolore cruciamur, sive dentium, sive oculorum, sive capitis, sive alterius membri, ita in illo uno tolerando occupamur, ut nihil aliud cogitare possimus: idē neque visitationes amicorum, neque negotiorum tractatores admittimus. Christus autem crucifixus, coronam spineam in capite gerebat, ut satis apertē docēt antiquissimi

Lib. cō-
tra Iu-
dæos c.
13.
Tract.
25.

scriptores, Tertullianus Latinus libro contra Iudæos, & Origenes Græcus in Matthæum: proinde caput ad crucem sine dolore applicare sive admove-
re non poterat. Manus ejus & pedes clavi tenebant, ex quorum terebratione dolorem acerbissimū & continuum Dominus hauriebat. Corpus nudum, & multa flagellatione & longis itineribus
fati-

fatig
blici
nnum
& p
mino
cruc
o ch
pera
nihil
suor
illis
tren
cere
tione
fi an
hoste
mi p
me I
vinci
proc
scop
diqu
men
illo
lia in
riden
aspic
feroc
res;
morb
ris, se
ti Pat
das.

fatigatum, ad ignominiam & frigus publice expositum, & pondere suo manuum & pedum vulnera cum immani & perpetuo cruciatu divexans, pio Domino multos simul dolores, & quasi cruces plurimas afferebat. Et tamen, o charitas verè scientiam nostram superans! his omnibus contemptis, quasi nihil ipse pateretur, de sola inimicorum suorum salute sollicitus, & impendens illis periculum avertere cupiens, ad Patrem clamat, *Pater, dimitte illis*. Quid faceret, si scelesti illi homines persecutionem injustè paterentur, non facerēt? si amici, si consanguinei, si filii, non hostes, non proditores, non scelestissimi parricidæ fuissent? Verè, benignissime Iesu, charitas tua sciētiam nostram vincit. Video enim cor tuum, inter tot procellas injuriarum & passionū, quasi scopulum in medio mari fluctibus undique assidue pulsatum; immotum tamen & pacificum. Aspicias enim hostes illos tuos, crudelēs, qui post tot mortalia insiēta vulnera patientiam tuam irident, & lætantur cum malefecerint: aspicias, inquā, non ut inimicus inimicos ferocientes; sed ut pater filiolos vagiantes; vel ut medicus ægrotos ex gravi morbo delirantes: ideo non eis irasceris, sed eorum misereris; & omnipotentī Patri curandos sanandosq; commendas. Hæc enim vis est veræ charitatis,

ut

ut cum omnibus pacem habeat, nullos reputet inimicos, sed & cum iis qui oderunt pacem, vivat pacificè.

Atque hoc est, quod in Cantico amoris de virtute perfectæ charitatis prædicatur: *Aqua multa non potuerunt extinguere charitatem, nec flumina obruent illam.* Aquæ multæ, passiones multæ sunt, quas nequitia spirituales, quasi tartaræ procellæ, per Iudæos & Gentiles, quasi nubes odiorum gravidas, in Christum effuderunt: sed tamen diluvium istud aquarum, id est pœnarum, non potuit extinguere incendium charitatis, quod ardebat in pectore Christi. Ideò Christi charitas in diluvio illo aquarum multarum eminebat, & ardebat, dicens: *Pater, dimitte illis.* Nec solùm aquæ illæ multæ non potuerunt extinguere charitatem Christi; sed neq; deinceps flumina persecutionū obruere poterunt charitatem membrorum Christi. Ideò paulò post charitas verè Christiana ardens in pectore sancti Stephani non potuit extingui ab imbre lapidum, sed exarsit, & clamavit: *Domine ne statuas illis hoc peccatum.* Ac deinceps Christi perfecta atque invicta charitas, propagata in multis millibus sanctorū Martyrum & Confessorum, ita pugnavit adversus flumina persecutorū tum invisibilium, tum visibilium, ut verè dici possit usq; ad mundi consummationem,

Act. 7

nem, Neque flumina passionum ob-
ruent incendium charitatis.

Ac ut ab humanitate Christi ad divi-
nitatem ejus ascendamus, magna fuit
Christi hominis charitas erga crucifi-
xores suos; sed major fuit erga eosdem,
& postea erit usque ad mundi consum-
mationem charitas Christi Dei, & Pa-
tris ejus, ac Spiritus sancti erga homi-
nes, qui cum ipso Deo inimicitias ge-
runt; & si possent, deturbarent eum de
cælo, & in crucem agerent, atque occi-
derent. Quis cogitando assequi poterit
charitatem Dei erga homines ingratos
& malos? Angelis peccantibus non pe-
percit Deus, neque locum pœnitentiæ
indulgit: homines peccantes & blasphemantes,
& ad diabolum hostem Dei de-
ficientes, patienter sæpè tolerat; nec so-
lùm tolerat, sed interim pascit ac nu-
trit, quin etiam sustentat ac portat: *In*
ipso enim vivimus, & movemur, & sumus. *Act. 17.*
ut Apostolus loquitur. Nec solùm boni
& justi, sed etiam ingrati & mali, ut
Dominus loquitur apud Lucam. *Nec*
solùm bonus Dominus noster nutrit
& pascit, sustentat & portat inimicos
suos; sed etiam sæpè cumulat benefi-
ciis, ornat ingenio, divitiis auget, eve-
hit ad honores, sublimat ad Regna: at-
que interim patienter expectat, ut re-
vertantur à via iniquitatis & perdi-
tionis.

Ac ut cetera omittamus, quæ infinitam orationem desiderarent, si de charitate Dei in homines malos, atque inimicos divinæ majestatis, omnia quæ dici possent enumerare vellemus; Christi beneficium solum, de quo nunc agimus, consideremus. Nonne sic Deus dilexit mundum, ut Filium suum unigenitum daret? Mundus inimicus Dei est, nam in

1. Jo. 3. maligno positus est, ut loquitur S. Ioānes.

1. Jo. 4. & Si quis diligit mundum, non est charitas Patris in eo, ut idem ipse testis est. & Amicitia hujus mundi, inimica est Dei.

1. Jo. 4. & Quicumque voluerit amicus esse sæculi hujus, inimicus Dei constituitur, ut scribit sanctus Iacobus. Deus igitur diligens mundum, inimicum suum dilexit; sed ut faceret amicum. Nam ideò misit ad

3. Jo. 9. illum Filium suū, qui est Princeps pacis, ut per eū reconciliaretur mundus Deo. Ideò enim nascente Christo cecinerunt Angeli: *Gloria in altissimis Deo, & in terra pax.* Itaq; Deus dilexit mundum inimicum, ut per Christum offerret illi reconciliationem, & recōciliatus evaderet supplicium debitū inimico. Mundus Christum non recepit, auxit culpā, insurrexit in Mediatorem; inspiravit Deus Mediatori ut redderet bona pro malis, & rogaret pro persecutoribus: rogavit, *exauditus est pro sua reverentia.* Expectavit Dei patientiā, ut mundus per Apostolorum prædicationem pœnitent-

nitentiam ageret : & qui pœnitentiam egerunt, indulgentiam acceperunt; qui non egerunt, tandem post longam Dei patientiam, iusto Dei iudicio exterminati sunt. Verè igitur ex hoc primo Christi verbo discimus supereminētem scientiæ charitatem Christi : discimus quoque supereminentem scientiæ charitatem Dei Patris , qui sic dilexit mundum, ut filium suum unigenitum daret; ut omnis qui credit in eum, non pereat, sed habeat vitam æternam. *Io. 3. 5.*

CAP. III.

De altero fructu ejusdem primi verbi à Christo in cruce prolati.

Alter fructus, & quidem valdè salutaris omnibus gustantibus eum, erit, si discant homines acceptas injurias facillè condonare, ac per hoc amicos sibi ex inimicis facere. Ad hoc autem persuadendum satis magnum argumentum esse deberet exemplū Christi, & Dei. Nam si Christus crucifixoribus ignovit, & pro eisdem oravit: cur id nō faciet Christianus? Si Deus creator, qui posset, ut Dominus & Index, statim ultionem sumere de peccatoribus, tamē expectat ut peccator ad pœnitentiam redeat; & ad pacem & reconciliationem invitat, paratus ignoscere iis, qui majestati suæ injuriam fecerunt: cur id non faciet creatura? Ad-

de, quòd injuriæ condonatio non careret ingenti præmio. Scriptum est in historia de vita & obitu sancti Engelberti Archiepiscopi Colonienfis, quòd cum ille in itinere positus ab inimicis suis occideretur, & ille in corde suo diceret; *Pater, ignosce illis*, revelatum de eo fuit, quòd ob illam unam actionem, Deo supra modum gratam, non solum anima illa subito ab Angelis suscepta in calum delata fuerit; sed etiam inter choros Martyrum collocata, palmam & coronam Martyrum acceperit, & multis post obitum miraculis claruerit.

O si scirent homines Christiani, quàm facile possent, si vellent, incomparabilibus thesauris ditari; & quàm illustres honorum & gloriæ titulos promereri, si vellent perturbationibus animi sui dominari, & breves ac parvas injurias excelso animo præterire: certe non tam duri & inexorabiles essent ad injurias condonandas, vel tolerandas. Sed, inquit, videtur omnino juri naturæ adversari, quòd quis injustè se conculcari, & verbis aut factis violari patiatur: videmus enim animantia bruta, quæ solo naturæ instinctu ducuntur, in bestias inimicas, ubi eas conspexerint, acriter insilire, easque morsibus vel calcibus interimere. Experimur & ipsi in nobis, cum fortè in inimicum nostrum incidimus, continuò accendi bilem.

Vide
apud
Sur. die
7. No-
vemb.

lem,
ditar
nino
justa
I
test:
vim
vind
fiat,
riatm
non
blic
Den
dicir
Q
cas
quòd
inter
mine
separ
nam
tium
& à
hor
pers
irasc
& i
tos,
odio
ille
nihil
bunt
& A

lem, ebullire sanguinem, vindictæ cupiditatem naturaliter exoriri. Fallitur omnino qui sic ratiocinatur, & confundit justam defensionem cum ultione injusta.

Defensio justa reprehendi non potest: & hoc est quod natura ipsa docet, vim vi repellere; non acceptam injuriam vindicare. Repugnare ne injuria sibi fiat, nemo prohibet: sed acceptam injuriam ulcisci, Lex divina vetat. id enim non ad privatos homines, sed ad publicum magistratum pertinet. & quia Deus Rex Regum est, ideo clamat & dicit: *Mihi vindicta, & ego retribuam.* Deu. 32
Ro. 12

Quod autem bestia in bestias inimicas naturaliter irruant, ex eo nascitur quod bestia sint, & discernere nequeant inter naturam, & vitium naturæ. Heb. 10 Homines autem, qui ratione præditi sunt, separare debent naturam, sive personam, quæ à Deo creata bona est; & vitium, sive peccatum, quod malum est, & à Deo non prodiit. Proinde debet homo, cum injuriam accepit, diligere personam, & odisse injuriam; nec tam irasci homini inimico, quam misereri; & imitari medicos, qui diligunt ægrotos, & ideo diligentissimè curant, sed odio habent morbum, & ad eum exellendum & destruendum, atque ad nihilum redigendum, pro viribus incumbunt. Atque hoc est, quod Magister & Medicus animarum Christus, docuit,

Matth. 5 cuit, cum ait: *Diligite inimicos vestros, benefacite his qui oderunt vos, & orate pro persequentibus, & calumniantibus vos.* Neq; similis fuit Magister noster Christus Scribis & Phariseis, qui sedentes

Matth. 23. super cathedram Moyfi docebant, & non faciebant: sed sedens in cathedra sanctæ crucis, quod docuit, fecit: dilexit enim inimicos suos, & pro iis oravit, dicens: *Pater, dimitte illis; non enim sciunt, quid faciunt.* Quòd verò etiam in hominibus sanguis bullire incipiat, cum eos, à quibus injuriam acceperunt, vident; ratio est, quia sunt homines animales, & nondum didicerunt motus partis inferioris, quæ nobis cum bestiis communis est, fræno rationis coercere. Qui enim spirituales sunt, & motibus corporis nõ subjacere sed præesse noverunt, non irascuntur inimicis, sed misereantur, & beneficiis illos ad pacem atque concordiam allucere student.

At hoc, inquam, nimis difficile est & durum, præsertim hominibus, qui nobiliter nati, de honore solliciti esse debent. Immodò verò facile est: nam jugum Christi, qui Legem istam sectatoribus suis imposuit, suave est; & onus ejus leve, ut Evangelia testantur: & mandata ejus gravia non sunt, ut sanctus Ioannes affirmat. Quòd si difficilia & gravia nobis videntur, id no-

bis

bis
ca au
est dif
lo: Ch
nia suff
omnia
inimic
super
turæ f
cos fu
rificè
vid S
tulit
est ac
posse
stinu
exemp
romar
bat d
peccat
lus,
Iudæ
morti
illu r
Et Ap
posto
nedici
nervis
niqu
biles
hoc m
inqui
dum e

bis accidit, quia charitas Dei modica aut nulla in nobis est: nihil enim est difficile charitati, dicente Aposto.^{1. Cor.} lo: *Charitas patiens est, benigna est, omnia suffert, omnia credit, omnia sperat, omnia sustinet.* Neque solus Christus inimicos dilexit, quamvis in hac re super omnes emineat: nam in Lege naturæ sanctus Patriarcha Ioseph inimicos suos, à quibus venditus fuit, misericordè dilexit. Et in Lege scripta David Saulem inimicum patientissimè tulit, à quo longo tempore quæsitus est ad mortem. & ipse contra, cum posset Sauli necem inferre, semper abstinuit. In Lege autem gratiæ, Christi exemplū sequutus est Stephanus protomartyr, qui cum lapidaretur, orabat dicens: *Domine ne statuas illis hoc peccatum.* & sanctus Iacobus Apostolus, & Episcopus Ierosolymæ, quæ à Iudæis de loco sublimi dejectus, ac morti proximus clamabat: *Domine da illis veniam, quia nesciunt quid faciunt.* Et Apostolus Paulus de se, & de Coapostolis suis dicit: *Maledicimur, & benedicimus: persecutionem patimur, & sustinemus: blasphemamur, & obsecramus.* Denique Martyres plurimi, & innumerabiles alii, Christi exemplum sequuti, hoc mandatum facilè impleverunt. Sed inquirunt adhuc alii, Nō nego, ignoscendum esse inimicis; sed tēpore suo, cum

DE VII. VERB. DOM.

videlicet recesserit memoria acceptæ injuriæ, & animus à turbatione illa cō-
 quieverit. Sed quid, si interim rapiaris
 ex hac vita, & sine veste charitatis in-
 veniaris, & dicatur tibi: *Quomodo huc in-
 trasti non habens vestem nuptialem?* nōn-
 ne tunc obmutesces, & audies senten-
 tiam Domini dicentis? *Ligatis manibus,
 & pedibus ejus, projicite in tenebras exte-
 riores: ibi erit fletus, & stridor dentium.*
 quin potiùs solerter attendis, & imita-
 ris exemplum Domini tui, qui illo ipso
 tempore, quo accipiebat injuriam, &
 stillabant manus & pedes ejus recenti
 sanguine, & totum corpus ejus acer-
 bissimis doloribus torquebatur, dice-
 bat Patri: *Pater, dimitte illis.* Hic est ve-
 rus & unicus magister, quem omnes
 audire debent, qui in errorem induci
 non volunt: de hoc Deus Pater de cælo
 pronuntiavit: *Ipsam audite.* In hoc sunt
 omnes thesauri sapientiæ & scientiæ
 Dei. Certè si Salomonem consultuisses,
 satis tutò consilium ejus vel judicium
 sequereris; & ecce plusquam Salomon
 hic.

Matt.
 22.

Matt.
 17.
 Col. 2.

Matt. 12

Sed audio adhuc nescio quem recla-
 mantem, & dicentem: Si velimus red-
 dere bonum pro malo, beneficium pro
 injuria, benedictionem pro maledicto:
 insolescent improbi, audaciores fient
 grassatores, opprimentur justi, concul-
 cabitur virtus. Non ita est, nam sæpè, ut
 Sa-

Sapi
 iram
 ni fui
 simun
 Magi
 cipes
 verita
 detur
 quilla
 quan
 stitia
 quæ
 lum
 & ad
 dum
 illos
 Sic e
 perfec
 palma
 non ac
 perit,
 phi et
 dices
 bus
 Nihil
 vit le
 secua
 diam
 illi fi
 trum
 Se
 ma,
 ment

Sapiens loquitur, *Responsio mollis frangit Pro. 15*
irata: nec raro patientia iusti admiratio-
 ni fuit persecutori, & de hoste amicis-
 simum reddidit. Neque desunt in terris
 Magistratus politici, & Reges ac Prin-
 cipes, quibus cura est, ut secundum fe-
 veritatem Legum coërceatur impij; &
 detur opera, ut iusti quietam & tran-
 quillam vitam ducant. Sed etiam si ali-
 quando dormitaret alicubi humana ju-
 stitia, vigilat semper providentia Dei,
 quæ nullū malum impunitum, & nul-
 lum bonum irremuneratum relinquet:
 & admirabili ratione facit, ut improbi
 dum se iustos opprimere arbitrantur,
 illos exalcent & illustriores reddant.
 Sic enim loquitur sanctus Leo: *Savisti*
persecutor in Martyrem, savisti, & auxisti Serm. de S.
palمام, dum aggeras pœnam. Nam quid Laur.
non ad victoris gloriam ingenium tuum re-
perit, quando in honorem transferunt trium-
phi etiam instrumenta supplicij? Quod idē
 dicere possumus de omnibus Martyri-
 bus, necnō etiam de veteribus sanctis.
 Nihil enim magis illustravit & exalta-
 vit Iosephum patriarcham, quàm per-
 secutio fratrum. Dum enim per invi- Ge. 37.
 diam illum Madianitis vendunt, causa
 illi fuerunt, ut totius Ægypti, & fra- Ibi. 41.
 trum suorum Princeps fieret.

Sed his omissis, colligamus in sum-
 ma, quanta & quàm ingentia detri-
 menta patiantur, qui ut umbram dede-

coris apud homines fugiant, injurias ab inimicis acceptas obstinato animo ulcisci volunt. Primum stultos se produnt, cum velint majori malo tollere minus malum: est enim principium omnibus notum, & ab Apostolo declaratum, cum ait: *Non sunt faciendæ mala, ut veniant bona*: sicut etiam non sunt faciendæ majora mala, ut tollantur mala minora. Qui injuriam accipit, incidit in malum pœnæ: qui vindictam facit, incidit in malum culpæ. At sine ulla cõparatione majus est malum culpæ quàm pœnæ: siquidem pœna facit hominem miserum, sed non malum; culpa facit miserum & malum: pœna privat hominem bono temporali; culpa privat bono temporali & æterno. Itaque similis est is, qui, ut medeatur malo pœnæ, incidit in malum culpæ, ei, qui ut accommodet calceum nimis brevem, abscindit sibi partem pedis: quæ manifesta insanía est. Sed non inveniuntur qui in rebus temporalibus ita insaniant: inveniuntur tamen homines planè excæcati, qui non meruunt Deum gravissimè offendere, ut umbram, ut dixi, humani dedecoris fugiant, vel ut honoris fumum apud homines conservent. Isti enim incidunt in iram atque odium Dei; unde nisi maturè resipiscant, & seriam pœnitentiam agant, sempiterno opprobrio, & suppli-

suppli-
decus
bolo
rum
runt
micit
ciunt
sæviss
ficari
judici
rerea
accep
suum
ex ser
vel in
cogat
ejus t
tur. Si
manc
piunt
& fra
fimi
& tar
homi
ni ini
qui sa
nium
cruce
tem, a

supplicio multabuntur, & gloriam ac decus æternum amittent. Deinde diabolo & angelis ejus, qui hostes illorum ad injuriam inferendam incitarunt, hac ipsa de causa ut rixæ & inimicitia orientur, rem gratissimam faciunt. Quàm turpe autem fit inimico sævissimo generis humani pctius gratificari, quàm Christo: piorum omnium judicio & cōsiderationi relinquo. Prætereà non rarò accidit, ut qui injuriam accepit, & ulcisci illā parat, inimicum suum graviter vulneret, vel occidat: & ex sententia Principis cōfiscatis bonis, vel interimatur ipse, vel solum vertere cogatur; unde & ipse, & filii, & domus ejus tora infelicem vitam ducere cogatur. Sic diabolus ludit & illudit eos, qui mancipia falsi honoris magis esse cupiunt, quàm Christi Regis optimi, servi & fratres, & coheredes Regni amplissimi & sempiterni. Quare cùm tanta, & tam gravis jactura maneat stultos homines, qui contra præceptum Domini inimicis recōciliari recusant: omnes qui sapiunt, Christum, magistrum omnium, in Evangelio docentem, & de cruce factis doctrinam suam cōfirmantem, audiant & sequantur.

Matt. 5

Luc. 23

CAP.

Explicatur ad litteram verbum secundum:

Amen dico tibi : Hodie tecum eris
in paradiso. *Luc. 23.*

Alteram verbum, sive altera sententia à Christo in cruce prolata, teste sancto Luca, fuit illa magna promissio ad latronē secum in cruce pendentem, *Hodie tecum eris in paradiso.* Occasio hujus sententiæ fuit, quod cum duo latrones cum eo crucifixi fuissent, unus à dextris, & alter à sinistris; unus ad peccata sua præterita adjecit, ut Christum blasphemaret, & imbecillitatis argueret, dicens: *Si tu es Christus, salvum fac te ipsum, & nos.* Scribunt quidem sanctus Matthæus & sanctus Marcus, latrones cum Christo crucifixos imbecillitatem illi exprobrasse. Sed omnino credibile est, Matthæum & Marcum accepisse numerum multitudinis pro numero singulari, quod frequens est in Scripturis sanctis, ut sanctus Augustinus observavit in libris de Consensu Evangelistarum. Nam & Apostolus ad Hebræos scribens, de Prophetis dicit; *Obturaverunt ora leonum, lapidati sunt, secti sunt, circumierunt in melotis, in pellibus caprinis:* & tamen qui obturavit ora leonum, unus fuit Daniel: & qui lapidatus est, unus Ieremias fuit: & qui sectus est, unus Isaias. Adde, quod

Mat-

Mat
bunt,
Christi
autem
blasph
nulla
blasph
Qu
hunc,
fenten
do au
illis, no
Evang
Lucas
torib
latro
Itaque
Ambr
duob
masse
disse
blasph
tu tim
tione
crucis
ei affi
corrip
conve
ejus h
daos h
sed illi
didicer
de vict

Matthæus & Marcus non disertè scribunt, utrumque latronem exprobrasse Christo, sicut Lucas disertè scribit, *Vnus Lu. 23*
autem de his, qui pendebant, latronibus, blasphemabat eum. Accedit quoque, quòd nulla est ratio, cur idem latro nunc blasphemaret, nunc laudaret.

Quod enim aliqui dicunt, latronem hunc, qui ante blasphemabat, mutasse sententiam, & Christum laudasse, quando audivit eum dicentem: *Pater, dimitte illis, non enim sciunt quid faciunt,* repugnat Evangelio manifestè. Sanctus enim Lucas narrat, Christum pro persecutoribus suis orasse Patrem, antequam latro deterior inciperet blasphemare. Itaque sequenda est sententia sancti Ambrosii & sancti Augustini, qui ex duobus latronibus unū solum blasphemasse, & alterum laudasse & defendisse Christum sentiunt. Igitur latroni blasphemanti respondit alter: *Neque tu times Deum, quod in eadem condemnatione es.* Felix iste latro ex consortio crucis Christi, & ex luce divina, quæ ei affulgere cœperat, fratrem suum corripere, atque ad meliorem mentem convertere satagit. Verborum autem ejus hæc sententia est: Tu quidem Iudæos blasphemantes imitari voluisti, sed illi nondum iudicium Dei timere didicerunt; quia vicisse se credunt, & de victoria sua exultant, cum Christum
 cruci

*In Luc.
23.
Libr. 3
de cõ-
sensu
Euan.*

cruci affixum cernunt ; se autem liberos & solutos , & nihil mali patientes vident. Tu autem qui propter delicta tua suspensus in cruce ad mortem properas, quare non incipis Deum timere? cur addis peccata peccatis? Deinde proficiens in opere bono , & luce gratiæ Dei auctus , confitetur peccata sua, & Christi innocentiam prædicat , *Et nos quidem*, inquit, *justè damnati sumus ad crucem, nam digna factis recipimus: hic verò nihil mali gessit.* Postremò crescente lumine gratiæ, addit: *Domine memento mei, cum veneris in Regnum tuum.* Admiranda prorsus Spiritus sancti gratia in corde hujus latronis illuxit. Aposto-

Joñ. 18. lus Petrus negat ; latro cruci affixus cõfitemur : Discipuli euntes in Emmaus,

Luc. 24 dicunt : *Non autem sperabamus ;* hic autem confidenter loquitur, dicens: *Memento mei, dum veneris in Regnum tuum.*

Joñ. 20 Thomas Apostolus, nisi videat Christum resurrexisse, negat se crediturum; latro in cruce Christum cruci affixum aspiciens , Regem post mortem futurum non dubitat.

Quis latronem istum mysteria tam alta docuerat ? Dominum vocat, quem nudum, vulneratum, dolentem, palàm irrisum & despectum , secum pendere considerat : dicit venturum post mortem in Regnum suum. Ex quo intelligimus, illum non somniare Christi Regnum

gnu
Iudæ
post n
illum
cuera
ritatis
nibus
Etione
scripti
& ita
miro
confe
rat in
ges e
autem
definu
stum p
Id que
exposi
abit i
regnum
proxim
morte
quan
calum
iturum
maxim
reditur
omnib
five pra
tur Reg
te acce
Memen

gnum temporale in terris futurū, quale
 Iudæi expectant; sed æternum Regem
 post mortem futurum in cælis. Quis
 illum ista tam sublimia sacramenta do-
 cuerat? nemo omnino, nisi spiritus ve-
 ritatis, qui prævenit eū in benedictio-
 nibus dulcedinis. Dixit post resurre-^{Pf. 20.}
 ctionem suam Apostolis Christus: sic
 scriptū est, & sic oportuit pati Christum, ^{Luc. 24}
 & ita intrare in gloriam suam. Sed latro
 miro modo hoc ipsum prænovit, &
 confessus est eo tempore, quo nulla e-
 rat in Christo similitudo regnantis. Re-
 ges enim regnant dum vivunt, cū
 autem vivere desinunt, regnare etiam
 desinunt; latro verò apertè dixit, Chri-
 stum per mortem iturum ad Regnum.
 Id quod in parabola quadam Dominus
 exposuit, cū ait: *Homo quidam nobilis* ^{Luc. 13}
abiit in regionem longinquam accipere sibi
regnum, & reverti. Hæc Dominus dixit
 proximus passioni, significans, se per
 mortem iturum in regionem longin-
 quam, id est, ad alteram vitam, sive ad
 cælum, quod longissimè distat à terra;
 iturum autē, ut acciperet sibi Regnum
 maximum & sempiternum: ac postea
 rediturum in die Iudicii, ut redderet
 omnibus, quod in hac vita meruerant,
 sive præmium, sive pœnam. De hoc igitur
 Regno Christi, quod statim à mor-
 te accepturus erat, latro sapiens dicit,
Memento mei, cū veneris in Regnum
tuum.

tuum. At nonne Christus Dominus etiam ante mortem Rex erat? Erat omnino. nam idem Magi clamabant: *Vbi est, qui natus est Rex Iudeorum?* & Christus ipse Pilato dixit: *Tu dicis, quia Rex sum ego. Ego in hoc natus sum, & ad hoc veni in mundum, ut testimonium perhibeam veritati.* Sed tamen Rex erat in hoc mundo, quasi peregrinus inter hostes; & idem non agnoscebatur ut Rex, nisi à paucis; & contemnebatur, & male excipiebatur à plurimis. Itaque idem dixit in parabola supra citata, se iturum in regionem longinquam, accipere sibi Regnum, nec dixit, acquirere, quasi alienum; sed accipere suum, & reverti: & latro sapienter dixit: *Cum veneris in regnum tuum.*

Porro Christi Regnum hoc loco non intelligitur potestas regia, vel dominium. hoc enim ab initio habuit, juxta illud Psalmi: *Ego autem constitutus sum Rex, ab eo super Sion montem sanctum ejus.* Et alio loco: *Dominabitur à mari usque ad mare; & à flumine usque ad terminos orbis terrarum.* Et Isaias dicit: *Parvulus natus est nobis, & filius datus est nobis: & factus est principatus super humerum ejus.* Et Jeremias: *Et suscitabo David germen justum: & regnabit Rex, & sapiens erit: & faciet judicium & justitiam in terra.* Et Zacharias: *Exulta satis filia Sion, jubila filia Jerusalem: Ecce Rex tuus veniet tibi justus, & Salvator: ipse pauper, & ascendens super asinam,*

asinam.
Non
Christi
piend
Mem
sed lo
tudini
omni
creat
servir
stitui
Regn
anim
ceptio
non
re, nisi
pereg
fatiga
ribus,
bebat
morte
videli
minu
Nomen
intrare
gloria
test e
que di
rie. &
lis, Eg
glorian
mus, se
tra in g

asnam, & super pullum filium asinae.
 Non igitur de hoc Regno loquitur
 Christus in parabola de Regno acci-
 piendo, neque bonus latro, cum ait:
Memento mei, cum veneris in Regnum tuum;
 sed loquitur uterque de perfecta beati-
 tudine, per quam homo eximitur ab
 omni servitute & subjectione rerum
 creatarum; & soli subjicitur Deo, cui
 servire regnare est; & ab ipso Deo con-
 stituitur super omnia opera ejus. Hoc
 Regnum, quod attinet ad beatitudinem
 animæ, Christus habuit ab initio con-
 ceptionis suæ: sed quantum ad corpus,
 non habuit de facto, sed solum de ju-
 re, nisi post resurrectionem. Dum enim
 peregrinaretur in terris, subjectus erat
 fatigationi, fami, siti, injuriis, vulne-
 ribus, & ipsi morti; quia tamen illi de-
 bebatur gloria corporis, ided post
 mortem intravit in gloriam suam, quæ
 videlicet illi debita erat. Sic ipse Do-
 minus loquitur post resurrectionem,
Nonne hac oportuit pati Christum, & ita ^{Luc.}
intrare in gloriam suam? Quæ quidem ^{24.}
 gloria ided etiam dicitur sua, quia po-
 test eam aliis etiam dare; & inde quo-
 que dicitur, *Rex gloria. & Dominus glo-* ^{Pf. 23.}
ria. & Rex Regum. & ipse dicit Apосто- ^{1. Cor.}
lis, Ego dispono vobis Regnum: nos enim ^{2.}
 gloriam & regnum accipere possu- ^{Apoc.}
 mus, sed non dare. & dicitur nobis: *In-* ^{19.}
tra in gaudium Domini tui; non, in gan- ^{Luc. 22}
diu ^{Matt.} ^{23.}

dium tuum. Hoc igitur est Regnum, de quo bonus latro dicit : *Cum veneris in Regnum tuum.*

Sed prætereundæ non sunt eximiæ virtutes, quæ micant in oratione istius sancti latronis, ut minùs miremur, cum responfionem Christi Domini audiemus: *Domine, inquit, memento mei, cum veneris in Regnum tuum.* Dominum appellat, quo titulo se famulum, vel mancipium potiùs emptitium esse fatetur; & Christum ut redemptorem agnoscit. Addit, *Memento mei,* quod est verbum plenum fide, spè, dilectione, devotione, humilitate. Non ait, Si poteris: quoniam credit, eum omnia posse. Non dicit, Si placebit tibi: quia de charitate ejus & pietate planè confidit. Non dicit, Cupio Regni consortium: quia humilitas ejus id non ferebat. Denique nihil in particulari petit, sed tantùm, *Memento mei;* ac si dicere vellet, Si solum dignaberis meminisse mei, si in me oculum tuæ benignitatis declinare volueris; id mihi satis est, quia de tua potentia & sapientia certus sum, & de pietate & charitate omnino confido. Adjungit postremò; *Cum veneris in Regnum tuum,* ut ostendat, se nihil fragile aut caducum petere, sed ad sola sempiterna & sublimia suspirare.

Sequitur, ut responfionem Christi audiamus: *Amen, inquit, dico tibi: Hodie*

tecum

mecum eris in paradiso. Illud, *Amen*,
 est vox Christo solemniter, qua utebatur,
 cum aliquid serio affirmare vellet. Cer-^{Tract.}
 tē sanctus Augustinus non timuit dice-^{41. in}
 re, istam vocem esse quasi iuramentum^{Ioan.}
 Christi: non est enim proprie iuramen-
 tum, quia cum Dominus apud Mat-
 thæum dixerit: *Ego autem dico vobis, non*^{Matth.}
jurare omnino. & paulò post: *Sit autem*^{5.}
sermo vester, Est, est: Non, non: quod au-
tem his abundantius est, à malo est. non est
 ullo modo credibile, Dominum toties
 juravisse, quoties pronuntiavit *Amen*,
 cum vocem illam *Amen* frequentissimè
 usurpaverit; & apud sanctum Ioannem
 non solum *Amen*, sed *Amen, Amen*.
 Rectè igitur sanctus Augustinus non
 dixit, *Amen* esse iuramentum, sed quasi
 iuramentum Christi. Significat enim eā
 vox, verè: & cum quis ait, Verè dico
 tibi; serio affirmat, quod est proprium
 iuramenti. Christus igitur optima ra-
 tione latroni dixit, *Amen dico tibi*; id
 est, omnino affirmo, & tantum non
 iuro: quoniam tribus de causis po-
 tuisset latro ambigere de promissione
 Christi, nisi tam asseveranter affirma-
 ret. Primum, ratione personæ propriæ,
 quæ non videbatur ullo modo tanto
 præmio vel tanto munere digna. Quis
 enim suspicari potuisset, latronem
 de cruce ad Regnum repente posse
 transire? Deinde, ratione personæ

de
 ris in
 imia
 istius
 cum
 udie-
 cum
 n ap-
 man-
 retur;
 oscit.
 rbum
 rione,
 quo-
 n di-
 ritate
 on di-
 ia hu-
 nique
 nrùm,
 Si so-
 in me
 linare
 de tua
 & de
 onfido.
 in Re-
 fragile
 sempi-
 Christi
 i: Hodie
 mecum

Christi promittentis, qui tunc videbatur ad extremam inopiam, & debilitatem, & calamitatem redactus. Potuisset enim latro sic ratiocinari: Si iste non potuit vivens aliquid amicis suis præstare; quomodo poterit mortuus? Denique, ratione rei promissæ: promittebatur enim paradísus: atqui paradísus, ut tunc notus erat, non ad animas, sed ad corpora pertinebat. Siquidem paradísi nomine, terrestris paradísus apud Hebræos significabatur. Credibilius erat latroni, si Dominus dixisset: Hodie mecum eris in refrigerii loco cum Abraham, Isaac, & Jacob. Obistas igitur causas jure Dominus præmisit illa verba, *Amen dico tibi.*

Hodie. Non dicit, In die Iudicii cum justis ad dexteram te locabo. Non ait, Post aliquot annos purgatorii, ad refrigerium te perducam: non, Post aliquot menses vel dies te consolabor; sed *Hodie*, antequam sol occumbat, mecum transibis de patibulo crucis ad delicias paradísi. Mira liberalitas Christi, mira felicitas peccatoris. Non sine causa sanctus Augustinus in lib. de Origine animæ, sanctum Cyprianum secutus, existimat latronem illum posse vocari martyrem; & idèd sine purgatorio transivisse de hoc mundo ad patriam. Martyrem autem idèd posse vocari bonum latronem, quia publicè confessus

*Lib. I.
c. 9.*

illud

est

est
Apo
bant
habi
illius
pro
quan
gnun
scrib
rat e
illo
misit
quan
quatr
mens
lum
Qu
etian
non
posse
post
pulc
enim
tradi
nequ
aut t
chro
locus
aptus
solun
nis p
agere
fio, H

est Christum, quando ne ipsi quidem Apostoli verbum de eo facere audebant. Itaque ob liberam confessionem, habitam fuisse apud Deum mortem illius cum Christo, ac si eam pertulisset pro Christo. Illud autem, *Mecum eris*, quamvis nihil promitteretur aliud, magnum præmium latroni fuisset: nam ut scribit sanctus Augustinus, *ubi male poterat esse cum illo, & ubi bene esse poterat sine illo?* Non enim parvam mercedem promisit Christus iis qui eum sequuntur, quando dixit: *Siquis mihi ministrat, me sequatur: & ubi sum ego, illic & minister meus erit.* Sed non societatem tuam solum promisit, sed addidit, *in paradiso.*

Quid hoc loco paradisi significet, etiamsi nonnulli ambigere videantur, non videtur in quætionem revocari posse. Certum enim est, Christum ea die post mortem fuisse cum corpore in sepulchro, cum anima apud inferos. id enim disertis verbis symbolum fidei tradit. Certè autem neque sepulchro neque inferis nomen paradisi cælestis aut terrestris attribui potest. Non sepulchro, quòd illud angustissimus fuerit locus, & solis cadaveribus recipiendis aptus: ut omittam, quòd in eo sepulchro solum Christi corpus, non etiam latronis positum fuerit; proinde si de eo loco ageretur, non fuisset adimpleta promissio, *Hodie mecum eris.* Neque verò inferis

ulla ratione paradisi nomen aptari potest. Paradisus enim significat hortum deliciarum. Et quidem in paradiso terrestri erant arbores florigeræ & fructiferæ, erant aquæ limpidissimæ, erat æris amœnitas maxima. In paradiso cælesti erant & sunt delitiæ immortales, lumen indeficiens, sedes Beatorum. Apud inferos verò, etiam in ea parte ubi S. S. Patrum animæ morabantur, nulla erat lux, nulla amœnitas, nullæ delitiæ: non quidem illæ animæ torquebantur, sed contrà potiùs consolabatur eas & exhilarabat spes redemptionis futuræ, & visitatio Christi ad eos venturi. Sed tamen in obscuro carcere quasi captivæ detinebantur. Sic enim loquitur Apostolus

Eph. 4. Prophetam exponens: *Ascendens in al-*
Pla. 67 *tum, captivam duxit captivitatem.* Et *Za-*
Zach. 9 *charias ait: Tu quoque in sanguine testa-*
menti tui emisisti vinctos tuos de lacu, in
quo non est aqua. Vbi vocabula illa, vinc-
tos tuos; &, de lacu, in quo non est aqua,
 non paradisi amœnitas, sed carceris
 obscuritatem significant. Igitur nomen
 paradisi hoc loco nihil significat aliud,
 nisi beatitudinem animæ, quæ in visione
 Dei posita est: illa enim verè paradisi
 deliciarum est, non corporalis aut
 localis, sed spiritualis & cælestis. At-
 que hæc est ratio, cur petenti latroni,
 ac dicenti: *Memento mei cum veneris in*
Regnum tuum; Christus non responderit,
 Hodie

Hodie mecum eris in Regno meo ; sed, *in paradiso*. quia non fuerat Christus ea die futurus in Regno suo, id est, in perfecta felicitate corporis & animæ; sed in die Resurrectionis ad Regnum illud peruenturus erat, quando corpus habiturus erat immortale, impassibile, gloriosum, ac nulli omnino servituti vel subjectioni obnoxium. Neque in hoc Regno socium habiturus erat bonum latronem usque ad communem resurrectionem, atque ultimi Iudicii diem. Verissime autem & propriè illi dixit : *Hodie mecum eris in paradiso* : quoniam illa ipsa die communicaturus erat tum animæ boni latronis, tum animabus omnium Sanctorum apud inferos degentium, gloriam visionis Dei, quam ipse ab ipsa conceptione acceperat : hæc enim est gloria sive felicitas essentialis, atque id bonum, quod est præcipuum in cælesti paradiso. Et est sanè admiranda proprietates verborum Christi. Non enim dixit, *Erimus hodie in paradiso*; vel, *Adibimus hodie paradisum* : sed, *Mecum eris hodie in paradiso*. Quasi dicere voluisset, Tu mecum es hodie in cruce, sed non es mecum in paradiso, in quo ego sum, quò ad portionem animæ superiorem; sed paulò post, hac ipsa die, mecum eris non solum extra crucem, sed etiam intra paradisum.

CAP. V.

De primo fructu verbi secundi.

EX verbo secundo in cruce prolato aliquot eosque eximios fructus colligere possumus. Primus fructus est, consideratio immensæ misericordiæ & liberalitatis Christi; & quàm bonum atque utile sit illi servire. Christus oppressus doloribus, potuisset latronem orantem non audire; sed charitas maluit oblivisci dolorum acerbissimorum, quàm miserum peccatorem confitentem non audire. Idem Dominus ad maledicta & exprobrationes Sacerdotum & militum omnino obmutuit; sed ad clamorem pauperis pœnitentis & confitentis charitas obmutescere non potuit. Ad maledicta obmutuit, quia patiens est: ad confessionem non obmutuit, quia benigna est. Sed de liberalitate quid dicemus? Qui serviunt temporalibus dominis, sæpè multùm laborant, & modicum est quod lucrantur. Certè non paucos videmus quotidie, qui in aulis Principum ætatem contriverunt, & in senio postea domum redeunt pænè mendici. Christus autem Princeps verè liberalis, verè magnificus, nihil accepit ab isto latrone, nisi pauca verba bona, & bonum illi obsequendi

quendi desiderium : & ecce qualem mercedem accepit. Ipsa die, primum dimittuntur ei debita multa, quæ toto vitæ tempore peccando contraxerat: deinde admiscetur principibus populi sui, Patriarchis videlicet & Prophetis: denique assumitur ad consortium mensæ suæ, dignitatis suæ, gloriæ suæ, atque adedò omnium bonorum tuorum: *Hodie*, inquit, *mecum eris in paradiso*. Et quod dixit, fecit, neque distulit mercedem ejus ad alteram diem; sed illa ipsa die Luc. 6. mercedem plenam, confertam, coagitatam, supereffluentem dedit in sinum ejus.

Neque cum solo latrone isto Christus hoc fecit. Reliquerunt Apostoli naviculas, aut telonia, aut domunculas suas, ut Christo servirent: ille verdò constituit eos *Principes super omnem terram*, Pf. 44. Matt. 10. subjecit eis dæmonia, & serpentes, & omnia morborum genera. Dedit aliquis, ut Christo obsequeretur, pauperi cibum, aut vestes: audiet in die Iudicii, Matt. 25. *Esurivi, & dedisti mihi panem: nudus eram, & vestisti me: accipe ergo, & posside Regnum sempiternum. Denique, ut alia prætermittam, audi liberalitatem Domini planè incredibilem, nisi Deus esset qui promittit: *Omnis, qui reli-* Matt. 19. *querit domum, vel fratres, aut sorores, aut patrem, aut matrem, aut uxorem, aut filios, aut agros, propter nomen meum, centuplum acci-**

accipiet, & vitam aeternam possidebit. Ex-
In Com plicant autem sanctus Hieronymus &
ment. alii sacri Doctores hanc promissionem,
ad cap. ut hæc sit eorum verborum sententia:
19. *Matth.* qui rem aliquam temporariam pro Chri-
 sto in præsentī vita dimiserit, duplicem
 mercedem accipiet, & utramque in-
 comparabiliter majorem quàm sit res
 illa pro Christo dimissa. Primum enim
 accipiet spirituale gaudium, sive spiri-
 tuale donum in hac vita, centuplo ma-
 jus ac pretiosius quàm sit res illa pro
 Christo dimissa, sic ut recto iudicio ma-
 lit vir ille spirituale illud bonum sibi
 retinere, quàm illud cum centum do-
 nibus, vel agris, vel aliis rebus simili-
 bus commutare. Deinde ac si merces
 ista exigua aut nulla fuisset, accipiet
 felix ille mercator in futuro sæculo vi-
 tam aeternam; qua voce, immensa bo-
 norum omnium copia significatur.

Hæc videlicet est Christi Regis maxi-
 mi liberalitas in eos, qui seriò se ipsius
 servitio mancipare non dubitant. An
 non igitur stulti sunt, qui Christo di-
 misso, mammonæ, aut gulæ, aut luxu-
 riæ servire cupiunt? Sed, inquiunt qui
 Christi divitias non noverunt, ista ver-
 ba sunt, nos enim videmus Christi fa-
 mulos plerumque pauperes, sordidos,
 abjectos, tristes: istud verò centuplum,
 quod magnificas, numquam vidimus.
 Ita est, carnalis homo non vidit um-
 quam

quam
 prom
 videri
 illud
 consc
 degu
 volo
 anim
 suspic
 ploru
 sterc
 rum
 bus f
 sem f
 Deu
 boru
 exerc
 torqu
 re, ac
 Domi
 bant
 Euan
 & on
 ceptu
 vitam
 nunc
 centu
 quide
 deo m
 tionis
 sa car
 di sub
 ritual

quam illud centuplum quod Christus promissit, quia non habet oculos quibus videri potest: neque umquam solidum illud gaudium gustavit, quod pura conscientia & vera charitas in Deum degustare solet. Sed exemplum asserere volo, ex quo utcumque carnalis etiam animus spirituales delicias & divitias suspicari possit. Legitur in libro exemplorum de Illustribus viris Ordinis Cisterciensis, Arnulphum quemdam virum nobilem & divitem relictis omnibus factum esse monachum Cisterciensem sub Abbate sancto Bernardo. Hunc Deus flagellis durissimis variorum morborum, præsertim circa finem vitæ exercuit. Sed cum doloribus acrius torqueretur, cœpit magna voce clamare, ac dicere: *Vera sunt omnia qua dixisti Domine Iesu.* Interrogantibus qui astabant, cur ista diceret, ait: *Dominus in Evangelio suo dicit, Qui reliquerit divitias, & omnia qua habet propter ipsum, eum accepturum centuplum in hac vita, & postea vitam æternam. Ego vim hujus promissionis nunc demum intelligo, & fateor, me nunc centuplum accipere omnium qua dimisi: siquidem immensa hujus doloris acerbitas a deo mihi sapit propter spem divinæ miserationis, qua in ea reposita est mihi, ut hac ipsa caruisse me nolim, pro centuplicata mundi substantia quam reliqui. Verè enim spirituale gaudium quod modo est in spe,*

*Dist. 30.
exemp.
26.*

centies

40 DE VII. VERB. DOM.

centies millies exuperat gaudium seculare quod nunc est in re. hæc ille. Perpendat Lector hæc verba, & postea judicer, quanti facienda sit spes certa divinitus infusa, beatitudinis æternæ jam jam obtinendæ.

CAP. VI.

De secundo fructu verbi secundi.

Alter fructus est ejusdem secundi verbi, cognitio potentiæ gratiæ Dei, & imbecillitatis voluntatis humanæ. Ex qua cognitione discere poterimus, optimum esse confidere plurimum in auxilio Dei, & diffidere plurimum de viribus propriis. Cognoscere cupis potentiam gratiæ Dei? respice latronem bonum. Hic fuerat insignis peccator, & in statu illo deterrimo perseveraverat usque ad supplicium crucis, id est, paulò minùs quàm usque ad morrem: & non aderat illi in tanto periculo damnationis æternæ ullus, qui vel consilio vel auxilio eum juvaret: quamvis enim vicinissimus esset Salvatori, tamen audiebat Pontifices & Phariseos affirmantes illum esse seductorem, ambitiosum, Regni alieni affectatorem: audiebat latronem socium suum similia Christo impropertem. Nemo erat qui pro Christo verbum aliquod loqueretur; ac
ne

ne ipse quidem Christus blasphemias illas & maledicta refellebat. Et tamen aspirante gratia Dei, cum hinc nullum ad salutem subsidium habere videretur, & gehennæ vicinissimus esset, & à vita æterna quàm longissimè abesset; in momento illustratus, & ad meliora conversus, confitetur Christum esse innocentem, & Regem futuri sæculi: & quasi prædicator effectus, corripit sodalem suum, suadet illi pœnitentiam; & coram omnibus, commendat se devotè & humiliter Christo. Denique ita se gerit, ut quod supererat pœnalis cruciatus in ligno, converteretur illi in purgatoriam pœnam, & mox à morte intraret in gaudium Domini sui. Ex quo intelligimus, nullum debere desperare salutem, quando iste qui venit ad vineam Domini hora ferè duodecima, mercedem accepit cum suis qui venerant hora prima. Contrà verò latro alter, ut ostendatur infirmitas humana, non est correctus ex tam insigni charitate Christi, qui pro crucifixoribus suis tam amanter oravit; neque ex proprio supplicio suo, neque ex admonitione & exemplo socii, neque ex insolitis tenebris, & scissione petrarum; neque exemplo eorum, qui Christo mortuo, reyertebantur percutientes pectora sua. Quæ omnia contigerunt post conversionem boni latronis, ut intelligeremus, latro-

Luc. 23.

42 DE VII. VERB. DOM.

latronem alterum sine his subsidiis converti potuisse; alterum cum his omnibus non potuisse, vel potius noluisse.

At cur, inquires, Deus uni gratiam conversionis inspiravit, alteri non inspiravit? Respondeo, sufficientem gratiam neutri defuisse; & si alter eorum periit, culpa sua periit: si alter conversus est, gratia Dei conversus est, non sine cooperatione liberi arbitrii. Sed cur, inquires, non dedit utrique Deus gratiam illam efficacem, quæ à nullo duro corde respuitur? Istud ad secreta Dei pertinet, quæ nos admirari, non scrutari decet, cum illud nobis satis esse debeat, non esse iniquitatem apud Deum, ut Apostolus loquitur, & iudicia Dei occulta esse posse, injusta esse non posse, ut loquitur sanctus Doctor Augustinus. Illud magis ad nos pertinet, ut ab his exemplis discamus non differre conversionem usque ad vitæ finem. Nam etsi uni contigit, in extrema hora Dei gratiam invenire; alteri contigit iudicium invenire. Et si quis vel historias legat, vel casus quotidianos observet, inveniet profectò, rarissimos fuisse qui feliciter de hoc mundo exierint, cum per totum vitæ suæ cursum perditè vixerint; & contrà plurimos fuisse, qui post vitam negligenter actam, ad pœnas æternas rapti fuerint. Quemadmodum è contrario paucos omnino

Rom. 9

Epist.
205.

omni
vixerit
perierit
rari,
ductam
nerint
nimis
mome
de sem
vel un
re,
præse
tem
nitent
dempt

F Ruc
mi
tat,
eadem
videlic
tem J
natur
Vel si
tempo
per &
unum
latrone
stum,

omnino numerari, qui benè sancteque vixerint, & tamen infeliciter misereque perierint; & contrà plurimos numerari, qui post vitam sanctè pieque ductam, ad gaudia sempiterna pervenerint. Nimis omnino audaces sunt, nimisque temerarii, qui in re tanti momenti, cùm de vita sempiterna, vel de sempiternis suppliciis agitur, audent vel unum diem in peccato letali hære, cùm singulis momentis de vita præsentis abire queamus; & post mortem nullus sit amplius locus pœnitentiæ, & in inferno nulla sit redemptio.

CAP. VII.

De tertio fructu verbi secundi.

FRUCTUS tertius ex eodem verbo Domini colligi poterit, si quis advertat, tres fuisse in loco eodem & hora eadem crucifixos: innocentem unum, videlicet Christum: alterum pœnitentem, latronem bonum: tertium obstinatum in peccato, latronem malum. Vel si magis placeat, tres fuisse uno tempore cruci affixos: Christum semper & excellenter sanctum: latronem unum, semper & eximiè improbum: latronem alterum, aliquando sceleratum, aliquando sanctum. Ex qua re intel-

44 DE VII. VERB. DOM.

re intelligere possumus, neminem in hac vita sine cruce posse vivere; & frustra niti illos, qui crucem omnino fugere se posse confidunt; illos verò sapientes esse, qui de manu Domini crucem suam accipiunt, eamque usque ad mortem non solum patienter, sed etiam libenter ferunt. Quod omnes boni crucem suam habeant, ex verbis Domini

Matth. 16. potest intelligi: *Siquis vult, inquit, post me venire, abneget semetipsum, & tollat*

Luc. 14. *crucem suam, & sequatur me. & alibi: Qui non bajulat crucem suam, & venit post me, non potest meus esse discipulus. Quod*

2. Tim. 3. *idem Apostolus aperte docet, cum ait: Omnes qui pie volunt vivere in Christo Iesu, persecutionem patientur. cui concordant sancti Patres, Latini & Græci, ex*

quibus, causa brevitatis, duos tantum adducam. Sanctus Augustinus in Com-

ad Ps. 37. *mentario Psalmorum, Vita ista, inquit, parva, tribulatio est: si non est tribulatio, non est peregrinatio. si autem peregrinatio est, aut parum patriam diligis, aut sine du-*

ad Ps. 11. *bio tribularis. & alio loco: Si putas te nondum habere tribulationes, nondum cœpisti esse Christianus. Sanctus Ioan. Chryso-*

stomus in Homilia quadam ad popu-

Hö. 67 *lum Antiochenum, sic loquitur: A Chri-*
ad pop. Hö. 29 *stiani vita insolubile vinculum est tribula-*
in E- *tio. Idem Doctor, Non potes, inquit, dice-*
pist. ad re, *quia iustus est aliquis, qui expers tribu-*

Hebr. *lationis existat. Denique id ipsum ratio*

mani-

man
sine
non p
se dis
unum
aqua
donec
extin
quit
ta: s
Iusti
sursu
effica
justi
per te
cient
ni pe
Quia
tioner
zania
tum i
in eo
impre
sed et
non p
impre
non p
Sec
man
piis in
tur, pa
tiuntur
mala

manifestè probat. Res enim contrariæ sine mutua concertatione simul esse non possunt. Ignis & aqua, donec inter se distant, omnino quiescunt: cum in unum locum conveniunt, continuò aqua fumare, saltare, fridere incipit, donec vel aqua consumitur, vel ignis extinguitur. *Contra malum, bonum est. in Eccl. quit Ecclesiasticus, & contra mortem, vi-33.*

ta: sic & contra virum justum, peccator. Iusti sunt igni similes, lucent, ardent, sursum ascendunt, semper operantur, & efficaciter agunt quidquid agunt. Injusti contrà, similes sunt aquæ, frigidi, per terram labentes, lutum ubique facientes. Quid ergo mirum, si omnes boni persecutionem à malis patiuntur? Quia verò usque ad mundi consummationem permixta erunt triticum & zizania in eodem agro, palea & frumentum in eadem area, boni & mali pisces in eodem reti; id est, homines probi & improbi non solum in eodem mundo, sed etiam in eadem Ecclesia; ideo fieri non potest, ut probi & sancti viri ab improbis & sceleratis tribulationem non patientur.

Sed nec improbi sine cruce in hoc mundo vivunt. Quamvis enim à viris piis impii persecutionem non patientur, patiuntur tamen ab aliis impiis, patiuntur à propriis vitiis, patiuntur à mala conscientia. Certè sapientissimus

- Salomon, qui, si ullus alius, felicissimus fuisse visus est, crucem se portare negare non potuit, cum ait: *Vidi in omnibus vanitatem & afflictionem animi. & pauld infra: Et idcirco tadevit me vita mea, videntem mala universa esse sub sole, & cuncta vanitatem & afflictionem spiritus.* Et Ecclesiasticus, vir quoque sapiens valde, generalem sententiam protulit, dicens: *Occupatio magna creata est omnibus hominibus, & jugum grave super filios Adam.* Sanctus Augustinus in Psalmos, *Inter omnes, inquit, tribulationes, nulla est major, quam conscientia delictorum.*
- Ham. 3.* Sanctus Ioannes Chrysostomus in Homilia de Lazaro docet multis verbis, non posse improbos cruce sua carere. nam si pauper est, paupertas illi crux est; si abest paupertas, adest cupiditas, quæ magis affligit; si ex morbo decumbit, in cruce jacet; si liber à morbo est, inflammatur ira, quæ ipsa quoque crux est. Sanctus verò Cyprianus ex ipsa natiuitate demonstrat, omnem hominem ad crucem & tribulationem nasci, eamque naturaliter fletu suo prædicere:
- Serm. de Pa-tiētia.* *Vnusquisque nostrum, inquit, cum nascitur, & hospitio mundi huius excipitur, initium sumit à lacrymis. Et quamvis adhuc omnium nescius & ignarus, nihil aliud novit in illa ipsa prima natiuitate, quam flere: providentia naturali lamentatur vita mortalis anxietates & labores; & procellas mundi*

manu
suo pl
testat
Qua
se pot
comm
mus,
vem,
impre
& ste
rum,
test,
tendi
stis jar
boribus
nem lac
tem pr
vis dur
Scriptu
cat, cū
& H
tempo
ad mo
bitur
cruce
fatis
usque
tur in
taneu
supra
glorie
ment
tribul

mundi quas ingreditur, in exordio statim suo ploratu & gemitu rudis anima protestatur.

Quæ cum ita sint, nemini dubium esse potest, quin sit crux bonis malisque communis. Illud restat ut demonstremus, crucem piorum esse brevem, levem, & frugiferam: & contra, crucem improborum esse diuturnam, gravem, & sterilem. Ac de cruce quidem piorum, quod fit brevis, dubitari non potest, cum ultra tempus vitæ hujus extendi non possit: Morientibus enim iustis jam dicit Spiritus, ut requiescant à laboribus suis, & quod absterget Deus omnem lacrymam ab oculis eorum. Vitam autem præsentem esse brevissimam, quamvis dum fluit, videatur esse proluxa, Scriptura divina non obscure significat, cum dicit: *Breves dies hominis sunt.* *Job 14* & *Homo natus de muliere, brevi vivens tempore.* & *Quæ est vita vestra? vapor est ad modicum parens, & deinceps exterminabitur.* Apostolus autem, qui gravissimam crucem portasse videtur, & tempore fatis longo, ab adolescentia videlicet usque ad senectutem: tamen sic loquitur in Epistola ad Corinthios: *Momentaneum hoc, & leve tribulationis nostræ, supra modum in sublimitate æternæ gloriæ pondus operatur in nobis.* Vbi momento indivisibili comparat annos tribulationis supra triginta, & levem

1. Cor. tribulationem dicit, esurire, sitire, nudum esse, colaphis cædi, persecutionem affiduè pati, ter virgis fuisse cæsum à Romanis, quinquies flagellatum à Iudæis, semel lapidatum fuisse, ter naufragium fecisse. Denique versatum in laboribus plurimis, in carceribus abundantius, in plagis supra modum, in mortibus frequenter. Quæ igitur tribulationes graves dici poterunt, si istæ leves verè dicuntur, & sunt? Quid, si ad dam, justorum crucem non solum levem esse, sed etiam suavem & dulcem, ob superabundantem divini spiritus consolationem? Christus ipse de jugo suo, quod & crux dici potest, ita pronuntiat: *Iugum meum suave est, & onus meum leve.* & alibi: *Plorabitis, & flebitis vos, mundus autem gaudet: vos autem contristabimini, sed tristitia vestra vertetur in gaudium; & gaudium vestrum nemo tollet à vobis.* & Apostolus: *Repletus sum consolatione, superabundo gaudio in omni tribulatione nostra.* Denique crucem justorum non solum brevem & levem esse, sed etiam frugiferam, utilissimam, fecundissimam fructuum optimorum esse, negari non potest, cum Dominus noster apertissimè dicat apud sanctum Mat. 5 Matthæum: *Beati qui persecutionem patiuntur propter justitiam: quoniam ipsorum est Regnum calorum.* & Apostolus in epi. Rø. 8. stola ad Romanos clamer: *Non sunt condigna*

Matth.

31.

Rø. 16

2. Cor.

7.

Mat.

5.

Rø.

8.

dignas passiones hujus temporis ad futuram gloriam, qua revelabitur in nobis. Cui concordat coapostolus ejus Petrus, cum ait: *Communicantes Christi passionibus gaude-^{1.} Pat. dete, ut in revelatione gloria ejus gaudeatis^{4.} exultantes.*

Iam verò quòd crux improborum sit longissima, durissima, & sine ullo præmio vel fructu, nullo negotio demonstrari potest. Certè crux mali latronis non cum temporali vita finem accepit, ut crux latronis boni; sed usque ad hanc diem apud inferos durat, & in omnem aternitatem durabit. *Vermis enim im-^{Isai. 66.} piorum apud inferos non morietur, & ignis eorum non extinguetur.* Et crux divi-^{Luc. 16} tis Epulonis, id est, sitis cumularum opum, quas Dominus cum spinis veris-^{Matt. 13.} simè comparavit, quæ sine molestia tractari & conservari non possunt, non in morte finita est, ut crux Lazari mendici: sed ad inferos eum comitata perpetuò urit ac torquet, ac dicere cogit, *Vtinam aquæ gutta linguam meam refrigeraret, quia crucior in hac flamma.* Ita-^{Luc. 16} que crux improborum finem nullum inveniet. Et in hoc ipso tempore, quàm sit gravis & aspera, testantur voces illorum, quos liber Sapientiæ lamentantes introducit: *Lassati sumus in via ini-^{Sa. 5.} quitatis & perditionis, & ambulavimus vias difficiles. Quid? an non sunt viæ difficiles, ambitio, avaritia, luxuria? non*

sunt viæ difficiles, quæ illa vitia comitantur, iræ, rixæ, invidiæ? non sunt viæ difficiles, opera quæ ex his vitiis nascuntur, proditioes, convitia, contumeliæ, vulnera, mortes? ista certè ejusmodi sunt, ut non rarò adigant homines, ut desperantes ipsi sibi vitam auferant; & ut crucem unam effugiant, ipsi sibi crucem graviozem accersant.

Sed quid tandem lucri crux improborum parit? quem fructum affert? certè boni aliquid afferre non potest, quia non faciunt spinæ uvæ, nec tribuli ficus. Iugum Domini quietem affert, dicente ipso Domino: *Tollite iugum meum super vos, & invenietis requiem animabus vestris.* Iugum diaboli, quod est Christi iugo contrarium, quid afferre potest, nisi sollicitudinem, & anxietatem? Et quod omnium gravissimum est, crux Christi gradus est ad sempiternam felicitatem: *Oportuit enim pati Christum, & ita intrare in gloriam suam.* Crux diaboli gradus est ad æterna supplicia. sic enim dicit in iudicio Dominus: *Discedite à me maledicti in ignem æternum, qui paratus est diabolo, & angelis ejus.* Qui ergo sapiunt, non quærant de cruce sua descendere, si cum Christo crucifixi sunt, ut stultè malus latro quæsit: sed potiùs cum latrone bono lateri Christi libenter inhæreant, & patientiam postulent à Deo, non de cruce descen-

descen
tiente
dicen
cong
diabo
quoc
mute
quin
jugo
signi
lores
ut qu
vian
suavi
mura
pecca
pœni
lix an
& cor
quas
bus i
dis i
perd
mag
cog
ctio
Dei
enim
cru
cru
Pr
gusti
com

descensum. Sic enim Christo compa-
 tientes, Christo etiam conregnabunt,
 dicente Apostolo: Si compatimur, & *Rom. 8*
 conglorificabimur. Qui verò crucem
 diaboli patiuntur, si sapiunt, eam primo
 quoque tempore permutare satagant:
 mutant, si aliquid luminis in ipsis est,
 quinque juga bouum cum uno Christi *Luc. 14*
 jugo. Iuga bouum quinque nihil aliud
 significare videntur, nisi labores & do-
 lores, quos tolerant homines improbi,
 ut quinque sensibus carnis suæ deser-
 viant. Tum verò cum uno Christi jugo
 suavi ac levi, quinque juga bouum com-
 mutantur, cum homo labores, quos
 peccando tolerabat, in labores agendæ
 pœnitentiæ, Deo iuvante permutat. Fe-
 lix anima, quæ carnem suam cum vitiis
 & concupiscentiis crucifigere novit: &
 quas pecunias in explendis cupiditati-
 bus insumebat, in eleemosynis facien-
 dis insumere assuescit: & quas horas
 perdebat in comitandis aut visitandis
 magnis viris, molestissima ambitione
 cogente; eas in oratione vel sacra le-
 ctione consumit, ambiendo gratiam
 Dei & Principum curiæ cœlestis. sic
 enim crux mali latronis cum Christi
 cruce, id est, crux gravis & sterilis, cum
 cruce levi & fructuosa mutatur.

Prudenter omnino apud sanctum Au-
 gustinum miles honoratus cum suo
 commilitone de cruce mutanda sic

lib. 8. differebat : Dic quaeso te, omnibus istis la-
Cōfess. boribus nostris, quo ambimus pervenire? quid
cap. 6. quarimus? cujus rei causa militamus? major
ne esse poterit spes nostra in palatio, quam ut
amici Imperatoris simus? & ibi quid non fra-
gile, plenumq; periculis? & per quot pericula
pervenitur ad grandius periculum? &
quamdiu istud erit? Amicus autem Dei, si
voloero esse, ecce nunc fio. hæc ille, qui pru-
dentissimè judicavit, labores in am-
bienda gratia Imperatoris gravissimos,
& longissimos, & sæpè infructuosos;
utilissimum esse mutare in labores sua-
viores & breviores, & sine dubitatione
utiliores in ambienda amicitia Dei. Id
quod etiam felices illi milites continud
fecerunt. uterque enim relicta militia
sæculari, soli Deo servire cœperunt. Et
quod eis gaudium duplicavit, fuit,
quod ambo sponsas habebant, quæ hoc
audito, libentissimè etiam ipsæ virgini-
tatem suam dicaverunt Deo.

CAP. VIII.

Explicatur ad litteram verbum tertium:
Ecce mater tua, Ecce filius tuus.

Ioan. 19.

Postrema sententia ex tribus illis, quæ
 ad charitatem proximi propriè per-
 tinent, illa fuit: *Ecce mater tua, Ecce filius*
tuus. Sed antequam ad hæc verba ve-
 niamus,

L
 niam
 listæ
 sanctu
 cruce
 Maria
 vidisse
 stant
 Multie
 pulo, &
 eam d
 bus,
 notiff
 & Ma
 phæ n
 fertur
 nam f
 Anna
 dunt &
 lome.
 denda
 forore
 se: & f
 rum f
 ginis
 est Ma
 enim
 Magd
 emeru
 fus se
 lome,
 cobi:
 famin
 textu

niamus, explicanda sunt verba Euange-
 listæ præcedentia. sic enim loquitur
 sanctus Ioannes: *Stabant autem juxta* ^{Ioñ. 19}
crucem Iesu mater ejus, & soror matris ejus
Maria Cleopha, & Maria Magdalene. Cum
vidisset ergo Iesus matrem, & discipulum
stantem quem diligebat, dicit matri suæ:
Mulier, ecce filius tuus. Deinde dicit disci-
pulo, Ecce mater tua. Et ex illa hora, accepit
eam discipulus in sua. Ex tribus mulieri-
bus, quæ cruci Domini astabant, duæ
 notissimæ sunt, Maria mater Domini,
 & Maria Magdalene. De Maria Cleo-
 phæ nonnulla quæstio est. vulgò enim
 fertur Mariam Cleophae fuisse germa-
 nam sororem B. Virginis Deiparæ, ex
 Anna matre procreatam: quibus ad-
 dunt & tertiam sororem, Mariam Sa-
 lome. Sed hæc opinio penitus explo-
 denda est. Nam neque credibile est, tres
 sorores eodem nomine appellatas fuisse:
 & satis constans eruditorum & pio-
 rum sententia est, B. Annam solius Vir-
 ginis Mariæ matrem fuisse, neque ulla
 est Maria Salome in Euangeliis. Vbi
 enim scribit sanctus Marcus, *Maria* ^{Mave.}
Magdalene, & Maria Iacobi, & Salome ^{16.}
emerunt aromata; vox, Salome, non est casus
 secundi, quasi significet, Mariam Sa-
 lome, ut paulo antè dixit, Mariam Iacobi:
 sed est casus primi, & est generis
 fæminini, ut manifestum est ex Græco
 textu, *Σαλώμη*. Denique Salome uxor

erat Zebedæi, & mater Iacobi & Ioannis Apostolorum, ut intelligi potest ex sancto Matthæo c. xxvii. & Marco c. xv. sicut Maria Iacobi, sive Cleophæ, erat uxor Cleophæ, & mater Iacobi minoris, & Iudæ, sive Thaddæi. Vera igitur sententia est, Mariam Cleophæ appellatam fuisse sororem Virginis Deiparæ, quia Cleophas frater erat sancti Iosephi sponsi Virginis Mariæ: conjuges enim duorum fratrum, rectè dici possunt inter se sorores. Qua ratione etiam Iacobus minor dictus est frater Domini, consobrinus videlicet, quia erat filius Cleophæ, fratris, ut diximus, Iosephi. Hanc historiam scribit Eusebius Cæsariensis in Historia Ecclesiastica, & adducit fidelem auctorem Egesippum, qui tempora Apostolorum attigit. Quod idem confirmat sanctus Hieronymus in libro Adversus Helvodium.

*Eib. 2.
c. 1. &
lib. 9.
c. 11.*

Alia etiam literalis quæstio hîc breviter dissolvenda est, quomodo dicat sanctus Ioannes, tres istas mulieres stetitisse juxta crucem Domini, cum Marcus cap. xv. & Lucas cap. xxiii. scribant eas longè stetitisse. Concordat hæc

*S. Augustini
lib. 11.
c. 11.*

testimonia sanctus Augustinus in lib. III. de Consensu Evangelistarum, quod sanctæ istæ mulieres dici possint & longè à cruce, & juxta crucem fuisse. Longè, si conferantur ad milites &

fate-

fate-
cen-
Chri-
cin-
qua-
dic-
fieri-
se,
pa-
tisc-
cum-
Ex-
ne-
Ioa-
ni-
turb-
que-
pella-
enim-
Ioan-
cile-
per-
tim-
suos-
tem-
set,
nem-
per-
gine-
filius-
quor-
Ego-
Patre-

fatellites, qui tam propè erant, ut crucem tangerent. Iuxtà verò, quia vocem Christi facilè poterant exaudire, ob vicinitatem: quod non poterant turbæ, quæ longissimè aberant. Possent etiam dici, tres illas sanctas mulieres, cùm fieret crucifixio, longè admodum stetit, impediente turba & militibus; sed paulò post crucifixione completa, multisque recedentibus, tres istas mulieres cum sancto Ioanne propiùs accessisse. Ex quo solvitur alia quæstio, qua ratione potuerint sancta Virgo & sanctus Ioannes de se intelligere verba Domini, *Ecce filius tuus*, *Ecce mater tua*, cùm turba frequens adesset, & Christus neque Virginem, neque discipulum appellasset ex nomine. Respondemus enim, tres illas mulieres & sanctum Ioannem prope crucem astitisse, ut facile posset Dominus oculis designare personas, ad quas loquebatur, præsertim cùm certum esset illum loqui ad suos, non ad extraneos: inter suos autem nullum fuisse virum, cui dici posset, *Ecce mater tua*, nisi sanctum Ioannem; & nullam ibi fuisse mulierem, quæ per mortem orbaretur filio, nisi Virginem matrem. Dixit igitur matri, *Ecce filius tuus*; & discipulo, *Ecce mater tua*. quorum verborum hæc sententia est, Ego quidem transeo de hoc mundo ad Patrem: & quoniam novi, te matrem meam,

meam, neque parentes habere, neque virum, neque fratres, aut sorores: ut non relinquerem te omni humano auxilio destitutam, commendo te Ioanni discipulo meo charissimo; ille erit tibi in filium, & tu eris illi in matrem. Quod salubre consilium vel imperium Christi, utrique valdè placuit, & uterque, ut credibile est, capite inclinato annuit. & de se sanctus Ioannes ait, *Et ex illa hora accepit eam discipulus in sua:* hoc est, continuò paruit, & enumeravit eam inter personas, quarum cura & providentia ad se pertinebat, quales erant parentes ejus jam senes, Zebedæus & Salome.

Sed occurrit hoc loco nova quæstio literalis. Sanctus enim Ioannes unus
Matt. ex illis erat, qui dixerant: *Ecce nos reli-*
 19. *quimus omnia, & secuti sumus te, quid ergo*
erit nobis? & inter ea quæ reliquerant, Dominus ipse numerat patrem & matrem, fratres & sorores, domum & agros: & de isto ipso sancto Ioanne & fratre ejus sancto Iacobo scripsit sanctus Matthæus: *Illi autem statim relictis*
Matt. *retibus & patre, secuti sunt eum.* Cur igitur qui reliquerat unam matrem, iterum accipit aliam matrem? Sed responsio facilis est. Apostoli enim ut Christum sequerentur, dimiserunt patrem & matrem, quatenus illis impedimento esse possent ad Evangelium prædicandum,

dum, & quatenus inde commodum vel delectationem carnalem percipere possent. Sed non dimiserunt sollicitudinem, quam ex justitia exhibere tenebantur parentibus aut filiis, directione vel subsidio indigentibus. Quæ ratio est (ut passim Doctores affirmant) ut non possit filius ingredi Ordinem religiosum, qui patrē habet vel senio confectum, vel egestate ita pressum, ut sine ope filii vitam sustentare non possit. Sic igitur sanctus Ioannes reliquit patrem & matrem, quando ejus opera non indigebant: curam verò & sollicitudinem Virginis matris, Christo jubente suscipit, quoniam destituta erat omni humano subsidio. Poterat quidem Deus sine humano labore, per Angelos matri suæ, quæ ad vitam illi necessaria erant, facile procurare: nam & ipsi Christo in deserto Angeli ministrabant: sed voluit id fieri per Ioannem, ut simul & Virgini prospiceret, & Ioannem honoraret & adjuvaret. Nam & Eliam Deus misit apud viduam sustentandum, non quòd non posset per corvos alere, ut antea fecerat; sed ut viduam benediceret, ut sanctus Augustinus admonuit. Sic igitur placuit Domino matri sollicitudinem Discipulo demandare, ut ipsum maximo beneficio afficeret, ac verè sibi dilectum præter ceteros esse demonstraret. Verè enim in hac mutatione matris,

S. Tho.

2. 2. q.

189.

art. 6.

Matt.

4.

Serm.

26. de

verb.

Domini.

21.

Matt.

19.

tris , impletum est illud : *Qui reliquerit patrem, aut matrem, &c. centuplum accipiet, & vitam aeternam possidebit.* Verè enim centuplum accepit, qui reliquit matrem, uxorem piscatoris, & accepit in matrem, matrem Creatoris, mundi Dominam, gratia plenam, benedictam inter mulieres, & exaltandam pauldè pòst super choros Angelorum ad cælestia regna.

CAP. IX.

De primo fructu verbi tertii.

EX hoc tertio verbo multi fructus colligi possunt, si quis omnia diligenter observet. Ac primùm colligi poterit, infinitum in Christo fuisse desiderium pro nostra salute patiendi, ut plenissima & copiosissima esset redemptio. Nam ceteri homines cavent in morte, & multò magis in morte violenta, & plena dedecoris & infamiæ, ne propinqui præsentés adsint, ne dolor & tristitia ab eorum præsentia duplicetur. Christus autem non contentus passione propria, eaque atrocissima, doloris & dedecoris plena: voluit etiam ut propria mater, & discipulus quem diligebat, adessent, & prope ipsam crucem astarent, ut dolor compassionis charorum, dolorem passionis propriæ duplici-

duplicaret. Erat Christus in cruce, qua-
 tuor quasi fontes sanguinis copiosè
 diffundens; voluit ut astarent mater &
 discipulus, necnon Maria soror matris
 ejus, & Magdalena, quæ præter ceteras
 sanctas mulieres eum ardentissimè di-
 ligebant, ut ex illis quatuor fontes la-
 crymarum erumperent: ut pænè minùs
 ipse torqueretur ex propria sanguinis
 effusione, quàm ex copioso imbri la-
 crymarum, quem dolor astantium ex
 eorum cordibus exprimebat. Videor
 mihi dicentem Christum audire, *Cir-Ps. 174*
cum dederunt me dolores mortis: sed non
 minùs cor meum lancinat & disrum-
 pit gladius ille à Simeone prædictus,
 qui matris meæ innocentissimæ ani- *Luc. 24*
 mam cum incredibili dolore pertrans-
 it. Sic cine separas amara mors, non ani-
 mam solùm à corpore; sed etiam ma-
 trem, & talem matrem à filio, & tali
 filio? Ideò enim non permisit amor ut
 dicerè, *Mater, sed, Mulier, ecce filius tuus.*
 Sic Deus dilexit mundum, ut pro ejus
 redemptione Filium suum unigenitum
 daret: & sic Filius unigenitus dilexit
 Patrem, ut pro ejus honore sanguinem
 proprium largè profunderet: & non
 contentus dolore passionis, addidit &
 dolorem compassionis, ut esset pro pec-
 catis copiosissima satisfactio. Itaque
 Pater & Filius commendant charita-
 tem suam in nobis, ineffabili ratione &
 modo,

modo, ut non pereamus, sed ut vitam æternam habeamus: & tamen cor humanum adhuc tantæ charitati resistit; & mavult iram omnipotentis Dei viventis experiri, quàm dulcedinem misericordiæ degustare, & charitati divini amoris cedere. Verè ingratisissimi sumus, & omni supplicio digni, si cùm Christus tanto nos amore dilexerit, ut pro nobis pati voluerit multò amplius, quàm necesse esset; & cùm ad redemptionem nostram gutta una sanguinis ejus sufficeret, ipse totum sanguinem fundere, & innumerabilia supplicia sustinere voluerit: nos pro ejus dilectione, & nostra salute, vix quod satis sit, tolerare velimus. Causa hujus tantæ sordidiæ & stultitiæ non alia est, nisi quia Christi passionem & dilectionem seridè & attentè, ut oporteret, non cogitamus; & tempora & loca apta ad tantum negotium non eligimus: sed breviter & cursim Christi passionem legimus, vel audiamus. Idèd Propheta san-

Thre. ¹ctus monet: *Attendite, & videte si est dolor sicut dolor meus.* & Apostolus ait:

Heby. ^{12.} *Recogitate eum, qui talem sustinuit à peccatoribus adversum semetipsum contradictionem: ut ne fatigemini, animis vestris deficientes.* Sed veniet tempus, quando nostræ hujus tantæ ingratitudeis erga Deum, & negligentiae erga propriam salutem nos frustrà pœnitebit. Multi enim

enim

enim
parit
tus ge
à via
nobis
etia
clau
aper
bun
nolu

AL
g
rum,
ni. M
gerit
pien
tium
fecto
sumu
virgo
rus,
foli
qui e
niter
cruc
eà on
cruc
xi. p

enim sunt, qui in novissimo die erunt
pœnitentiam agentes, & præ angustia spiri- sap. 5.
tus gementes, ac dicentes, Ergo erravimus
à via veritatis, & justitia lumen non luxit
nobis. Neque tunc primùm incipient, sed
 etiam ante diem Iudicii, cùm primùm
 clauserint per mortem oculos corporis,
 aperientur illis oculi cordis, & vide-
 bunt, quæ quando tempus erat videre
 noluerunt.

CAP. X.

De secundo fructu verbi tertii.

Alter fructus hujus tertii verbi colli-
 gitur ex mysterio trium femina-
 rum, quæ stabant juxta crucem Domi-
 ni. Maria enim Magdalena personam
 gerit pœnitentium, ac per hoc inci-
 pientium; Maria Cleophæ, proficien-
 tium; Maria Christi mater & virgo, per-
 fectorum; cum qua meritò jungere pos-
 sumus sanctum Ioannem, qui & ipse
 virgo erat, atque perfectus brevi futu-
 rus, si nondum erat. Isti enim omnes &
 soli juxta crucem Domini inveniuntur.
 qui enim in peccatis vivunt, & de pœ-
 nitentia non cogitant, longè absunt à
 cruce, quæ scala est ad salutem. Præter-
 eà omnes illi non sine causa stant juxta
 crucem, quia indigent auxilio Crucifi-
 xi. pœnitentes enim sive incipientes,

62 DE VII. VERB. DOM.

bellum gerunt cum vitiis & concupiscentiis, & egent valdè auxilio Ducis nostri Christi, ut animentur ad pugnam, dum vident eum colluctantem cum antiquo serpente, neque descendentem de cruce, donec de illo felicissimè triumphaverit. sic enim loquitur Apostolus in Epistola ad Colossenses: *Expoliavit principatus, & potestates tradidit confidenter, palam triumphans illos in semetipso. & paulò antè, Affigens cruci chirographum decreti, quod erat contrarium nobis.* Proficientes significati per Mariam Cleophæ, quæ erat mulier conjugata, & pariebat filios, qui dicebantur fratres Christi; egent ipsi quoque auxilio crucis, ne curæ & sollicitudines hujus sæculi, quibus necessariò implicantur, suffocent in eis bonum semen; vel per totam noctem laborantes nihil capiant. Itaque debent laborare in proficiendo, & intueri Christum in cruce, qui non contentus bonis operibus multis & magnis quæ antè fecerat, voluit per crucem ad majora procedere, & non descendere, nisi hoste devicto & profligato. Nihil enim magis nocet proficientibus, quàm si fatigentur in cursu, & desinant progredi. siquidem *in via virtutis non progredi, regredi est*, ut S. Bernardus rectè docet in epistola ad Galatinum: in qua ponit exemplum scalæ Jacob,

Col. 2.

MARC.

4.

LUC. 5.

Epist.

253.

Iacob,

Jacob, ubi omnes ascendunt vel descendunt, nulli autem stant. Deniq; ipsi etiã perfecti, qui sunt in statu cælibatus, ac præcipuè si virgines sint, quales erant Virgo mater Christi, & S. Ioãnes discipulus Christi, atque ea de causa super omnes magis dilectus: isti, inquam, perfecti, multum egent auxilio Crucifixi. qui enim in altiore gradu sũt, valdè timere debent à vento superbiæ, nisi fundati & radicati sint in profundissima humilitate. Quamvis autẽ Christus sæpè se magistrũ humilitatis ostēderit, ut cùm dixit: *Discite à me, quia mitis sũ,* ^{Matth.} & *humilis corde:* & cùm rursus ait: *Re-* ^{Luc. 14.} *cube in novissimo loco:* & cùm toties repetivit: *Qui se exultat, humiliabitur; & qui se humiliat, exaltabitur:* tamen numquam Doctorẽ humilitatis magis se ostendit, quàm in cathedra crucis. quod Apostolus declaravit, cùm ait: *Humiliarit semet-* ^{Phil.} *ipsum factus obediens usque ad mortem,* ^{cap. 2.} *mortem autem crucis.* Quæ enim major humilitas cogitari potest, quàm ut ille, qui est omnipotens, permittat se ligari, & cruci affigi? & in quo sunt omnes the- ^{Col. 2.} *sauri sapientiæ & scientiæ Dei,* permittat se ut insanum ab Herode & ejus exercitu reputari, & illudi alba veste indutum? & qui *sedet super Cherubim,* permit- ^{Pf. 98.} *tat se in medio latronũ crucifigi?* Certè qui in speculo crucis se ipse seridò intuetur, nimis erit indocilis, si non
 F 2 discat,

discat, & fateatur, se à vera humilitate, quantumcumque profecerit, adhuc longè abesse.

CAP. XI.

De tertio fructu verbi tertii.

Discimus tertio loco ex cathedra crucis, & verbis ad matrem & discipulum dictis, quod sit officium parentum bonorum erga filios, & bonorum filiorum erga parentes. Incipiamus à priorè. Debent parentes boni diligere filios; sic tamen, ut amor filiorum non impediat amorem Dei. Atque hoc est, quod *Matt.* Dominus in Evangelio dicit: *Qui amat* *10.* *filium aut filiam super me, non est me dignus.* Hoc planè accuratissimè observavit Virgo beata. Stabat enim juxta crucem cum summo dolore, & cum summa constantia. Dolor testabatur amorem summum erga filium in cruce pendentem: constantia testabatur observantiam maximam erga Deum in cælo regnantem. Molestè ferebat, filium innocentem, quem vehementer amabat, doloribus acerbissimis affligari: sed non idèd verbo aut facto cruciatus illos prohibuisset, quamvis potuisset, quia *Matt.* sciebat, *definito consilio & præscientia Dei* Patris illos omnes cruciatus à filio tolerari. Mensura doloris est amor. proinde

inde Mater valdè dolebat , cùm filium suum tam crudeliter vexari cernebat, quia multùm amabat. Et quo modo filium suum Virgo mater non ardentissimè diligeret, cùm optimè omnium sciret , filium illum & omnibus filiis hominum omni genere laudum excellere; & eundem illum filium magis ad se pertinere, quàm pertineant ulli alii filii ad mares eorum? Ratio enim , cur feminæ filios diligant , duplex esse solet: una , quòd ipsæ eos genuerint ; altera, quòd insigni aliqua laude excellent: alioqui enim non desunt matres , quæ filios aut parum ament , aut etiam oderint, si fortè nimis deformes , aut nimis improbos , aut in parentes impios & ingratos experiantur. Iam verò Virgo mater filium suum propter utramque causam magis diligebat , quàm ulla alia mater filium suum umquam dilexerit. Primùm enim mulieres aliæ non solæ filios generant, sed in generatione filii socium habent maritum : Virgo beata sola filium generavit. nam virgo genuit, & virgo peperit: & quemadmodum Christus Dominus in generatione divina habuit Patrem sine matre , sic in generatione humanà matrem habuit sine patre. Et quamvis verè dicatur idem Christus de Spiritu sancto conceptus, non tamen Spiritus sanctus est Pater Christi , sed effector & fabricator cor-

poris Christi : neque ex propria sua substantia Spiritus sanctus Christi corpus formavit , quod propriè ad Patrè pertinet; sed ex purissimis Virginis ipsius sanguinibus fabricavit. Verè igitur Virgo sanctissima sola sine patris confortio filiū suum genuit, sola solū & integrum sibi vendicabat: proinde magis diligebat filium suum, quàm ulla alia mater prolem suam umquam dilexerit.

Ps. 44. Quod verò attinet ad aliam causam, filius Virginis nostræ non solū speciosus fuit & est præ filiis hominum; sed etiam omni genere laudis hominibus & Angelis omnibus antecellit. Sequitur igitur, ut Virgo beata, quæ filium suum plus omnibus amavit, ejus passionem & mortem plus omnibus desleverit. Atque aded hoc verum est, vt S. Bernardus in Sermone quodam

Serm.
in il-
lud,

Signū affirmare non dubitaverit, dolorem B. Virginis de filii passione conceptum dici posse martyrium cordis, juxta illud Simeonis : *Et tuam ipsius animā per-*

Luc. 2. *transibit gladius.* Et quia martyriū cordis acerbius esse videtur quàm martyrium corporis; sanctus Anselmus in libro de Excellentia Virginis, scribit

Cap. 5. dolorem Virginis acerbiolem fuisse quolibet martyrio corporali. Certè quidem Dominus noster, cū orans in horto Gethsemani martyrium cordis pateretur, attentè considerans omnes dolores

dolores & cruciatus ; quos die sequē-
 ti passurus erat ; & simul mœrori &
 pavori habenas quodammodò laxans,
 tam vehementer cruciari cœpit, ut ex
 toto corpore sudorem sanguineum
 funderet. quod in passione corporali
 illi accidisse non legitur. Igitur Virgo
 beata ex gladio illo doloris animam
 ejus transverberante, gravissimam si-
 ne dubio passionem atq; pœnam acer-
 biſſimam pertulit. & tamen quia plus
 honorem & gloriam Dei, quàm car-
 nem filii diligebat, stabat juxta cru-
 cem constantiæ plena; & sine ullo im-
 patientiæ signo patientem filium in-
 tuebatur. Non cecidit in terram semi-
 mortua, ut quidam fingunt; non lace-
 ravit capillos ; non muliebriter ejula-
 vit; ed fortiter tulit quod ex voluntate
 Dei tolerandum erat. Amabat enim
 valdè carnem filii sui, sed magis ama-
 bat honorem Patris, & salutem mun-
 di; quæ duo ipse etiam filius magis a-
 mabat, quàm incolumitatem corporis
 sui. Præterea fides resurrectionis filii
 sui post tertiam diem futuræ, in qua
 numquam hæſitavit, addebat cordi ejus
 ingentem constantiam, ut non egeret
 consolatione humana. Sciebat enim
 mortem filii similem futuram somno
 brevissimo, juxta illud Prophetæ: *Ego Ps. 3.*
dormivi, & soporatus sum: & exurrexi,
quia Dominus suscepit me.

Hoc exemplum imitari deberent fideles omnes, ut amarent filios suos, sed non anteponebant Deo, qui Pater est omnium, & qui diligit eosdem multò magis & melius quàm nos amare noverimus. Ac primùm amare debent Christiani filios suos amore virili ac prudenti, non blandientes illis cùm malè fecerint, sed educantes in timore Dei, & corripientes verbis, & flagello etiam coërcentes, cùm vel Deum offendunt, vel studia literarum negligunt. Hæc enim est voluntas Dei, quam in Scripturis sanctis revelavit, sic enim loquitur Ecclesiasticus: *Filii tibi sunt? erudi illos, & curva illos à pueritia illorum, & de Tob. x. Tobia legitur, quòd filium suum ab infantia timere Deum docuit, & abstinere ab Col. 3. omni peccato. & Apostolus admonet patres, ut non provocent filios ad indignationem, ne pusillo animo fiant; sed Eph. 6. educant illos in disciplina & correptione Domini, hoc est, ut tractent eos, non ut servos, sed ut liberos. Qui enim nimis sunt erga filios austeri, sic ut illos perpetuò objurgent & flagellent, etiam pro minimo errato; ii tractant ut mancipia, & efficiunt, ut vel pusillo animo fiant, vel fugiant: qui verò nimis sunt indulgentes, vitiosos illos efficiunt, & non Regno cælorum, sed gehennæ nutriunt.*

Recta ratio educandi filios est, ut paren-

parentes erudiant filios in disciplina, ut discant libenter obedire parentibus & magistris; & cum errant, eos paternè corripiant, sic ut intelligant, se ex amore, non ex odio corripiri. Deinde si fortè Deus filios alicujus ad Clerum, vel ad Ordinem religiosum vocet, non audeant impedire, ne fortè Deo, qui primus pater est, repugnare videantur: sed dicant cum sancto Iob : *Dominus* Iob 1.
dedit, Dominus abstulit : sit nomen Domini benedictum. Denique si fortè immatura morte filii parentibus subtrahantur, quod beatissimæ Virgini in primis accidit, considerent judicia Dei, qui sæpè rapit aliquos, ne malitia immutet bonam mentem eorum, & pereant in æternum. Sap. 4. Certè si scissent aliquando parentes, quo consilio Deus ista faciat, non modò non fierent, sed etiam gauderent. Et si fides resurrectionis vigilaret in nobis, ut in sanctissima Virgine vigilabat; non magis contristaremur cum aliquis ante senium moritur, quàm contristamur, si quis ante noctem dormire incipiat. mors enim fidelis hominis, somnus quidam est, ut Apostolus monet in Epistola priore ad Thessalonicenses : *Nolumus, inquit, vos ignorare fratres de dormientibus, ut non contristemini, sicut & ceteri, qui spem non habent.* 1. The. 4. Meminit autem spei potius quàm fidei, quoniam non de resurrectione qua-

cumq; , sed de beata & gloriosa loquitur , quæ est ad veram vitam , qualis fuit Christi resurrectio. Qui enim certò credit, futuram carnis resurrectionem , & sperat filium suum immatura morte sublatum , resurrecturum ad gloriam: non est quòd tristetur, sed magis gaudeat, quòd salus ejus in tuto sit posita.

Venio nunc ad officium filii erga parentes , quod Christus moriēs erga parentem suam cumulatè præstitit. Officium enim filiorum est, *mutuam vicem reddere parentibus* , ut Apostolus monet. Reddunt autem filii parentibus vicem mutuam, quando senescentibus parentibus ea quæ necessaria sunt procurant , quemadmodū ipsi parentes procuraverunt filiis parvis, & non valentibus sibi victum & vestitum quærere. Christus igitur senescenti matri , & neminem habenti , qui , mortuo filio, ejus curam gereret , dedit illi S. Ioannem in filium , dicens : *Ecce filius tuus;* & ipsi Ioanni : *Ecce mater tua.* Functus est autem Dominus cumulatè officio filii erga matrem multis modis. Primū enim assignavit Virgini matri Ioannem in filium, qui erat Christi ipsius coætaneus , vel potiùs anno uno junior, ac per hoc aptissimus ad matrem Dñi sustentandam. Deinde assignavit illum ex duodecim discipulis, quem ipse Dominus maximè diligebat,

bat, & à quo sciebat se vicissim valde diligere: proinde confidere poterat de fide & diligentia ejus in adjuvanda parente. Præterea assignavit illū, quem sciebat diutissimè victurum, ac per hoc matri sine ulla dubitatione supervicturum. Deniq; non defuit Christus matri suæ, etiamsi importuno tempore cogitationem illam suscipere deberet. Erat enim in perferendis doloribus totius corporis, & injuriis inimicorum accipiendis, & in amarissimo calice propinquæ mortis hauriendo occupatus, ut de nulla re alia cogitare posse videretur. Vicit tamen charitas matris, & se neglecto, de consolada & adjuvanda matre cogitationem consiliumq; suscepit, neq; sefellit enim expectatio de promptitudine ac fidelitate Ioānis; nam *ex illa hora accepit eā in sua. Ioā. 19.*

Hanc providentiam, quam de parente sua Christus habuit, majori ratione debent omnes filii de parentibus suis habere: Christus enim minus debuit parenti suæ, quàm ceteri homines suis parentibus debeant. Ceteri homines tantum parentibus debent, quantum referre non possunt; debent enim vitam parentibus, quam illis certè referre non possunt. *Memento, inquit Eccle. 7.*

fiasticus, quoniam nisi per illos natus non fuisset. Christus autem, isque solus, excipitur ab hac regula. Accepit enim à

Vir-

Virgine matre vitam unam, humanam videlicet; sed dedit illi tres vitas: vitam humanam, quando eam cum Patre & Spiritu sancto creavit: vitam gratiæ, quando eam in benedictionibus dulcedinis præveniens, creando justificavit, & justificando creavit: vitam gloriæ, quando eam ad gloriam æternam evehit, & super choros Angelorum exaltavit. Quare si Christus, qui beatæ matri suæ plus dedit quàm ab ea nascendo accepit, legem observare voluit, ut ei tamquam parenti mutuam vicem redderet: quanto magis ceteri homines ad hoc solvendum parentibus debitum tenebuntur? Adde, quòd quamvis honorando parentes, faciamus quod debemus; tamen benignitas Dei præmium addidit, dicens in lege: *Honora patrem tuum & matrem tuam, ut sis longævus super terram.* & per Ecclesiasticum addidit Spiritus sanctus: *Qui honorat patrem suum, jucundabitur in filiis, & in die orationis suæ exaudietur.* Nec solum præmium addidit Deus honorantibus parentes; sed etiam pœnam non honorantibus. *Nam Deus dixit, inquit Dominus, Qui maledixerit patri, vel matri, morte moriatur.* & Ecclesiasticus addit: *Est maledictus à Deo, qui exasperat matrem.* Atque hinc discimus, maledictionem parentum in filios vim magnam habere, quoniam confirmat eam Deus. De qua

re

Exod.
20.

Eccles. 3.

Matt.
15.

Eccles. 3.

re ex
ca, q
sanct
Dei.
Capp
& tre
tinuò
ut hor
more
specie
rentes
est, r
no; q
sanct
Augu

O N
on
tris d
verè
Quis
ret m
in ute
illi t
dulci
invid
Filii
Dei
benig

re extant in historiis exempla non pauca, quorum unum valdè insigne narrat sanctus Augustinus in libris de Civitate Dei. Summa hæc est: Apud Cæsaream ^{Lib. 22} Cappadociæ, decem filii, septem mares, ^{c. 8.} & tres feminæ, à matre maledicti, continuo divinitus coerciti tali pœna sunt, ut horribiliter quaterentur omnes tremore membrorum; in qua fœdissima specie oculos suorum civium non ferentes, quaquaversum cuique ire visum est, toto ferè vagabantur orbe Romano; duo ex illis tandem per reliquias sancti Stephani Protomartyris, sancto Augustino præsentem, curati sunt.

CAP. XII.

De quarto fructu verbi tertii.

Onus & jugum impositum à Domino, sancto Ioanni, ut Virginis matris curam ac sollicitudinem gereret, verè fuit jugum suave, & onus leve. Quis enim non libentissimè cohabitaret matri illi, quæ Verbum incarnatum in utero novem mensibus portavit, & illi totos triginta annos devotissimè dulcissimeque cohabitavit? Quis non invideat dilecto Domini, qui in absentia Filii Dei, præsentiam obtinuit matris Dei? Sed nisi fallor, possumus & nos à benignitate Verbi, nostri causa incar-

nati,

nati, & ex dilectione nimia, nostri causa crucifixi, precibus impetrare, ut dicat & nobis; *Ecce mater tua*; & matri suæ de nobis dicat: *Ecce filius tuus*. Non est avarus pius Dominus gratiarum, dummodò ad thronum gratiæ ejus cum fide & fiducia, & non ficto corde, sed vero & sincero accedamus. Qui nos coheredes esse voluit Regni Patris sui, non dedignabitur certè nos coheredes habere amoris matris suæ. Sed nec ipsa Virgo benignissima gravabitur multitudine filiorum, cum sinum amplissimum habeat, & valdè cupiat, nullum perire ex his, quos filius suus tam pretioso sanguine & tam pretiosa morte redemit. Adeamus ergo cum fiducia ad thronum gratiæ Christi; & suppliciter, nec sine lacrymis ab eo petamus, ut de unoquoque nostrum matri suæ dicat: *Ecce filius tuus*: & unicuique nostrum de matre sua dicat: *Ecce mater tua*. Quàm benè nobis erit sub præsidio tantæ matris! quis nos detrahere audebit de sinu ejus? quæ nos tentatio, quæ tribulatio superare poterit, confidentes in patrocínio matris Dei, & nostræ? Neque nos primi erimus in tanti consecutione beneficii. Multi nos præcesserunt: multi, inquã, ad singulare & planè maternum patrocínio tantæ Virginis accesserunt, & nemo cõfusus aut tristis dimissus est, sed omnes hilares

& gaudentes, freti patrocínio tantæ matris. De qua enim scriptum est, *Ipsa* ^{Gen. 3.} *conteret caput tuum*, in ea confidunt, se ^{Pf. 90.} quoque fidenter ambulaturos *super aspidem & basiliscum*, & concitatos *leonem & draconem*. Audiamus de multis paucos, sed eos potissimum, qui singularem fiduciam in protectione Virginis matris se posuisse testantur, ut credibile sit, illos esse de numero illorum, quibus dictum fit à Domino *Ecce mater tua*, & de quibus dicitur sit matri: *Ecce filius tuus*.

Primus sit sanctus Ephrem Syrus, Pater antiquus, & tantæ celebritatis, ut sancto Hieronymo teste, libri ejus legerentur in Ecclesiis publicè post Scripturas sanctas. Hic in Sermone de Laudibus Deiparæ, *Intemerata*, inquit, ^{Lil de} *prorsusq; pura, Virgo Deipara, Regina om-* ^{Script-} *nium, spes desperantium.* & infra: *Tu* ^{Eccl.} *portus procellis vexatorum, solatium mundi, carcere clausorum liberatrix, tu orphanorum susceptio, tu captivorum redemptio, tu egrotantium exultatio, & omnium salus.* & infra: *Sub alis tuis custodi me, & protege, miserere mei, qui sum luto inquinatus.* & infra: *Non mihi alia fiducia, o Virgo sincera. Ave pax, gaudium, & salus mundi.* Huic addamus S. Ioannem Damascenum, qui fuit unus ex iis qui Virginem sanctissimam in primis coluerunt, & in ejus patrocínio speraverunt. Hic in

Ora-

Oratione de Nativitate B. Virginis, O
 Ioachim, inquit, & Anna filia, & Domina,
 peccatoris orationem accipe, ardentem tamen
 amanti & colenti, teq; solam spem gaudii
 habentis, vite antistitem, in gratiam cum
 filio tuo reducentem, firmamq; salutis ar-
 rham, peccatorum sarcinam discute, tenta-
 tiones comprime, pieq; ac sancte vitam
 meam gubernata, atque ad caelestem beatitu-
 dinem fac te duce perveniam. Addam duos
 ex Patribus Latinis. Sanctus Anselmus
 in lib. de Excellentia Virginis alicubi
 dicit: Itaque cui saltem ita concessum fue-
 rit, saepe dulci studio posse cogitare de illa,
 magnum promerenda salutis indicium esse
 conjecto. & infra: Velocior est nonnumquam
 salus memorato nomine ejus, (Virginis ma-
 tris) quam invocato nomine Domini Iesu,
 unici filii sui. Et id quidem non ideo fit, quod
 ipsa major & potentior eo sit: nec enim ipse
 magnus & potens est per eam, sed illa per
 ipsum. Quare ergo propitior salus in recorda-
 tione ejus quam filii sui saepe percipitur? Di-
 cam quod sentio. Filius ejus Dominus est, &
 Iudex omnium, discernens merita singulo-
 rum. Dum igitur a quovis suo nomine invo-
 catus, non statim exaudit, profecto id juste
 facit. Invocato autem nomine matris, & si
 merita invocantis non merentur ut exau-
 diatur, merita tamen matris intercedunt ut
 exaudiatur. Sed sanctus Bernardus miro
 modo describit sanctissimae Virginis
 pium ac plane maternum affectum in
 homi-

De Ex-
 cel.
 Virg.
 cap. 3.
 Ibid. c.
 6.

ho
 am
 Virg
 mon
 O q
 culi
 pest
 bula
 deris
 proc
 incu
 stel
 bia
 ama
 Si c
 fact
 tus,
 spera
 culis
 cogit
 deru
 gitan
 tivit
 Ali
 nis af
 ri, qu
 ria:
 grati
 dunda
 dium
 quia
 bere
 lioli,

homines sibi devotos; & contra eximiam & filialem pietatem eorum, qui B. Virginem matrem agnoscunt. In Sermone secundo super *Missus est Angelus*: *O quisquis, inquit, te intelligis in hujus sæculi profluvio magis inter procellas & tempestates fluctuare, quam per terram ambulare, ne avertas oculos à fulgore hujus sideris, (Mariæ stella maris) si non vis obrui procellis. Si insurgant venti tentationum, si incurras scopulos tribulationum; respice ad Stellam, voca Mariam. Si jactaris superbia undis, si ambitionis, si detractionis, si emulationis; respice Stellam, voca Mariam. Si criminis immanitate turbatus, conscientia fœditate confusus, Iudicis horrore perterritus, barathro incipias absorberi tristitiæ, desperationis abyssis; cogita Mariam: in periculis, in angustiis, in rebus dubiis, Mariam cogita, Mariam invoca. Ipsam sequens non devias, ipsam rogans non desperas, ipsam cogitans non erras. Idem in Sermone de Nativitate B. Mariæ, sive de Aquæ ductu, *Altius, inquit, intuemini, quanto devotionis affectu à nobis Mariam voluerit honorari, qui totius boni plenitudinem posuit in Maria: ut proinde siquid spei in nobis est, siquid gratiæ, siquid salutis, ab ea noverimus redundare. & infra: Totis ergo medullis cordium & votis omnibus Mariam veneremur, quia sic est voluntas ejus, qui totum nos habere voluit per Mariam. & rursum: Filioli, hæc peccatorum scala, hæc mea maxi-**

G ma fidu-

ma fiducia est, hæc tota ratio spei mea. His duobus sanctissimis Patribus addam etiam duos de schola Theologorum æquè sanctos. Sanctus Thomas in opusculo de Salutatione Angelica sic loquitur: *Benedicta in mulieribus, quia ipsa sola maledictionem sustulit, & benedictionem portavit, & januam paradisi aperuit. Et ideo convenit ei nomen, Maria, que interpretatur stella maris, quia sicut per stellam maris navigantes diriguntur ad portum, ita Christiani diriguntur per Mariam ad gloriam.* Sanctus Bonaventura in sua Pharetra sic ait: *Sicut, ô beatissima, omnis à te aversus & à te despectus, necesse est ut intereat: ita omnis ad te conversus & à te respectus, impossibile est ut pereat.* Idem sanctus in Vita beati Francisci, de fiducia sancti Francisci in beatam Virginem, Matrem, inquit, Domini nostri Iesu Christi indicibili complectebatur amore, eo quod Dominum majestatis fratrem nobis effecerit, & per eam simus misericordiam consecuti. In ipsa post Christum fidens, eam sui ac suorum advocatam constituit, & ad honorem ipsius, à festo Apostolorum Petri & Pauli usque ad festum Assumptionis devotissimè jejunabat. His omnibus addere placuit Innocentium Papam Tertium, qui insignis cultor fuit Virginis Deiparæ, nec solùm in sermonibus eam magnificè prædicavit, sed etiam ad ejus honorem Monasterium extruxit; & quod


Gras. 8


Iib. 1.
c. 5.

Cap. 9.

magis

magis est admirandum, excitans populum ad spem in sanctissima Deipara constituendam, quasi præsciens futurorum, ea dixit, quæ proprio ac felici experimento postea comprobavit. Sic enim ait in Sermone secundo de Assumptione: *Qui jacet in nocte culpe, respiciat lunam, deprecetur Mariam, ut ipsa per filium cor ejus ad compunctionem illuminet. Quis enim de nocte invocavit eam, & non est exauditus ab ea?* Consulat Lector quæ scripsimus de Innocentio Papa III. in lib. II. cap. IX. de Gemitu columbæ. Ex his igitur satis apertè colligitur, ex signis electionis ad gloriam, non esse ex postremis devotionem singularem ad Virginem Dei matrem. Neque enim videtur posse perire is, de quo dictum sit Virgini à Christo, *Ecce filius tuus*, dummodò & ipse non furda aure audiat, quod ei Christus dixerit, *Ecce mater tua.*





DE

C

Exp
D
re



recē
in ho
ba
trium
thede
clame
necē
teā d
brā,
tā; q
tuor
tur lo
-ta au

LIBER II.
 DE SEPTEM VERBIS
 A CHRISTO
 IN
 CRUCE PROLATIS.

CAP. I.

*Explicatur ad litteram verbum quartum:
 Deus meus, Deus meus, ut quid de-
 reliquisti me? Matth. 27.*

EXPOSIVIMVS libro
 superiore tria prima verba
 quæ Dominus noster ex ca-
 thedra Crucis pronuntiavit
 circa horam sextam, cum
 recens cruci fuisset affixus. Exponemus
 in hoc posteriore libro alia quatuor ver-
 ba, quæ post tenebras & silentium
 trium horarum idem Dominus ex ca-
 thedra eadem, jam morti propinquus,
 clamans magna voce pronuntiavit. Sed
 necessarium esse videtur, breviter an-
 teà declarare, quales fuerint illæ tene-
 bræ, & unde, & ad quem finem exor-
 tæ; quæ inter priora tria verba & qua-
 tuor posteriora interjectæ sunt. sic igi-
 tur loquitur sanctus Matthæus: *A sex-
 ta autem hora tenebræ factæ sunt super uni-*^{Matth}
uersam^{27.}

versam terram, usque ad horam nonam: & circa horam nonam clamavit Iesus voce magna, dicens: Eli, Eli, lamma sabacthani? hoc est, Deus meus, Deus meus, ut quid dereliquisti me? Quòd autem tenebræ factæ sint ex deliquio Solis, expressè notat S. Lucas, Et obscuratus, inquit, est Sol.

Lu. 23. Sed tres sunt hoc loco enodandæ difficultates: nam Sol deficere solet in novilunio, quando inter Solem & terram media invenitur Luna. Id quòd in morte Christi fieri non potuit, cum Luna non esset conjuncta cum Sole, quod fit in novilunio; sed esset opposita Soli, quod fit in plenilunio. erat enim tunc Pascha Iudæorum, quod secundum Legem fieri incipiebat quartadecima die mensis primi. Deinde etiamsi fuisset in passione Christi Luna conjuncta cum Sole, non tamen poterant tenebræ fieri per tres horas, id est à sexta ad nonam. siquidem eclipsis Solis diu durare non potest, præsertim si plena sit eclipsis, ut Solem totum abscondat, & ejus obscuritas tenebræ dici possint. Luna enim celerius movetur quàm Sol, secundum motum sibi proprium; ac per hoc non nisi brevissimo tempore totum Solem obumbrat. statim enim recedere incipiens, liberum Solem relinquit, ut possit terram fulgore solito illuminare. Denique numquam accidere potest, ut ob conjunctionem cum Luna, Sol universam

versam terram in tenebris relinquat. Luna enim minor est quàm fit Sol, & quàm fit etiam terra; proinde non potest interpositione sui corporis Luna Solem ita tegere, ut universa terra in tenebris relinquatur. Quòd si quis dixerit, Euangelistas loqui de universa terra Palæstinæ, non de universa terra absolute: ista sententia facillè refelli potest testimonio S. Dionysii Areopagitæ, quì in epistola ad sanctum Polycarpum, testatur se vidisse defectionem illam Solis & tenebras horribiles in civitate Heliopoli, quæ est in Ægypto. Et Phlegon Historicus Græcus & Gentilis meminit hujus deliquii, dicens: *Quarto anno ducentesima secunda Olympiadis, magna & excellens inter omnes quæ antea acciderant, defectio Solis est facta. dies hora sexta ita in tenebrosam noctem versus est, ut stellæ in calo visa sint.* Iste autem Historicus non in Iudæa scripsit. citant istum auctorem Origenes contra Celsum, & Eusebius in *Lib. 2. Chronico* ad annum Christi trigessimum tertium. Idem testatur Lucianus Martyr, dicens: *Perquirite in annalibus vestris, & invenietis temporibus Pilati fugato Sole interruptum tenebris diem.* Refert hæc sancti Luciani verba Ruffinus in *Historia Ecclesiastica Lib. 9. c. 6.* à se in linguam Latinam translata. Tertullianus quoque in

84 DE VII. VERB. DOM.

Apolog.
Oros. lib
7. ca. 4. Apologetico, & Paulus Orosius in Historia sua. & omnes loquuntur de aliis mundi partibus, non de sola Iudæa. Sed hæc controversiæ non difficulter explicari possunt. Nam quod initio dicebatur de deliquio Solis, quod in novilunio, non in plenilunio accidere solet, verum est, quando naturale deliquium accidit. Sed in morte Christi deliquium fuit singulare & prodigiosum, quod ab eo solo fieri potuit, qui fecit Solem & Lunam, & cælum & terram. Scribit enim sanctus Dionysius loco notato, à se & Apollophane visam Lunam circa meridiem insolito eoque velocissimo cursu venisse ad Solem, seque ei subiecisse, atque eo modo subiectam hæsisse usque ad horam nonam, ac tum demum per eandem viam ad locum suum ad partem Orientis rediisse. Et ad id quod addebatur, non potuisse deliquium Solis ad tres horas ita permanere, ut toto illo tempore tenebræ super terram essent: responderi potest, id verum esse in deliquio naturali & consueto. Sed hoc deliquium non regebatur à legibus naturalibus, sed à voluntate Omnipotentis creatoris, qui sicut potuit Lunam deferre insolito more ab Oriente cursu velocissimo ad Solem, & post tres horas reducere ad locum suum in Oriente: sic etiam potuit efficere, ut sub Sole tres illas horas quasi immota duraret Luna, ut neque

neque lentius, neque celerius, quam Sol ipse moveretur. Denique quod addebat, non potuisse fieri ut deliquium Solis in universa terra conspiceretur, cum Luna sit minor quam terra, & minor etiam multo quam Sol: verissimum esse non dubitamus ex interpositione solius Lunæ: sed quod Luna facere non potuit, fecit Creator Solis & Lunæ, tantum non cooperando cum Sole in illustranda terra. Nihil enim res creatæ facere possunt non adjuvante & cooperante Creatore, nam quod aliqui dicunt, per tetras & densas nubes factum esse ut tenebræ fierent super omnem terram, verum esse non potest, cum ex testimonio veterum constet, tempore illius deliquii & illarum tenebrarum fulsisse stellas in cælo. siquidem densæ nubes non solum obscurare possunt ac solent ipsum Solem, sed etiam Lunam, & stellas.

Cur autem voluerit Deus hoc signum tenebrarum existere in passione Christi, variæ reddi solent causæ; sed duæ sunt præcipuæ. Prior ad demonstrandam excæcationem maximam populi Iudaici: quam rationem sanctus Leo reddit in Sermone decimo de Passione Domini: quæ cæcitas adhuc durat, & durabit, juxta vaticinium Isaïæ, qui de principio Ecclesiæ dicit: *Surge, illuminare Ierusalem, quia venit lumen tuum, & gloria Domini Isaï. 60 super te orta est. quia ecce tenebræ operient*
G 5 terram,

86 DE VII. VERB. DOM.

terræ, & caligo populos: tenebræ videlicet densissimæ operient terram Iudæicam; & caligo, quæ leuior est, & facile dissipari potest, operiet populos Gentilium. Posterior causa est, ad demonstrandum magnitudinem delicti Iudæorum, ut sanctus Hieronymus docet. Antea siquidem homines mali persequebantur, & vexabant, atq; occidebant homines bonos: nunc Deum ipsum humana carne indutum ausi sunt homines impii persequi, & in crucem agere. Antea cives cum civibus lites habebant, & ex litibus ad iurgia, ex iurgiis ad vulnera & cædes deveniebant: at nunc servi & mancipia adversus Regem hominum & Angelorum insurrexerunt, & eum cruci incredibili audacia affixerunt. Ideo mundus totus inhorruit, & Sol ipse tantum facinus averfatus, radios suos subtraxit, & aërem totum tenebris horribilibus textit.

Veniamus nunc ad verba Dñi: *Eli, Eli, lamma sabacthani*. Verba sunt ex principio Psal. vigesimi primi deprõpta, *Deus Deus meus, respice in me, quare me dereliquisti?* Illud enim, *respice in me*, quod est in medio versus, additum est à Septuaginta Interpretibus, & in ipso Hebraico textu non habentur verba, nisi quæ Dominus protulit. Illud unum est discriminis, quod verba Psal. sunt omnia Hebraica; verba à Christo prolata, sunt ex parte Syriaca, quali tunc lingua utebantur passim Hebraei.

Com-
mentum
in
Matth.

brai
furg
sunt
Hebr
Deo
ce n
dum
que
tant
rant
tura
per
tura
sona
sona
Ter
enir
veri
cieb
anne
Hic
comp
enir
cept
de q
misi
Prin
per
na, c
sum
meu
meu
nim

bræi, nā & verba illa, *Talitha cumi*, puella surge, & *Ephphetha*, adaperire, & si qua sunt alia in Euangeliis, Syriaca sunt, non Hebraica. Queritur ergo Dominus se à Deo derelictū, & queritur clamans voce magna. Vtrumque breviter explicandum est. Derelictio Christi à Patre quinque modis intelligi potest, quorum unus tantum est verus. Siquidem quinque erant in Filio Dei conjunctiones, una naturalis & æterna personæ Patris cum persona Filii in essentia: altera, nova, naturæ divinæ cum natura humana in persona Filii, sive quod in idem recidit, personæ divinæ Filii cum natura humana. Tertia fuit unio gratiæ & voluntatis: fuit enim Christus homo plenus gratiæ & veritatis, & Quæ placita erant Deo, faciebat semper, ut ipse testatur apud Iohannem. & de ipso Pater non semel dixit: *Hic est filius meus dilectus, in quo mihi bene placuit.* Quarta fuit unio gloriæ: vidit enim anima Christi Deum ab ipsa conceptione. Quinta fuit unio protectionis, de qua loquitur ipse, cum ait: *Qui me misit, mecum est, & non reliquit me solum.* Prima unio est omnino inseparabilis & perpetua, quia est unio in essentia divina, de qua dicit ipse: *Ego & Pater unum sumus,* & idem non dixit Christus, Pater meus, ut quid dereliquisti me? sed, *Deus meus, ut quid dereliquisti me?* Pater enim non dicitur, Deus Filii, nisi post incarnationem.

incarnationem, & ratione incarnationis. Altera quoque unio numquam dissoluta est, neque dissolvi potest. quod enim semel assumpsit, numquam dimi-

Rom. 8 sit. nam Apostolus dicit: *Proprio filio suo non pepercit, sed pro nobis omnibus tradidit illum.* & Apostolus Petrus, *Christus passus*

1 Pet. 2 est pro nobis. & *Christo passo in carne.* Quæ

2 Pet. 4 omnia demonstrant, non esse purum hominem, sed verum Dei Filium, & Dominum Christum, qui crucifixus est. Tertia unio pariter semper manet, & manebit. *mortuus est enim justus pro injustis*, ut lo-

1 Pet. 3 quitur sanctus Petrus; nihil omnino profuisset nobis Christi mors, si unio gratiæ dissoluta fuisset. Quarta unio disrupti non potuerat, quia beatitudo animæ amitti non potest, cum omnium bonorum aggregationem complectatur. Erat autem Christi anima secundum partem superiorem verè beata. Vide sanctum Thomam 3. p. q. 46. art. 8.

Restat igitur sola unio protectionis, quæ ad breve tempus disrupta fuit, ut locum haberet oblatio sacrificii cruenti pro redemptione generis humani. Poterat quidem Deus Pater multis modis protegere Christum, & impedire passionem ejus. sic enim in oratione, quam ha-

Mar. 14 buit in horto, Christus dixit: *Pater, omnia tibi possibilia sunt: transfer calicem hunc à me.*

Mar. 26 sed non quod ego volo, sed quod tu. & ad Patrum: *An putas, inquit, quia non possum ro-*

gare Pa-

gare Patrem meum, & exhibebit mihi modo plusquam duodecim legiones Angelorum? Poterat quoque ipse Christus, ut Deus, protegere carnem suam, ne pateretur, idè enim dicit: *Nemo tollit animam meam à me, sed ego pono eam à meipso.* quod ^{Joan. 10} multò antè Isaias prædixit, cum ait: *Oblatus est, quia ipse voluit.* Potuit denique anima Christi beata transmittere ad corpus donum impassibilitatis & incorruptionis: sed placuit Patri, placuit Verbo, placuit Spiritui sancto, ad exequendum commune decretum, permittere, ut vis humana in Christum ad tempus prævaleret. hæc enim fuit illa hora, de qua Dominus dixit ad eos, qui venerant ad eum capiendum: *Hæc est hora vestra, & Luc. 22* potestas tenebrarum. Sic igitur Deus Filium dereliquit, quando permisit ut humana caro Filii sui absque ulla consolatione dolores acerbissimos pateretur. Porrò clamans voce magna Christus, hanc derelictionem manifestavit, ut omnes intelligerent magnitudinem pretii redemptionis. nam usque ad illam horam tam incredibili patientia, & tanta æquitate animi tulerat omnia, ut credi posset sensu carere. Non questus est de Iudæis, qui eum accusaverant; non de Pilato, qui sententiam mortis in eum tulerat; non de satellitibus, qui eum cruci affixerant: non ingemuit, non clamavit, non ullo signo dolorem manifestavit.

stavit. Ut igitur, cum esset jam morti vicinus, intelligeret genus humanum, ac præcipue ut nos servi ejus non essemus ingrati tantæ gratiæ, & pretium redemptionis magnifaceremus, voluit ut dolor passionis ejus publicè innotesceret. Quare verba illa, *Deus meus, ut quid dereliquisti me?* non sunt verba accusantis, vel indignantis, vel conquerentis; sed, ut dixi, magnitudinem passionis jure optimo & opportunissimo tempore declarantis.

CAP. II.

De primo fructu verbi quarti.

EXposuimus breviter ea, quæ ad verbum quartum secundum historiam pertinebant. Nunc ut fructus aliquos ex arbore crucis decerpamus, prima se offert illa consideratio, quod Christus exhaurire voluit calicem passionis planè totum usq; ad ultimam guttam. Mansurus erat in cruce tribus horis, à sexta usque ad nonam. Mansit tribus horis, integris, plenis, & superplenis, nam ante horam sextam cruci affixus fuit, & post nonam emisit spiritum. Id verò hac ratione persuaderi potest: nam deliquium Solis cœpit hora sexta, ut tres Evangelistæ docent, Matthæus, Marcus, & Lucas, & disertis

Marc. verbis Marcus ait: *Et facta hora sexta, tenebra facta sunt per totam terram usque in horam*

25.

horam

horam nonam. Verba autem Domini
 tria dicta sunt in cruce ante initium
 tenebrarum, & antequam facta esset
 hora sexta: & quatuor verba postre-
 ma dicta sunt post tenebras, ac per
 hoc post horam nonam. Sed prætereà
 S. Marcus clariùs rem totam expli-
 cat, cùm dicit: *Erat autem hora tertia, &*
crucifixerunt eum. & postea subjungit: *Et*
facta hora sexta, tenebra facta sunt. Cùm
 autem dicit hora tertia Dominũ fuisse
 crucifixum, significat horam tertiam
 nondum fuisse completam; quando cru-
 cifixus est Dominus; ac per hoc horam
 sextam nondum fuisse inchoatam. nu-
 merat enim S. Marcus horas princi-
 pales, quæ tres horas ordinarias con-
 tinere solent. Ad quem modum Pater-
 familias vocavit operarios ad vineam, ^{Matt.}
 hora prima, tertia, sexta, nona, un-
 decima; & nos horas Canonicas nu-
 meramus Primam, Tertiam, Sextam,
 Nonam, & Vesperas, quæ est unde-
 cima. Igitur apud S. Marcum hora ter-
 tia crucifixus fuisse dicitur Dñs, quia
 nondum venerat hora sexta. Itaque ca-
 licem passionis bibere voluit Dominus
 in mensura plena & supereffluente, ut
 nos doceret amare calicem amarum
 pœnitentiæ & laborum: non amare
 calicem consolationum & deliciarum
 sæcularium. Nos ex lege carnis & mū-
 di, optamus exiguas pœnitentias, &
 ma-

magnas indulgentias: parum laboris, & multum consolationis: brevem orationem, & longam confabulationem. Sed verè nescimus quid petamus: nam ut Apostolus admonet Corinthios, *unusquis-*

1 Cor. 3 *que propriam mercedem accipiet secundum suum laborem. & non coronatur, nisi qui le-*

2 Tim 2 *gitimè certaverit.* Certè felicitas sempiterna digna fuisset sempiterno labore; sed quia si labor sempiternus necessarius esset, ad felicitatem sempiternam nunquam perveniremus; idèd pius Dominus contentus fuit, ut in hac solùm vita, quæ fugit velut umbra, pro viribus in operibus bonis & in obsequio ipsius Domini laboremus. proinde sine corde sunt, sine mente, sine consilio, non tam pueri quàm infantes, qui brevem hanc vitam otiaando, vel quod est multo deterius, graviter peccando, atque Deum ad iram provocando, consumunt: Nam si oportuit pati Christum, & ita

Intr. 24 *intrare in gloriam suam: quo pacto nos ludendo, & tempus in oblectanda carne amittendo intrabimus in gloriam alienam? si Evangelium valdè esset obscurum, & non posset sine magno labore intelligi, excusationem forsitan aliquam haberemus: at Evangelium ab illo, qui edidit, exemplo vitæ propriæ clarissimè declaratum est, ut cæcis etiam patere queat. Neque solùm ab ipso Christo explicatum illud habemus:*

bemus : sed tot commentaria , quæ ad
 sensum patent , clarissima extant , quot
 sunt Apostoli , Martyres , Confessores ,
 Virgines , Sancti denique , quorum per
 singulos ferè dies præconia & trium-
 phos celebramus . Omnes enim isti
 clamant , non per multas oblectationes ,
 sed *per multas tribulationes oportere nos* ^{Act.}
intrare in Regnum calorum. ^{14.}

CAP. III.

De secundo fructu verbi quarti.

Alter fructus , isque valdè pretiosus ,
 colligi potest ex consideratione si-
 lentii Christi in tribus illis horis , quæ
 fluxerunt ab hora sexta usque ad no-
 nam . Quid enim quæso te , anima mea ,
 fecit Dominus tuus in illis tribus ho-
 ris ? horror & tenebræ mundum invol-
 verant universum ; & Dominus tuus
 non in lecto molli quiescebat , sed in
 cruce nudus , doloribus plenus , sine ullo
 consolatore pendebat . Tu Domine , qui
 solus hoc nosti , doce servulos tuos ut
 intelligant quantum tibi debeant , &
 saltem piis lacrymis compatiantur tibi ,
 & discant in hoc exilio pro amore tuo
 aliquando , si tibi placitum fuerit , omni
 consolatione carere . Ego , fili , numquam
 in toto vitæ meæ mortalis decursu , qui
 nihil fuit nisi labor & dolor , majores

H angu-

angustias expertus sum, quàm in illo trium horarum decursu: neque unquam libentiùs dolores pertuli, quàm in illo eodem spatio temporis. Tunc enim ex lassitudine corporis semper magis ac magis vulnera dilatabantur, & doloris acerbitas augebatur. Tunc ex ipsa Solis absentia frigus aëris auctum, corpori meo ab omni parte nudo dolorem augebat. Tunc ipsæ tenebræ, quæ conspectum cæli, & terræ, & rerum ceterarum auferebant, cogebant quodammodò animam, ut sola corporis sui tormenta cogitaret: ita ex hac parte tres illæ horæ tres mihi anni esse videbantur. Sed quoniam desiderium, quod pectus meum ardebat honoris paterni, & obedientiæ ejus adimplendæ, & salutis animarum vestrarum procurandæ, tale erat, ut quò magis dolor corporis augebatur, eò magis ignis ille desiderii mitigaretur: videbantur mihi tres horæ illæ tria parva momenta temporis, præ amoris patiendi magnitudine. O piissime Domine, si res ita se habet, valdè ingrati sumus, quibus grave est unam horulam in istis tuis doloribus cogitandis insumere, cum tibi grave non fuerit, tribus horis integris cum tenebrarum horrore, in frigore & nuditate, in ardentissima siti, in cruciatibus acerbissimis pro salute nostra procuranda in cruce pendere. Sed
 quæso

quæso te, amator hominum, responde mihi, utrùm dolorum vehementia facere potuerit, ut in illo tam longo trium horarum silentio, cor tuum ab oratione cessaverit. Nos enim cùm in tribulatione versamur, præsertim si membra corporis acri dolore pungantur, non sine magno labore animum ad orandum applicare valemus. Non ita ego, fili, sed in carne infirma spiritum promptum ad orationem gerebam. Immo verò totas illas tres horas, in quibus nihil per linguam locutus sum, cordis ore ad Patrem pro vobis orando & clamando consumpsi. Neque solum orabam corde, sed etiam vulnere & sanguine. Quot erant in corpore meo vulnera, erant autem plurima, tot erant ora clamantia pro vobis ad Patrem; & quot erant sanguinis guttæ, tot erant linguæ petentes & postulantes misericordiam vobis ab eodem Patre meo, & vestro. Nunc verò, Domine, planè confundis impatientiam servi tui, qui si fortè labore fatigatus, vel dolore gravatus, ad orandum accedat, vix potest mentem ad Deum attollere, ut pro se oret; vel si per gratiam tuam attollat, non potest diu attentionem continuare, quin mentem ad laborem vel dolorem suum reflectat. Miserere igitur Domine servi tui secundum magnam misericordiam tuam, ut

tam magno proposito exemplo patientiæ tuæ, discat vestigia tua sequi, & perexiguas molestias suas saltem in oratione contemnere.

CAP. IV.

De tertio fructu verbi quarti.

CUM Dominus in cruce clamans dixit, *Deus meus, ut quid dereliquisti me?* non idè dixit, quòd reverà nesciret, cur eum Deus dereliquisset. Quid enim nesciret, qui omnia novit? sic enim Apostolus Petrus respondit Domino ^{104.21} quærenti: *Simon Ioannis amas me? Domine, inquit, tu omnia nosti, tu scis quia amo te.* & Apostolus Paulus de Christo ^{Col.2.} loquens addit: *In quo sunt omnes thesauri sapientiæ & scientiæ.* Non igitur quæsit ut disceret, sed ut nos ad quærendum hortaretur, & ut quærendo & invenièdo, multa nobis utilia, vel etiam necessaria disceremus. Cur igitur Deus Filium suum in laboribus & doloribus acerbissimis dereliquit? Quinque mihi occurrunt causæ, quas in medium adducam, ut sapientioribus occasionem præbeam meliora & utiliora investigandi.

Prima igitur mihi esse videtur, magnitudo & multitudo offensionum generis humani in Deum, quas Filius in
 su o

fuo co
 nostra
 lit in
 mortu
 ti est
 quam
 suscep
 nita,
 tis &
 etiam
 Filius
 & ex
 pœna
 iamfi
 ra, s
 nem.
 ut cop
 unica
 rabile
 primu
 homin
 qui to
 Deo,
 gravit
 hoc in
 qua F
 liquist
 & mu
 ut not
 lius D
 imbre
 gehen
 ra, cù

suo corpore expiandas suscepit. *Peccata*^{1. Pet.}
nostra, inquit sanctus Petrus, *ipse pertu-*^{2.}
lit in corpore suo super lignum; ut peccatis
mortui, iustitia vivamus: cuius livore sana-
ti estis. Porro magnitudo offensionis,
 quam Christus passione sua delendam
 suscepit, est quidem aliquo modo infi-
 nita, ratione personæ infinitæ dignita-
 tis & excellentiæ, quæ fuit offensa: sed
 etiam persona satisfaciens, quæ est
 Filius Dei, est etiam infinitæ dignitatis
 & excellentiæ; ac per hoc quælibet
 pœna à Filio Dei sponte suscepta, et-
 iam si una tantum fuisset sanguinis gut-
 ta, satis esse potuisset ad satisfactio-
 nem. Atque hoc quidem verum est: sed
 ut copiosa esset redemptio, & quia non
 unica fuit offensio, sed propè innume-
 rabiles; non enim solius Adæ peccatum
 primum, sed omnia peccata omnium
 hominum super se accepit Agnus Dei,
 qui tollit peccata mundi: idèd placuit
 Deo, ut pœnas innumerabiles, easque
 gravissimas Filius ejus portaret. atque
 hoc in illa derelictione significatur, de
 qua Filius ad Patrem dicit: *Quare dere-*
liquisti me? Altera causa fuit, magnitudo
 & multitudo pœnarum gehennæ, quam
 ut notam nobis faceret, voluit eam Fi-
 lius Dei tam ingenti pœnarum suarum
 imbre restinguere. Quanta sint autem
 gehennæ incendia, docet Isaias Prophe-
 ta, cum ea docet esse planè intolerabi-

Isai. 33 lia, cum ait: *Quis poterit habitare de vobis cum igne devorante? quis habitabit ex vobis cum ardoribus sempiternis?* Gratias igitur ex toto corde agamus Deo, qui derelinquere voluit Filium suum unigenitum in doloribus maximis ad tempus, ut nos liberaret ab ardoribus sempiternis. Gratias quoque Agno Dei ex intimo corde reddamus, qui derelinqui maluit à Deo sub gladio jugulante, quam ut relinqueret ille nos sub dentibus bestiae infernalis, quæ semper rodit, & numquam rodendo satiatur. Tertia causa est, magnitudo pretii gratiæ divinæ, quæ est illa margarita pretiosa, quam mercator sapientissimus Christus, venditis omnibus quæ habebat, emit, nobisque restituit. Gratia Dei, quæ nobis in Adamo data fuerat, & quam Adamo peccante perdidimus, tam pretiosa margarita erat, ut & mirifice nos ornaret, & Deo gratissimos redderet, & pignus esset felicitatis æternæ. Hanc margaritam, quæ summa erat divitiarum nostrarum, serpentis astutia nobis ademptam, nemo erat, qui recuperare posset, nisi Filius Dei, qui sapientia sua vincit malitiam diaboli; sed cum gravissimo incommodo suo, exponens ipse se laboribus & doloribus plurimis: vicit pietas Filii, qui se itineri laboriosissimo ac molestissimæ peregrinationi commisit, ut margaritam

Matth.

23.

tam
 causa
 Regr
 imm
 aper
 tiffin
 acule
 rum.
 ret,
 mort
 derel
 Quin
 Patre
 bat e
 abol
 ni co
 fieret
 ter Fi
 neret
 lo ex
 quen
 Deus
 patie
 rit,
 magn
 tiæ di
 magn
 Patre
 quoq
 multi
 rit ca
 spirit
 tyres

tam illam nobis recuperaret. Quarta causa fuit, magnitudo eminentissima Regni cælorum, ad quod nobis aditum immensis laboribus & doloribus suis aperuit Filius Dei, de quo Ecclesia gratissimo animo canit: *Tu devicto mortis aculeo, aperuisti credentibus Regna cælorum.* Atque ut mortis aculeum vinceret, opus illi fuit durissimo prælio cum morte luctari: in quo prælio Pater eum dereliquit, ut gloriosius triumpharet. Quinta causa fuit, amor ingens quo Patrem Filius prosequabatur. Opebat enim, ut in redemptione mundi, & abolitione peccati, honori Patris æterni copiosissimè & cumulativissimè satisfaceret. Id verò fieri non poterat, nisi Pater Filium derelinqueret, id est, pati fineret tormenta omnia, quæ à diabolo excogitari, & ab homine tolerari queunt. Siquis igitur quærat, ut quid Deus Filium in cruce extrema quæque patientem dereliquit? responderi poterit, ut appareat magnitudo peccati, magnitudo gehennæ, magnitudo gratiæ divinæ, magnitudo vitæ æternæ, & magnitudo charitatis Filii Dei erga Patrem suum. Ex quibus causis alia quoque solvitur quæstio, cur videlicet multis Martyribus Deus sic admiscuerit calicem passionis cum ingenti copia spiritualium consolationum, ut Martyres illi maluerint calicem passionis

*Vide
Ruffinum
Hist.
Eccles.
c. 36.*

cum admittione illarum consolationum, quàm sine illis consolationibus carere calice passionis: & Filium suum dilectissimum permiserit sine ulla consolatione calicem amarissimum usque ad faeces, ut sic loquar, exhaurire. Hujus enim rei ratio est, quia in sanctis Martyribus nulla earum causarum locum habebat, quas in passione Christi enumeravimus.

CAP. V.

De quarto fructu verbi quarti.

Addi potest etiam alius fructus, non tam ex ipso quarto verbo, quàm ex circumstantia temporis in quo dictum est, videlicet ex horrendis tenebris, quæ verbum illud proximè præcesserunt. Siquidem tenebræ illæ aptissimæ sunt ad gentem Hebræorum illuminandam, & ad Christianos ipsos in vera fide confirmandos, si ad vim demonstrationis, quam ex tenebris illis deductam nunc proponemus, animum seriò applicare velint. Demonstratio ex quatuor veritatibus nullo negotio colligi potest.

Prima veritas est, Christo crucifixo Solem obscuratum esse planè totum, ut stellæ in cælo conspicerentur, ut noctu conspici solent. Hæc veritas quin-

que

que testibus fide dignissimis, & qui diversarum erant nationum, & diversis temporibus, & in locis diversis erant, cum scriberent libros suos, ut non potuerint ex collatione vel conventionem inter se facta scribere. Primus est sanctus *Matt.* Matthæus, Hebræus, qui in Iudæa ^{27.} scripsit, & unus ex illis est qui Solem obscuratum viderunt. Et certè hic vir gravis & prudens, numquam hoc in Iudæa, & ut credibile est, in ipsa civitate Ierosolyma, scripsisset, si verum non esset quod scripsit. Quoniam alioqui potuisset ab omnibus illius civitatis & regionis incolis reprehendi & derideri, quasi scripsisset, quæ omnes scirent esse falsissima. Alter testis est sanctus *Marc.* Marcus, qui Romæ scripsit, & ipse quoque ^{15.} eclipsim illam vidit, quia tunc in Iudæa erat cum aliis discipulis Domini. Tertius est sanctus Lucas, qui Græcus erat, & in Græcia scripsit: & ipse quoque vidit eclipsim Antiochiæ in patria sua. Nam cum eam viderit Heliopoli in Ægypto sanctus Dionysius Areopagita, facilius eam videre potuit sanctus Lucas ex Antiochia, quæ vicinior est Ierosolymæ, quàm Heliopolis. Quartus testis, & quintus, sunt Dionysius & Apollophanes, qui Græci erant, & eo tempore gentiles: & disertis verbis testantur, eam eclipsim à se visam & consideratam cum summa sua ad-

miratione. Hi sunt quinque testes, qui de visu proprio testantur. His accedunt annales Romanorum veterum, & Phlegon chronographus Adriani Imperatoris, ut supra monuimus in primo capite. Itaque prima veritas nullo modo sine ingenti temeritate negari potest à Iudæis, vel à paganis. Nam apud Christianos veritas hæc ad Fidem Catholicam pertinet.

Altera veritas est, prædictam eclipsim non potuisse fieri, nisi per omnipotentiam Dei; ac per hoc non à dæmonibus ullo modo, vel ab hominibus auxilio dæmonum procurari potuisse; sed de speciali providentia & voluntate Dei creatoris & gubernatoris mundi esse profectam. Hæc veritas hac ratione demonstratur: nam Sol non potest deficere, nisi uno ex tribus modis: vel per interpositionem Lunæ inter Solem & terram; vel per ingentem & densissimam aliquam nubem; vel per radiorum Solis retractionem, sive extinctionem. Primo modo non potuit naturaliter illa interpositio fieri, quia cum tunc esset pascha Iudæorum, Luna inveniebatur opposita Soli; proinde necesse fuit, vel sine interpositione Lunæ illam eclipsim fieri, vel inusitato & maximo miraculo, Lunam paucis horis iter fecisse, quod quatuordecim diebus factura erat, ac deinde simili miraculo

retro-

retro
trium
dieru
ad ca
trove
Deo:
frater
enim
Princ
modo
Solis
bes d
nobis
rat a
ex te
Sole
las in
tur in
notissi
retrab
lem q
minu
mino
prim
Te
quib
xi ca
denti
ex e
bræ
aère
vus p
fexta

retrocessisse tanta velocitate, ut spatio trium horarum conficeret rursus iter dierum quatuordecim. Illa autem, quæ ad cælestes orbes pertinent, extra controversiam est, non posse fieri nisi à Deo: neque enim dæmones ullam potestatem habent nisi infra Lunam. Idem enim Apostolus dæmonem appellat *Principem potestatis æris hujus*, Secundo ^{Eph. 2.} modo non potuit fieri deliquium illud Solis, quoniam, ut supra diximus, nubes densa & crassa non potest eripere nobis aspectum Solis, nisi etiam auferat aspectum stellarum: constat autem ex testimonio Phlegontis, deficiente Sole in passione Christi, visas fuisse stellas in cælo, eo planè modo quo videntur in noctibus. Tertio denique modo notissimum est, non posse Solis radios retrahi, vel extinguere, nisi à Deo qui Solem creavit. Igitur secunda veritas non minùs certa est quàm prima, neque minori temeritate potest negari quàm prima.

Tertia veritas est, tenebras illas, de quibus nunc agimus, Christi crucifixi causa exortas, atque à divina providentia procuratas fuisse. Hæc veritas ex eo demonstrari potest, quòd tenebræ illæ tam diu perseveraverunt in aère, quamdiu Christus Dominus vivus pependit in cruce: id est, ab hora sexta usque ad nonam. Id attestantur

!quot-

quotquot hujus deliqui meminerunt, neque casu fieri potuit, ut tenebræ plenæ miraculis cum Christi passione coinciderent. Quæ enim miraculo fiunt, non casu, sed divina providentia fiunt. Neque ullus auctor est, quod ego sciam, qui aliam causam hujus tam admirandi deliqui assignare potuerit. Qui enim Christum noverunt, ejus causa deliquium illud factum esse confessi sunt: qui Christum non noverunt, ignorantiam suam fassi admirantes permanserunt.

Quarta veritas est, tenebras illas tam prodigiosas nihil aliud indicare potuisse, nisi sententiam Caiphæ & Pilati injustissimam fuisse, & Iesum esse verum & proprium Filium Dei, verissimumque Messiam Iudæis promissum. Hæc enim potissima causa fuit, cur Iudæi Christum ad necem postulaverint. Nam in concilio Pontificum & Sacerdotum, Scribarum & Phariseorum, cum videret Pontifex testimonia adversus Christum nihil probare; surrexit, & ait: *Adjuro te per Deum vivum, ut dicas nobis, si tu es Christus filius Dei.* Consentiente autem Domino, & confitente se esse, scidit vestimenta sua Pontifex dicens: *Blasphemavit: quid adhuc egemus testibus? ecce nunc audistis blasphemiam: quid vobis videtur? At illi respondentes dixerunt: Reus est mortis.* Ac deinde coram Pilato, qui

Domi-

Matt.
26.

Domini
Pontificis
gem
mori
potiss
cruce
ctum
Occide
lus, qu
causa
horre
effud
visse
raviss
illum
Filiu
Quod
testibu
erat is
erat. C
cælest
Etanti
affirm
ne ju
aucto
stus
gnific
dita s
rii,
quon
xima
temp
lis ma

Dominum liberare à morte cupiebat, Pontifices & ministri dixerunt : *Nos legem habemus, & secundum legem debet mori, quia filium Dei se fecit.* Hæc igitur potissima causa fuit, cur Dominus ad crucem damnatus fuerit, quod prædictum fuit à Daniele Propheta dicente: *Occidetur Christus, & non erit ejus populus, qui eum negaturus est.* Atque hæc ipsa causa fuit, cur Deus in passione Domini horrendas illas tenebras in mundum effuderit, ut apertissimè testaretur, erravisse Pontifices, erravisse populum, erravisse Pilatum, erravisse Herodem : & illum qui pendeat in cruce, esse verum Filium suum, & Messiam promissum. Quod ipsum Centurio animadversis cælestibus signis, clamavit : *Verè Filius Dei erat iste.* & rursus : *Verè hic homo justus erat.* Cognovit enim Centurio signa illa cælestia esse quasi vocem Dei retractantis sententiam Caiphæ & Pilati, & affirmantis, hominem illum contra omne jus morti traditum fuisse, cum sit auctor vitæ, verus Dei Filius, & Christus in lege promissus. Quid enim significare potuit Deus tenebris illis, addita scissione petrarum, & veli Sanctuarii, nisi aversum se jam esse à populo quondam suo, & iratum iracundia maxima, propterea quod non cognoverit tempus visitationis suæ, ut Dominus illis manifestè prædixit apud Lucam.

Certè

Certè si Iudæi ista considerarent, & simul animadverterent, se ab illo tempore dispersos esse inter varias nationes, & neque Reges habere, neque Pontifices, neque altaria, neque sacrificia, neque miracula divina, neque responsa Prophetarum; planè intelligerent, se à Deo derelictos; &, quod est longè miserius, datos esse in reprobum sensum, & nunc impleri in eis, quod Isaias futurum prædixit, cùm Dominum dicentem introducit: *Vade, & dicet populo huic: Audite audientes, & nolite intelligere: & videte visionem, & nolite cognoscere. Excaca cor populi hujus, & aures ejus aggravata, & oculos ejus claude: ne forte videat oculis suis, & auribus suis audiat, & corde suo intelligat, & sanem eum.*

CAP. VI.

De quinto fructu verbi quarti.

IN primis tribus verbis commendavit nobis magister noster Christus tres eximias virtutes, charitatem ad inimicos, misericordiam ad miseros, & pietatem ad parentes. In quatuor sequentibus verbis commendat virtutes quatuor, non quidem excellentiores, sed nobis non minùs necessarias; humilitatem, patientiam, perseverantiam, & obe-

obedi
quæ p
cùm e
fapien
suæ d
sed pr
tis se
Discit
corde.
tuten
separ
bis co
meus,
his er
mitte
excell
obscu
illæ de
Domi
patien
lerare
Glo
ctus
cùm
si unig
tatis:
probi
anima
buit,
Hæc
obscu
Deus
me? P

obedientiam. Et quidem humilitatem, quæ propriè virtus Christi dici potest, cum ejus nulla fiat mentio in scriptis sapientium hujus mundi, in toto vitæ suæ decursu re ipsa & factis ostendit; sed prætereà disertis verbis ejus virtutis se magistrum professus est, cum ait: *Discite à me, quia mitis sum, & humilis* *Matt. corde.* Sed numquam clariùs hanc virtutem, & simul etiam patientiam, quæ separari ab humilitate non potest, nobis commendavit, quàm cum ait: *Deus meus, Deus meus, ut quid dereliquisti me?* his enim verbis Christus ostendit, permittente Deo, omnem suam gloriam & excellentiam in conspectu hominum obscuratam: quod ipsum etiam tenebræ illæ demonstrabant. Non potuit autem Dominus sine eximia humilitate & patientia obscuracionem ejusmodi tolerare.

Gloria Christi, de qua loquitur sanctus Ioannes in principio Evangelii, cum ait: *Vidimus gloriam ejus, gloriam qua-* *Ioñ. 1,* *fi unigeniti à Patre, plenum gratia & veritatis:* posita erat in potentia, sapientia, probitate, majestate regia, beatitudine animæ, & dignitate divina, quam habuit, ut verus & naturalis Filius Dei. Hæc omnia passio obscuravit: & hanc obscuracionem illa verba significant, *Deus meus, Deus meus, ut quid dereliquisti me?* Potentiam passio obscuravit, quia
cruci

cruci affixus nihil omnino posse videbatur; & ideò Principes Sacerdotum, & milites, & ipse etiam latro exprobrabant illi impotentiam dicentes: *St*
Matt. *27.* *filius Dei es, descende de cruce. &, Alios salvos fecit, seipsum non potest salvum facere.* Quanta patientia, quanta humilitas necessaria fuit, ut nihil ad ista responderet is, qui verè erat omnipotens? Sapientiam passio obscuravit, quando coram Principibus Sacerdotum, coram Herode, coram Pilato ad multas interrogationes, quasi consilii omnis expertus, nihil respondebat. ex quo factum est, ut eum Herodes indutum veste alba spreverit, & exercitus ejus. Quanta humilitas, quanta patientia necessaria erat ad ista toleranda ei, qui non solum Salomone sapientior, sed ipsa Dei sapientia erat? Probitatem vitæ passio obscuravit, cum in medio latronum cruci affixus penderet, quasi seductor populorum & Regni alieni usurpator esset. Atque hanc innocentiae gloriam magis adhuc obscurare videbatur illa derelictio Dei, quam ipse fatebatur, dicens: *Cur me dereliquisti?* Deus enim non probos viros, sed improbos derelinquere solet. Certè superbi omnes valdè cavent, ne aliquid dicant, unde possint qui audiunt suspicari, indignitatem aliquam suam eos ipsos confiteri. Sed humiles & patientes, quorum Rex Christus fuit, liben-

Luc. 23

liber
 humi
 falsi
 quan
 toler
 Talis
 imoce
 bus,
 majes
 diader
 sceptr
 bulun
 trone
 litas
 illi, q
 nus de
 terræ
 animæ
 ipsa fu
 let, si
 funder
 istam
 rit de
 rum
 juxta
 magn
 quid d
 mam
 sic ob
 homin
 det, p
 sum ve
 num, &

libenter occasionem omnem arripiunt
 humilitatis & patientiæ, modò nihil
 falsi dicant. Quanta igitur humilitas,
 quanta patientia necessaria fuit ad ista
 toleranda illi, de quo Apostolus dicit:
Talis decebat ut nobis esset Pontifex, sanctus, Heb. 7.
innocens, impollutus, segregatus a peccatori-
bus, & excelsior cælis factus. Porro regiam
 majestatem passio sic obscuravit, ut pro
 diademate aureo spineam coronam, pro
 sceptro arundinem, pro tribunali pati-
 bulum, pro regio comiratu duos illi la-
 trones adjunxerit. Quanta igitur humi-
 litas, quanta patientia necessaria fuit
 illi, qui verè erat Rex regum, & Domi-^{Apoc.}
 nus dominantium, & Princeps regum^{I.}
 terræ? Quid jam dicam de beatitudine
 animæ, quam verè Christus habuit ab
 ipsa sua conceptione? & quam potuis-
 set, si voluisset, in corpus etiam trans-
 fundere? quàm vehementer gloriam
 istam passio obscuravit, cum eum fece-
 rit *despectum, & novissimum virorum, vi. Isa. 53.*
rum dolorum, & scientem infirmitatem,
 juxta Isaiam. & cum ipse clamet præ
 magnitudine passionis, *Deus meus, ut*
quid dereliquisti me? Denique celsissi-
 mam divinæ personæ dignitatem passio
 sic obscuravit, ut qui supra omnes, non
 homines tantum, sed etiam Angelos fe-
 det, propter passionem dicat: *Ego autem Ps. 21.*
sum vermis, & non homo, opprobrium homi-
num, & abjectio plebis.

Ad hunc igitur locum novissimum Christus in passione descendit: sed hæc descensio non sine ingenti merito & exaltatione fuit. Quod enim idem Dominus verbo sæpissimè promisit, dicens: *Omnis qui se humiliat, exaltabitur;* in ipsius persona impletum fuisse, Apostolus testatur, cum ait: *Humiliavit semetipsum factus obediens usque ad mortem, mortem autem crucis: propter quod & Deus exaltavit illum, & donavit illi nomen, quod est super omne nomen; ut in nomine Iesu omne genu flectatur, caelestium, terrestrium, & inferuorum.* Ita qui fuit novissimus, declaratus est primus; & humiliatio brevissima & quasi momentanea fuit, sed exaltatio sempiterna. Quod idem videmus accidisse Apostolis & Sanctis omnibus: nam Apostolos, scribit B. Paulus, fuisse *tamquam purgamenta huius mundi, & omnium peripsima*, id est, res vilissimas, quæ ab omnibus projiciuntur & conculcantur. hæc fuit humilitas Apostolorum. Sed quæ exaltatio? Sanctus Ioannes Chrysostomus docet, cum ait, Apostolos nunc in cælo prope ipsum thronum Dei assistere, ubi Cherubim Deum glorificant, ubi Seraphim volant; id est, cum primis Principibus Regni cælorum locum tenere, à quo loco nunquam excident. Certè si homines attentè considerarent, quàm honorificum sit, humili-

Mass.

22.

Luc. 14.

18.

Phil. 2.

1. Cor.

4.

Rom.

32. in

Epist.

ad Ro.

humili
tari;
posse
humili
no su
sensib
pleriq
rum n
ris, &
rus.

De

SEg
bet
verè v
Sed un
verba
quæ
Ioann
confu
prava
ceto p
aceto
ejus.
est: D
omni
Prop
veran
omni
restab
stare

humilitatem Filii Dei hinc in terris imitari; & simul aliquo modo suspicari possent, quanta sit exaltatio, ad quam humilitas ipsa perducit, paucos omnino superbos inveniremus: sed quia sensibus carnis & humana cogitatione plerique omnia metiuntur, idem mirum non est, si rara sit humilitas in terris, & superbiorum infinitus sit numerus.

CAP. VII.

De verbo quinto, Sirio, ad litteram.

SEquitur verbum quintum, quod habetur apud sanctum Ioannem, & est verè verbum unum, videlicet, *Sirio*. Sed ut intelligatur, necesse est addere verba Evangelistæ præcedentia & sequentia. sic igitur loquitur sanctus Ioannes: *Postea sciens Iesus quia omnia consummata sunt, ut consummaretur Scriptura, dixit: Sirio. Vas ergo erat positura acetis plenum. Illi autem spongiam plenam aceto, hyssopo circumponentes, obtulerunt ori eius. Quorum verborum hæc sententia est: Dominus noster adimplere voluit omnia, quæ de vita & morte eius Propheta, Spiritu sancto pleni, prænoverant & prædixerant, & quoniam omnibus aliis adimpletis, adhuc unum restabat, ut acetum in siti sua gustaret, juxta illud Psalmi sexagesimi*

112 DE VII. VERB. DOM.

octavi, *In siti mea potaverunt me aceto*, dixit clara voce, *Sitio*. & qui astabant, obtulerunt ori ejus spongiam aceto plenam, & calamo impositam. Dominus igitur noster dixit, *Sitio*, ut imple-retur Scriptura. Et quare ut imple-retur Scriptura? cur non potiùs dixit *Sitio*, quia reverà sitiebat, & restinguere sitim cupiebat? non enim Propheta prædixe-rat, ad hoc ut fieret quod prædixit; sed idèd prædixerat, quia præviderat futu-rum; & futurum prædixerat, quia res verè futura erat, etiamsi non prævidere-tur. Itaque prævisio vel prædictio non est causà rei futuræ; sed res futura causa est cur possit prævideri vel prædici. Magnum hoc loco mysterium, aperitur. Verè enim Dominus siti gravissima la-boravit à principio crucifixionis, & ea sitis crevit semper magis ac magis, ita ut unum fuerit ex majoribus tormen-tis quæ Dominus in cruce pertulit. Si-quidem emissio magnæ copię sangui-nis, exsiccat, & sitim provocat. Novi ego personam, quæ multis affecta vul-neribus, ex quibus ingens copia sangui-nis fluxerat, nihil nisi potum desidera-bat, quasi nihil mali pateretur præter ardentissimam sitim. Idem legitur in vita sancti Emmerammi martyris: qui ligatus ad palum, & plurimis vulneri-bus acceptis, de siti tantummodò que-rebatur. Christus igitur, qui post lon-

Vide
Syrill
ad die
22. Se-
ptimb.

gam

gam
in fla
cifix
suo p
sang
xera
arde
gum
lentic
mere
erat
filen
& j
stans
erat
tigel
Et id
præ
Dom
exer
tum
mur
defic
nis. a
palat
terior
pit, p
Au
tulen
possi
plena
lerun
geria

gam defatigationem multum sanguinis in flagellatione fuderat; & postea crucifixus quatuor quasi fontes in corpore suo patentes gerebat, ex quibus ingens sanguinis copia longo jam tempore fluxerat; quomodo fieri potest, ut non siti ardentissima cruciaretur? Et tamen longum hunc cruciatum per tres horas silentio prefferat, & potuisset etiam premere usque ad mortem, quæ jam tunc erat in januis. Cur igitur tanto tempore silentio texit cruciatum tam immanem, & jam jam moriturus illum manifestans dicit, *Sitis*; nisi quia voluntas Dei erat, ut nos omnes novum hoc tormenti genus Christo non defuisse scirentis? Et idem idem Pater cælestis à Propheta prædici voluit in persona Christi; & ipsi Domino Iesu Christo inspiravit, ut ad exemplum patientiæ fidelibus suis notum faceret hunc novum & acerbissimum cruciatum. Dixit ergo, *Sitis*, id est, deficit jam in carne mea humor omnis: aruerunt venæ, aruit lingua, aruit palatum, aruerunt fauces, aruerunt interiora omnia: si quis me refocillare cupit, potum offerat.

Audiamus nunc quem potum illi obtulerint, qui cruci astabant. *Vas ergo erat positum aceto plenum. Illi autem spongiam plenam aceto, hyssopo circumponentes, obtulerunt ori ejus. O consolationem! ô refrigerium! Erat ibi vas aceto plenum, quod*

noxium est vulneribus, & mortem accelerare solet, atque ea de causa ibi conservabatur, ut mortem cruci affixis acceleraret. Certè sanctus Cyrillus ad

Lib. 22
cap. 35
in 10^o. hunc locum ita scribit: *Projuvante & jucundo potu, nocentem & acerbum obtulerunt.* Et hoc idè credibilius reddi-

tur, quòd sanctus Lucas scribat in Evangelio: *Illudebant autem ei & milites accedentes, & acetum offerentes ei.* &

quamvis hoc scribat sanctus Lucas de Christo recèns cruci affixo: tamen credibile est, illos ipsos milites, cùm audiverunt clamantem, *Sitio*, tunc acetum per spongiam & calamum dedisse, quod antea illudentes obtulerant.

Mat. 27.
Luc. 23. Summa est, ut in initio paulò ante cruci affixionem, obtulerunt vinum felle mistum; sic in exitu vitæ acetum noxium vulneribus obtulerunt, ut à principio usque ad finem tota Christi passio fuerit simplex & vera passio, nulla consolatione admixta.

CAP. VIII.

De primo fructu verbi quinti.

Scripturæ Testamenti veteris plerumque per Scripturas Testamenti novi declarari solent: sed in hoc mysterio de siti Domini, verba Psalmi sexagesimi octavi haberi possunt pro

com-

commentario Euangelii. Siquidem in Euangelio non apertè declaratur, an qui obtulerunt acetum Domino sitienti, id fecerint ut ei gratificarentur, an ut eum magis affligerent, id est, ex amore, vel odio. Nos cum sancto Cyrillo in malam partem accipimus factum illorum, qui Domino sitienti acetum propinaverunt. Sed verba Psalmi apertiora sunt, quàm ut explicatione indigeant: atque ex eis hunc fructum colligemus, ut discamus sitire cum Christo, quæ verè & salubriter sitienda sunt. Hæc verba Prophetæ: *Sustinui qui Ps. 68. simul contristaretur, & non fuit: & qui consolaretur, & non inveni. & dederunt in escam meam fel, & in siti mea potaverunt me aceto.* Itaque qui dederunt Christo Domino, pauld antequam crucifigetur, vinum cum felle mixtum; & qui crucifixo Domino acetum obtulerunt, de illis erant, de quibus queritur, dicens: *Sustinui qui simul contristaretur, & non fuit: & qui consolaretur, & non inveni.*

Sed posset aliquis quærere, An non beatissima Virgo mater Domini, & soror matris ejus Maria Cleophæ, & Maria Magdalena cum Apostolo Ioanne, stantes juxta crucem, verè & ex corde simul contristabantur? An non etiam mulieres illæ, quæ sequeban-

Luc. 23

tur Dominum ad montem Calvariaæ

plangentes eum, verè simul cum eo contristabantur? denique, Nõne Apostoli omnes passionis tempore tristabantur, cùm eis Christus ipse prædixisset, *Quia plorabitis & flebitis vos, mundus autem gaudebit?* Omnino contristabantur omnes isti, & seriò contristabantur: sed non simul cum Domino contristabantur; quia non eadem erat tristitiæ causa vel ratio in Christo, & in aliis. Dominus enim ait. *Sustinui qui simul contristaretur, & non fuit: & qui consolaretur, & non inveni.* Illi tristabantur de passione & morte Christi corporali: ille non de hac re tristabatur, nisi ad breve tempus in horto, ut se verè hominem demonstraret: immò dicebat; *Desiderio desideravi hoc pascha manducare vobiscum antequam patiar.* & alio loco: *Si diligeretis me, gauderetis utique, quia vado ad Patrem.* Quænam igitur erat causa tristitiæ Domino, in qua simul contristantes non invenit? perditio animarum, pro quibus patiebatur. Et quæ erat causa consolationis, in qua consolantem non invenit, nisi salus animarum, quam sitiebat? Hanc unam consolationem quærebat, hanc optabat, hanc esuriebat, hanc sitiebat: sed datum est ei fel in escam, & acetum in potum. Fellis enim amaritudo peccata significat, quibus nihil est amarius ei qui sensum gustandi habeat non infectum vel depravatum: aceti verò

L
verò a
tionem
merito
bat p
lùm a
manfi
tos m
nes fe
gasse.
Sic
esurie
contr
atque
verè
deterf
tristit
piat,
quotid
omnes
pretio
lus un
tristab
man
tior, t
mea
mibi
meo.
à Chr
mei se
quor
terat
derium
quàm

verò acrimonia vel acerbitas, obstinationem significat in peccato: proinde meritò Christus tristabatur, quia videbat pro uno latrone converso, non solum alterum latronem in obstinatione mansisse, sed multos alios item obstinatos manere, & ex Apostolis ipsis omnes ferè scandalum passos, Petrum negasse, Judam desperasse.

Siquis igitur velit Christum in cruce esurientem, & sitientem, & inde valdè contristatum & dolentem consolari atque reficere: primùm ipse se offerat verè pœnitentem, & peccata propria detestantem; deinde simul cum Christo tristitiam magnam in corde suo concipiat, quòd tanta animarum multitudo quotidie pereat, cum tam facilè possent omnes homines salvari, si redemptionis pretio uti vellent. Verè Apostolus Paulus unus erat ex iis, qui cum Christo tristabantur, cum ait in Epistola ad Romanos, *Veritatem dico in Christo, non mentior, testimonium mihi perhibente conscientia mea in Spiritu sancto: quoniam tristitia mihi magna est, & continuus dolor cordi meo. Optabam enim ego ipse anathema esse à Christo pro fratribus meis, qui sunt cognati mei secundum carnem, qui sunt Israelitæ, quorum adoptio est filiorum, &c.* Non poterat Apostolus magis amplificare desiderium suum erga salutem animarum, quàm illa exaggeratione, *Optabam enim*

ego ipse anathema esse à Christo. Significatenim ex sententia sancti Ioannis

Lib. 1. Chrysostomi de Compunctione cordis, & in Epist. ad Romanos, se aded vehementer tritari de damnatione Iudæorum, ut si fieri posset, cuperet ipse separari à Christo, propter Christum; non quidem à charitate Christi separari cupiebat, de qua dixerat paulò an-

Hom. 18.
Ro. 8. tè: *Quis nos separabit à charitate Christi?* Sed à gloria Christi, malens ipse gloria cælesti privari, quàm ut Christus privaretur tanto fructu passionis suæ, quantus appareret in conversione multorum millium Iudæorum. Iste igitur verè tristabatur cum Christo, & consolabatur dolorem Christi: sed paucos habet hoc tempore imitatores. Primum enim Pastores animarum non pauci magis tristantur, si proventus Ecclesiæ suæ diminui aut etiam perire videant, quàm si multus animarum numerus ex ipsorum absentia vel negligentia pereat. *Patientius*, inquit S. Bernardus de Episcopis loquens, *ferimus Christi jacturam, quàm nostram.* *Quotidianas expensas quotidiano recipimus scrutinio, & continua Domini gregis detrimenta nescimus.* Non satis esse debet Prælato, si ipse piè vivat, & Christi virtutes privatim imitari satagat, nisi etiam subditos suos, vel potiùs filios suos, pios efficiat, & per Christi vesti-

Lib. 4. de Consideratione. cap. 9.
 gia

giã ad vitam æternam ducat. proinde si Christo compati, & cum illo triftari, ejusque dolores confolari cupiunt; vigilant super gregem suum, non deferant oviculas suas, verbo dirigant, exemplo præcedant.

Sed etiam de privatis hominibus jure queri potest Christus, quòd cum illo non contriftentur, neque dolorem suum consolentur. Et si cùm in cruce pendeat, meritò querebatur de perfidia & obstinatione Judæorum, à quibus videbat tantum suum laborem doloremque contemni, & tam pretiosam medicinam sanguinis sui tamquam à phreneticis respui: quid nunc dicere potest, cùm non jam de cruce, sed de cælo videat, ab his qui in eum credunt, aut credere se dicunt, nihili fieri passionem suam, sacrum sanguinem conculcari; & nihil nisi fel & acetum sibi offerri, id est, sine consideratione divini judicii, & sine metu gehennæ multiplicari peccata? *Gaudium est in cælo super uno peccatore pœnitentiam agente: Luc. 15.* sed si paulò post ille qui per fidem & Baptismum natus videbatur in Christo, & qui per Pœnitentiam à morte revocatus videbatur ad vitam, iterùm peccando moritur; nonne gaudium vertitur in tristitiam? & lac in fel, & vinum vertitur in acetum? Certè *mulier, quæ ovim parit, tristitiã habet; si vivum pariat* *Mat. 23. 36*

pariat puerum, jam non meminit pressuræ propter gaudium, quia natus est homo in mundum: sed si fortè puer continuò moriatur, aut etiam mortuus nascatur, nõnne duplici dolore torquebitur? sic etiam multi laborant confitendo peccata, fortasse etiam in jejuniis & eleëmolyinis non sine labore versantur: sed quia per conscientiam erroneam, vel ignorantiam non probabilem ad indulgentiam non perveniunt; nõnne isti laborant in parturiendo, & tamen abortum faciunt, & se ipsi, & pastores suos duplici mœrore conficiunt? Similes sunt ejusmodi homines viro ægotanti, qui amarissimo pharmaco, unde sanitatem sperabat, sibi ipse mortem accelerat: vel agricolæ, qui post multos labores in vinea vel in agro colendo consumptos, improvisa grandine superveniente, proventus omnes, id est labores suos omnes amittit. Ista igitur sunt mala jure deslenda; & qui ista deslet, & de his contristatur, is cum Christo in cruce contristatur: & cum in istis depellendis malis pro viribus laborat, is Christi patientis in cruce labores ac dolores mirificè consolatur, & cum Christo vicissim in cælo gaudente gaudebit, & cum regnante regnabit.

CAP.

CAP. IX.

De secundo fructu verbi quinti.

ALia, nec parum utilis consideratio mihi occurrit, dum sitim Christi in cruce pendentis attentè confidero. Videtur enim mihi Dominus in eum sensum dixisse, *Sitio*, quo dixit mulieri Samaritanæ, *Da mihi bibere*. Nam paulò ^{Ioã. 4.} post aperiens mysterium verbi sui, adiunxit, *Si scires donum Dei, & quis est, qui dicit tibi: Da mihi bibere: tu forsitan petisses ab eo, & dedisset tibi aquam vivam*. Quomodo enim sitiet, qui est fons aquæ vivæ? an non de se loquebatur, cum diceret in Euangelio: *Si quis sitit, Ioã. 7.* ^{10.} *veniat ad me, & bibat? & nonne ipse est petra illa, de qua loquitur Apostolus ad Corinthios: Bibebant de consequente eos* ^{1. Cor.} *petra, petra autem erat Christus?* ^{10.} Denique nonne ipse est, qui loquitur ad Iudæos per Ieremiam, *Me dereliquerunt* ^{Ierem. 2.} *fontem aqua viva, & foderunt sibi cisternas, cisternas dissipatas, qua continere non valent aquas*. Videor igitur mihi videre Dominum in cruce, tamquam in sublimi specula, respicientem orbem terrarum plenum hominibus sitientibus, & languentibus præ siti: & occasione sitis suæ corporalis, eundem Dominum miseratum communem illam sitim generis huma-

humani, clamavisse, *Sitio*, hoc est, Verè quidem sitio propter exhaustum jam atque exsiccatum humorem corporis mei; sed hæc sitis in mōmento finietur: magis autem sitio, ut homines ex fide cognoscere incipiant, me esse verum fontem aquæ vivæ, & veniant ad me, & bibant, & deinceps non sitiant in æternum.

O nos beatos, si concionem istam Verbi incarnari attentissimo corde audiremus! An non enim homines ferè omnes sitiunt siti concupiscentiæ ardentissima & insatiabili aquas labentes & turbidas rerum transeuntium & defluentium, quæ vulgò dicuntur bona, pecunias, honores, voluptates? Et quis umquam istam aquam bibens, non sitivit iterùm? Et quis umquam Christum magistrum audiens gustare cœpit aquam vivam sapientiæ cœlestis & charitatis divinæ, qui non continuo extincta siti rerum terrenarum, respirare cœperit in spem æternæ vitæ; & deposita mordaci cura acquirendi & cumulandi terrena, non cœperit desiderare & sitire cœlestia? Hæc aqua viva, non ex terra ascendens, sed de cœlo descendens, quam Dominus fons aquæ vivæ nobis dabit, si eam ab illo ardentibus precibus & non sine fonte lacrymarum postulabimus; non solum sitim sedabit rerum terrenarum, sed etiam

erit

erit
toto t
Sic er
Omnes
fortè
magn
Proper
to, &
& lac
fine a
propri
to, &
gratis
inven
caver
lac, q
quæ f
perfec
Hæc
quæ d
stum d
lesfaci
maxim
pabul
juxta
niti in
piscit e
ritas,
est ju
qui li
inven
anima
neque

erit nobis cibus & potus indeficiens
 toto tempore nostræ peregrinationis.
 Sic enim loquitur Iſaias Propheta: ^{Iſai.}
Omnes sitientes venite ad aquas. Et ne ^{55.}
 fortè putes simplicem esse aquam, vel
 magno pretio emendam; subjungit:
Properate, venite, & emite absque argen-
to, & absque ulla commutatione vinum
& lac. Aqua emenda dicitur, quia non
 sine aliquo labore, id est, dispositione
 propria acquiritur; sed absque argen-
 to, & absque ulla commutatione, quia
 gratis datur, neq; ullum æquale pretium
 inveniri posset. & quam paulò antè vo-
 caverat aquam, nunc appellat vinum &
 lac, quia res quædam est pretiosissima,
 quæ simul comprehendit virtutem five
 perfectionem aquæ, vini, & lactis.

Hæc est vera sapientia & charitas,
 quæ dicitur aqua, quia refrigerat æ-
 stum concupiscentiæ; vinum, quia ca-
 lesfacit & inebriat mentem ebrietate
 maximè sobria; lac, quia nutrit dulci
 pabulo præcipuè infantes in Christo,
 juxta illud Apostoli Petri, *sicut modo ge-* ^{1. Pet.}
niti infantes, rationabile, sine dolo lac concu- ^{2.}
piscite. hæc eadē vera sapientia & cha-
 ritas, concupiscentiæ carnis contraria,
 est *jugum illud suave, & onus leve,* quod ^{Matt.}
 qui libenter humiliterque suscipiunt, ^{11.}
 inveniunt requiem veram & solidam
 animabus suis, ut non ampliùs sitiant,
 neque opus habeant aquas ex terrenis
 puteis

*Socr.
lib. 7.
c. 22.
Vide
Sur. tō.
5. dic
27. Se-
pemb.*

puteis haurire. Hæc dulcissima requies animorum aperuit solitudines, implevit monasteria, reformavit Clerum; ipsos etiam conjugatos ad moderationem non exiguam revocavit. Certè palatium Theodosii junioris Imperatoris, non ab simile magno monasterio videbatur; & domus Comitis Elzearii, parvi monasterii formam præ se ferebat. In utroque loco nulla iurgia, nullæ contentiones audiebantur, sed Psalmi & cantica sacra frequentissimè resonabant. Hæc omnia Christo debemus, qui siti sua sitim nostram extinxit, & tamquam fons vivus aquis jugiter manantibus agros cordium nostrorum ita rigavit, ut siccitatem non timeant, nisi ab ipso fonte corda nostra (quod absit) inimico instigante recedant.

CAP. X.

De tertio fructu verbi quinti.

Tertius fructus, qui ex verbo quinto decerpi potest, est imitatio patientiæ Filii Dei. Quamvis enim in verbo quarto claruerit humilitas cum patientia; tamen in verbo quinto, tamquam in proprio loco, summa & sola patientia Christi fulsisse videtur. Porrò patientia non solum una ex magnis virtutibus est, sed etiam præter ceteras valdè

valdè necessaria, sic enim loquitur sanctus Cyprianus: *Non invenio, inter ceteras caelestis disciplina vias, quid magis sit vel utiùs ad vitam, vel majus ad gloriam, quàm ut qui praeceptis Dominicis obsequio timoris ac devotionis innitimur, patientiam maximè tota observatione tueamur.* Sed antequam de necessitate patientiæ aliquid dicamus, necesse est patientiam veram à falsa distinguere. Vera patientia est, quæ tolerare jubet mala pœnæ, ut non cogatur facere mala culpæ. Talis fuit patientia Martyrum, qui maluerunt tormenta subire carnificum, quàm Christi fidem abnegare; & maluerunt jacturam omnium bonorum pati, quàm diis falsis cultum adhibere. Falsa verò patientia est, quæ suadet mala omnia tolerare, ut legi concupiscentiæ pareatur: & amittere bona sempiterna, ut temporalia conserventur. Talis est patientia martyrum diaboli, qui facilè tolerant famem & sitim, frigus & æstum, & jacturam nominis boni, & quod admirabilius est, Regni cælorum, ut opes adaugeant, vel carnis concupiscentiæ satisfaciant, vel ad gradus honorum ascendant.

Iam verò patientia vera id habet proprium, ut omnes virtutes perficiat & conservet: atque hoc est quod sanctus Iacobus prædicat in laudibus

patientia, cum ait: *Patientia opus perfectum habet, ut sitis perfecti & integri, in nullo deficientes.* Virtutes enim ceterae sine patientia non diu subsistere possunt, propter difficultates quae in earum actibus inveniuntur: sed quando comitem habent patientiam, facile superant omnes difficultates. patientia enim convertit prava in directa, & aspera in vias planas. Atque hoc aded verum est, ut sanctus Cyprianus de ipsa etiam Regina virtutum charitate dicat; *Charitas fraternitatis vinculum est, fundamentum pacis, tenacitas ac firmitas unitatis, quae spe & fide major est; & martyria praecedit, quae nobiscum semper aeterna apud Deum in regnis caelestibus permanebit. tolle illi patientiam, & desolata non durat; tolle sustinendi tolerandique substantiam, & nullis radicibus ac viribus perseverat. Quod idem facilius probat idem Cyprianus de castitate, de justitia, de pace cum proximis: Sit fortis, inquit, & stabilis in corde patientia, & nec adulterio sanctificatum corpus & Dei templum polluitur, nec justitia dicata innocentia contagione fraudis inficitur, nec post gustatam Eucharistiam manus gladio & cruore maculatur.* haec ille, qui a contrario sensu significare voluit, neque castitatem adulterio resistere posse sine patientia, neque justitiam fraude vacare, neque sumptam Eucharistiam ab homicidio liberare.

*Serm.
de Pa-
nencia.*

Regina virtutum charitate dicat; Charitas fraternitatis vinculum est, fundamentum pacis, tenacitas ac firmitas unitatis, quae spe & fide major est; & martyria praecedit, quae nobiscum semper aeterna apud Deum in regnis caelestibus permanebit. tolle illi patientiam, & desolata non durat; tolle sustinendi tolerandique substantiam, & nullis radicibus ac viribus perseverat. Quod idem facilius probat idem Cyprianus de castitate, de justitia, de pace cum proximis: Sit fortis, inquit, & stabilis in corde patientia, & nec adulterio sanctificatum corpus & Dei templum polluitur, nec justitia dicata innocentia contagione fraudis inficitur, nec post gustatam Eucharistiam manus gladio & cruore maculatur. haec ille, qui a contrario sensu significare voluit, neque castitatem adulterio resistere posse sine patientia, neque justitiam fraude vacare, neque sumptam Eucharistiam ab homicidio liberare.

Hoc

Hoc autem quod scribit sanctus Iacobus de virtute patientiæ, aliis verbis docent Propheta David, & ipse Dominus, & Apostolus ejus. David in Psalmo nono, *Patientia*, inquit, *pauperis non peribit in finem*; quia videlicet opus perfectum habet, ac per hoc fructus ejus numquam marcescet. Dicitur enim patientia non perire, quia fructus ejus & merces semper manebit. Quomodo dicere solemus, labores agricolæ perire, quando fructum non ferunt; & non perire, quando ferunt. Additur autem vox illa, *pauperis*, quæ hoc loco humilem significat, qui se pauperem agnoscit, & sine adjutorio Dei nihil posse vel facere vel pati. Sic sanctus Augustinus exponit in libro de Patientia. Cap. 15

que enim soli pauperes, sed etiam divites veram patientiam habere possunt, dummodò non in seipsis confidant, sed in Deo, à quo, ut veri pauperes donorum divinorum, patientiam petant & accipiant. Hoc idem Dominus ipse significare voluit, cum ait in Evangelio: *In patientia vestra possidebitis animas vestras*. Luc. 21

Illi enim soli verè possidebunt animam, id est vitam suam, ut propriam, & quæ à nullo subripi possit, qui patienter tolerabunt omnes afflictiones, & ipsam etiam corporis mortem, ut non peccent in Deum. Quamvis enim moriendo vitam videantur amittere: tamen

non amittunt, sed in æternum custodiunt eam. Mors enim iustorum non mors, sed somnus, isq; admodum brevis dici potest. Sed impatientes, qui ut vitam corporis non amittant, peccare non dubitant, vel Christum abnegando, vel idola colendo, vel libidini succumbendo, vel aliud quodcumq; scelus perpetrando: illi videntur quidem ad tempus conservare vitam suam, sed perdunt in æternum vitam corporis & animæ. & sicut veris patientibus rectè dicitur, *Capillus de capite vestro non peribit*: sic impatientibus dici debet, *Membrum de corpore vestro immune à gehennæ incendio non manebit.*

Luc. 21

Capillus de capite vestro non peribit: sic impatientibus dici debet, *Membrum de corpore vestro immune à gehennæ incendio non manebit.*

Hebr.
10.

Denique hoc idem confirmat Apostolus, dicens: *Patientia vobis necessaria est, ut voluntatem Dei facientes, reportetis promissionem.* ubi patientiam non utilem, sed necessariam omnino esse pronuntiat, ut voluntatem Dei semper faciamus, & voluntatem Dei facientes

Iacob.
1.

reportemus promissionem, id est, coronam gloriæ, quam repromisit Deus diligentibus se, & mandata sua custodientibus. *Si quis enim diligit me, sermonem meum servabit.* & *qui non diligit me, sermones meos non servat.* Itaq; videmus, totam

Ioh. 14.

Scripturam sibi ipsi cohærentem, prædicare fidelibus patientiæ necessitatem. Hæc igitur causa est, cur Christus voluerit in exitu de hac vita, testificari

ficari omnibus invisibilem quamdam, & acerbissimam, & longissimam passionem suam, sitim videlicet, ut hoc tanto exemplo proposito, accenderemur ad patientiam in omni afflictione servandam. Fuisse autem Christi sitim pœnam vehementissimam, paulò antè in explicatione verbi, *Sitio*, demonstravimus. Quòd verò longissima fuerit, nullo negotio demonstrari potest.

Ac ut incipiamus à flagellatione, cùm Christus flagellaretur, jam fatigatus erat ex oratione proluxa, & agonia, ac sanguinis effusione in horto: deinde ex multis itineribus, quæ illa ipsa nocte & die sequente confecerat, ab horto ad domum Annæ, à domo Annæ ad domum Caiphæ, à domo Caiphæ ad domum Pilati, à domo Pilati ad domum Herodis, à domo Herodis ad domum Pilati; quæ itinera multa milliaria continent: neq; Dominus à cœna hesternæ cibum, vel potum, vel somnum gustaverat; sed vexationes multas & gravissimas in domo Caiphæ acceperat, ad quas omnes accessit durissima flagellatio, quam sitis vehemens comitata est; & flagellatione finita, sitis non finè sed incrementum accepit. Succellit coronatio & illusio, ac nova vexatio, quam etiam sitis comitata est; & coronatione finita, sitis non extincta sed aucta est. Inde crucis patibulo oneratus, quâvis

ex tot itineribus & laboribus fessus, & sitibundus, processit ad montem Calvariæ. Itinere illo confecto, oblatum est ei vinum cum felle mistum; quod cum gustasset, noluit bibere. Itaque iter quidem finem accepit, sed sitis, quæ toto itinere pium Dominum cruciaverat, sine dubitatione incrementum accepit. Secuta est crucifixio, & ex quatuor vulneribus, quasi ex fontibus quatuor sanguine defluente, unusquisque per se cogitare potest, quàm vehementer sitis creverit. Denique tribus horis sequentibus à sexta usque ad nonam horam in horribilibus illis tenebris, vix credi potest, quo sitis ardore sacratissimum illud corpus confectum fuerit. Et quamvis acetum ministri obtulerint ori ejus; tamen quia non vinum vel aqua, sed acetum, id est, aspera & ingrata potio fuit, & valdè modica, cum ex sponsia guttas sorbere debere, & jam jam moriturus esset: verissimè affirmare licet, Redemptorem nostrum à principio passionis usque ad obitum gravissimum hoc tormentum patientissimè toleravisse. Quantum sit autem hoc tormentum, rari apud nos experiuntur, cum passim occurrant aquæ, quibus sitis sedari possit; sed qui multos dies iter faciunt per loca deserta, illi experiuntur, quale sit tormentum sitis.

Scribit Curtius, aliquando Alexandro

Magno

Magno per desertum cum exercitu iter ^{Lib. 7. de R. b. gestis Ale. xand.} faciente, occurrisse post longam ariditatem & sitim fluvium quemdam, tantum verò aviditate cœpisse milites aquam illam bibere, ut multi intercluso spiritu statim extincti fuerint; & addit, *multoq; major horum sic extinctorum numerus fuit, quam ullo amiserat bello.* Itaque ardor illis fitis tam erat intolerabilis, ut non possent milites illi sibi imperare, ut inter bibendum aliquantulum respirarent. sic periit maxima pars exercitus Alexandri. Inveniuntur etiam, qui præ magnitudine sitis suavem putaverint aquam luto admixtam, oleum, sanguinem, & alia fordiora & horribiliora, quæ nemo hauriret, nisi extrema necessitate coactus. Hinc discere debemus, quàm acerba fuerit Christi passio, & quanta in ea patientiæ virtus eluxerit: quæ nobis Deo volente innotuit, ut eam imitemur, & ita Christo compatiatur, ut simul cum illo glorificemur.

Sed audire mihi videor pias quoddam animas, quæ libenter discerent, qua ratione possent ad hoc pervenire, ut patientiam Christi serè imitarentur, & cum Apostolo dicere possent: *Christo confixus sum cruci.* & cum sancto ^{Gal. 2.} Martyre Ignatio: *Amor meus crucifixus* ^{Epist. ad R.} *est.* Res hæc non est adèd difficilis, ut multi existimare videntur. Non enim

neceſſe omnibus eſt humi cubare, flagellis ad ſanguinem uſque corpus proprium cædere, jejunare quotidie in pane & aqua, cilicium aſperum vel ferream catenam ad nudam carnem quotidie gerere, & alia id genus ad carnem edomandam, & cum vitiis & concupiſcentiis crucifigendam facere. Illa enim laudabilia & utilia ſunt, cum ſint ab iis qui poſſunt, & non ſine conſilio magiſtri ſpiritualis: ſed ego rationem exercendæ patientiæ, & Chriſtum patientem imitandi demonſtrare piis Lectoribus cupio, quæ omnibus conveniat, & nihil inſolitum, nihil novum, nihil quod ad popularē auram captandam fieri ullus ſuſpicari poſſit.

Primùm igitur ajo, oportere patientiæ amatorem in illis laboribus & doloribus libenter verſari, quæ certum ſit, voluntati divinæ placere, juxta illud Apoſtoli: *Patientia vobis neceſſaria eſt, ut voluntatem Dei facientes, reportetis promiſſionem.* Quid autem velit Deus nos patienter ſubire, non eſt difficile diſcere vel docere. Primùm enim pro comperto habemus, ea quæ nobis mandat Mater Eccleſia, quamvis dura vel difficilia ſint, obedienter & patienter perficienda eſſe. Quid nobis mandat Eccleſia? jejunia Quadrageſimæ, Quatuor Temporum, & Vigiliarum. iſta ſi ſuſcipiantur ut oportet, non ſine patientia perfici

Hebr.
10.

perfici possunt. Nam si quis velit in diebus jejuniorum exquirere delicatas epulas; & in cœna una, sive prandio uno, tantum cibi sumere, quantum in prandio simul & cœna capere solitus erat; & horam anticipare, & postea sub vesperum cœnulam sumere tam copiosam, ut cœna dici possit; iste certè non facilè esuriet, neque sitiet, neq; patientia opus habebit; sed si seriò statuat, non anticipare horam, nisi morbus aut alia necessitas cogat: vulgares & viles epulas pœnitentiæ agendæ accommodatas sumere, easq; in ea mensura, quæ refectionem unam, eamq; ordinariam non excedat; & quod in alia refectione sumeretur, si dies jejunii non esset, dare pauperibus, ut sit juxta B. Leonè,

refectio pauperis, abstinentia jejunantis. & Serm. 11. de Jejun.
alibi: Esuriamus paululum dilectissimi; & aliquantulum, quod juvandis possit prodesse pauperibus, nostra consuetudini subtrahamus. & denique sub noctem cœnula quæ sumi à multis solet, verè sit cœnula: rum sine dubio patientia necessaria erit, ad esuriam & sitim tolerandam; & sic jejunando, Christi patientiam utcumque saltem imitabimur; & Christo confixi erimus cruci, saltem ex parte. At ista non sunt omnia necessaria. Ita sit, sed ad patientiam exercendam, & ad Christi passionem imitandam necessaria sunt. Deinde Mater

Ecclesia jubet Ecclesiasticos & Regulares recitare vel canere septem Horas canonicas . & ut fideles omnes saltem orando legant Dominicam orationem, & Angelicam salutationem. Ista sacra lectio & oratio , si fiat eo modo quæ posset & deberet fieri , sine dubio patientiæ auxilio indigebit. sed non desunt multi , qui ut patientiæ suffragio non indigeant , tollere satagunt omnes difficultates. Primùm, quasi onus aliquod grave gerere debeant, velocissimè percurrunt omnia , ut videlicet ab illo onere brevissimè se expediant : deinde non erecti & stantes , vel flexis genibus , sed sedentes , vel deambulantes Horas canonicas legunt ; videlicet ut rædium lectionis & orationis vel sedendo minuatur , vel deambulando levetur. Loquor autem de iis , qui privatim Horas legunt, non de illis, qui in Choro Psalmos decantant. Prætereà ne somnum interrumpere cogantur , non solum Horas diurnas, sed etiam nocturnas sole fulgente decantant. De attentione & mentis elevatione, cum Deus laudatur vel oratur , nihil dico , quia plerique nihil minùs cogitant , quàm id quod canunt vel legunt. Itaque sublata difficultate consumendi longum tempus in lectione vel oratione , nec non surgendi ad Horas nocturnas ; & omisso labore standi, vel flectendi genua,

nua,
atque
iis qu
partie
Sed i
nonic
bat,
ficiur
non p
Bona
Solitu
non m
devot
nis, &
tamen
leret;
puto,
Synops
nere cor
sum, h
& sac
omite
fender
phant
aliqui
fioni, q
cum ta
Deum
men L
vitati
batur
ras ca
gere a

Regnum, & animum coërcendi, ut non huc atque illuc divagetur, sed totus sit in iis quæ legit: mirum non est, si multi patientiæ subsidio egere non videantur. Sed isti audiant, qua sollicitudine canonicas Horas sanctus Franciscus legebat, & tunc intelligent, hoc pium officium sine patientiæ auxilio peragi non posse. Sic igitur loquitur sanctus Bonaventura in Vita sancti Francisci.

Solitus erat vir sanctus Horas canonicas non minus timorâtè Deo persolvere, quam devotè. nam licet oculorum, Stomachi, Splenis, & hepatis agritudine laboraret; nolebat tamen muro vel parieti inharere, dum psalleret; sed Horas semper erectus, & sine caputio, non gyro vagis oculis, nec cum aliqua Syncope persolvebat. Si quando esset in itinere constitutus, figebat tunc temporis gressum, hujusmodi consuetudinem reverentem & sacram ob pluviarum inundantiam non omittens. Graviter etiam se putabat offendere, si quando orationi deditus vanis phantasmatibus interius vagaretur. Cùm aliquid tale accideret, non parcebat confessioni, quin illud protinus expiaret. Psalmos cum tanta mentis attentione dicebat, quasi Deum presentem haberet: & cùm nomen Domini in eis occurreret, præ suavitatis dulcedine, labia sua lingere videbatur. Certè si quis conari velit sic Horas canonicas legere, & noctu etiã surgere ad nocturnas Horas persolvendas, expe-

Cap. 10
Vita S.
Fran-
cisci.

experietur omnino, sine labore & patientia se non posse divino Officio satisfacere. Multa sunt alia, quæ Mater Ecclesia de voluntate Dei, ex Litteris sacris edocta, præcipit, quæ sine patientia rectè peragi non possunt; qualia sunt, dare superfluum opum pauperibus, ignoscere peccantibus in nos, & satisfacere iis quos nos offendimus; confessio peccatorum omnium saltem annis singulis; perceptio sacrosanctæ Eucharistiæ, quæ non parvam exigit præparationem; quæ sine patientia rectè peragi non possunt: sed ego pauca ista per modum exempli ponere volui.

Alterum est, in quo divina voluntas cernitur, & sine patientia perfici nequit, id totum, quod ad nos vexandos vel dæmones vel homines faciunt. Quamvis enim homines mali, & dæmones pessimi, cum nos exercent, nihil boni cogitent: tamen Deus, sine quo illi nihil agere possunt, illam vexationem non permetteret, nisi nobis utilem esse judicaret: proinde omnis illa vexatio de manu Domini suscipienda; ac per hoc patienter & libenter toleranda est. Sic Iob simplex & rectus, non ignorabat stragem illam, quam passus est, cum una die perdidit omnes opes, & omnes filios, ac deinde totius corporis sanitatem, à diaboli invidia processisse: dixit tamen:

Dominus

*Domini
nomen
verat
luntat
dico, c
bus ve
posse,
medici
que su
moneo
ne con
dendu
tolera
voluer
report
Post
casu v
nimian
pestile
nus, in
tia &
hoc no
de ips
Dei, &
in hun
omnia:
relinqu
ut filios
ut adul
vet. Ad
unum,
merces
ma qu*

Dominus dedit, Dominus abstulit, sit ^{Job. 1.}
nomen Domini benedictum, quia no-
 verat, stragem illam sine Dei vo-
 luntate fieri non potuisse. Non hæc
 dico, quasi velim homines ab homini-
 bus vel à dæmonibus afflictos non
 posse, aut non debere resarcire damna,
 medicinam adferre corpori, seque res-
 que suas defendere: sed hoc tantum ad-
 moneo, non esse cogitandum de ultio-
 ne contra homines malos, neque red-
 dendum malum pro malo, sed patienter
 tolerandum, quod Deus nos tolerare
 voluerit, ut voluntatem Dei facientes
 reportemus promissionem.

Postremum illud est, ut omnia quæ
 casu vel fortuitò accidere videntur, ut
 nimiam siccitatem, nimiam pluviam,
 pestilentiam, penuriam, & alia id ge-
 nus, intelligamus, non sine providen-
 tia & voluntate Dei contingere; ac per
 hoc non queramur de elementis, vel
 de ipso Deo, sed agnoscamus flagellum
 Dei, & peccata nostra; & subjecti Deo,
 in humilitate vera patienter feramus
 omnia: sic enim fiet, ut placatus Deus
 relinquat post se benedictionem, & nos
 ut filios paterna pietate castiget, non
 ut adulterinos hereditate cælesti pri-
 vet. Addam ex S. Gregorio exemplum
 unum, ex quo intelligi possit, quanta sit
 merces patientiæ. In Homilia trigesi-
 ma quinta super Euangelia narrat, quæ-
 dam

dam Stephanum aded fuisse patientem, ut eos sibi præ ceteris amicos crederet, qui sibi molestiam aliquam irrogassent, & gratias pro contumeliis redderet; damna sibi illata, lucra maxima existimaret; adversarios omnes in adiutoribus & benefactoribus numeraret. Hunc sine dubitatione mundus amentem & stultum esse censuisset; sed ipse Apostolus Christi non surda aure audiverat dicentem: *Si quis videtur inter vos sapiens esse in hoc seculo, stultus fiat, ut sit sapiens.* nam, ut in eodem loco S. Gregorius dicit, huic morienti Angeli multi visi sunt adfuisse, qui ejus animam in cælum rectâ deferrent: & ipse sanctus Doctor hunc Stephanum inter Martyres sanctos, ob ejus patientiam eximiam, numerare non dubitavit.

1. Cor.
3.

CAP. XI.

De quarto fructu verbi quinti.

ADhuc superest fructus unus, isque dulcissimus, qui ex verbo *Sitio* decerpi potest. Sanctus enim Augustinus enarrans Psalmum sexagesimum octavum, exponens verbum *Sitio*, dicit, eo verbo significatum fuisse non solum desiderium potus corporalis; sed etiam desiderium, quo Christus flagrabat, fi-
dei

dei & salutis inimicorum suorum. Sed
 possumus nos occasione accepta ex
 sancti Augustini sententia, paulò altiùs
 ascendere, ac dicere: Christum siti-
 vissè gloriam Dei, & salutem homi-
 num: nos autem sitire debere gloriam
 Dei, honorem Christi, salutem no-
 stram, & salutem fratrum nostrorum.
 Et quidem, quòd Christus sitierit glo-
 riam Patris, & salutem animarum,
 dubitari non potest: id enim cla-
 mant omnia opera ejus, & omnes
 conciones ejus, & omnes passion-
 es ejus, & omnia miracula ejus. Nobis
 potiùs cogitandum est, ut non simus
 ingrati tanto benefactori, qua ratione
 sic inflammari possumus, ut verè sitia-
 mus honorem Dei, qui sic dilexit mun-^{Joan. 3}
 dum, ut Filium suum unigenitum daret: &
 simul Christi gloriam verè atque ar-
 denter sitiamus, qui dilexit nos, & Ephes.
 tradidit semetipsum pro nobis oblationem & 5.
 hostiam Deo in odorem suavitatis. necnon,
 ut sic verè compatiamur fratribus no-
 stris, ut salutem ipsorum ardentissimè
 sitiamus. Sed illud nobis est maximè
 necessarium, ut salutem propriam ita
 verè & ex animo sitiamus, ut sitis illa
 cogat nos omnia pro viribus cogitare,
 & loqui, & agere, quæ ad salutem
 nostram consequendam expediunt. Si
 enim nos neque honorem Dei, neque
 Christi gloriam, neque salutem proximo-
 rum

morum fitiamus; non propterea vel
 Deus honore debito carebit, vel Chri-
 stus gloria sua privabitur, vel proximi
 salutem non consequentur: sed nos ipsi
 verè peribimus in aeternum, si salutem
 propriam fitire neglexerimus. Ex quo
 mihi sæpè vehemens admiratio subit,
 unde fiat, ut sciamus, Christum salu-
 tem nostram tam ardentè fitivisse;
 & nos ipsi, qui certò credimus, Chri-
 stum esse Dei sapientiam, non mo-
 veamur ad ejus exemplum imitandum
 in re, quæ nobis super omnia necessa-
 ria est. Nec minùs admiror, quòd nos
 ipsi temporalia bona tam ardentè si-
 tiamus, quasi essent bona sempiterna;
 & salutem verè sempiternam tam ne-
 gligenter quæramus, & non solùm
 non fitiamus, sed vix leviter desiderem-
 us, quasi res esset momentanea &
 levis. Adde, quòd temporalia non
 sunt pura bona, sed admixta malis plu-
 rimis; & tamen sollicitè & anxie ap-
 petuntur: salus æterna nullum malum
 habet admixtum, & tamen sic negligi-
 tur, sic leviter appetitur, ac si nihil so-
 lidi contineret. Illumina Domine oculo-
 meos interiores, ut inveniam ali-
 quando tam noxiæ ignorantie causam.

Amor certè desiderium parit, desi-
 derium verò cum ardere vehementer
 incipit, fitis appellatur. Sed quis
 potest non amare salutem propriam,
 præ-

præse
 immu
 res ta
 ratur
 totis
 est, qu
 sum,
 jus hal
 de salu
 mus, i
 res ita
 morta
 fitieba
 consist
 de sidi
 fiderat
 nima n
 do veni
 Vbi Pro
 visione
 na, arc
 non so
 rimis f
 omnes
 videba
 sapieba
 memor
 tur cau
 mus be
 quòd e
 quòd n
 na fide
 ut op

præsertim æternam, & ab omni malo
 immunem? & si non potest non amari
 res tanta, cur non vehementer deside-
 ratur? cur non ardentè sititur? cur non
 totis viribus quæritur? Fortasse ratio
 est, quia salus æterna non cadit sub sen-
 sum, ideoque neque experimentum e-
 jus habemus, quale planè nobis adest
 de salute corporali; proinde istam siti-
 mus, illam frigidè desideramus. Sed si
 res ita se habet, unde David, qui homo
 mortalis erat, tam ardentè visionem
 sitiebat Dei, in qua visione salus æterna
 consistit, ut clamaret: *Quemadmodum* Psa. 42
desiderat cervus ad fontes aquarum, ita de-
siderat anima mea ad te Deus. Sitivit a-
nima mea ad Deum fontem vivum: quan-
do veniam, & apparebo ante faciem Dei?
 Vbi Propheta adhuc in terris manens,
 visionem Dei, quæ est ipsa salus æter-
 na, ardentissimè sitiebat. Quod idem
 non soli contigit Davidi, sed viris plu-
 rimis sanctitate insignibus, quibus res
 omnes terrenæ sordebant, & insipidæ
 videbantur; & sola vehementissimè
 sapiebat, & dulcissima esse videbatur
 memoria vel recordatio Dei. Non igitur
 causa, cur nos non ardentè sitiamus
 beatitudinem sempiternam, ea est,
 quòd ea sub sensum non cadat: sed
 quòd non attentè & assiduè cum ple-
 na fide cogitetur. Cur autem non ita,
 ut oportet, cogitetur, causa est,
 L quia

- quia nos spirituales non sumus, sed animales. *Animalis enim homo non percipit ea quae sunt Spiritus Dei. Quare si cupis, anima, fitire salutem tuam, & aliorum, & multò etiam magis honorem Dei, & gloriam Christi, audi B. Iacobum dicentem: Siquis vestrum indiget sapientia, postulet à Deo, qui dat omnibus affluenter. & non improperat: & dabitur ei. Neque enim ista tam sublimis sapientia in scholis mundi reperitur, sed in solo auditorio Spiritus Dei, qui hominem animalelem convertit in spiritualelem: neque satis est semel & frigidè petere, sed oportet perseverare pulsando, & inenarrabili gemitu clamare ad aures Patris. Si enim pater carnalis ploranti filiolo & panem poscenti denegare non solet,*
- Luc. 11. quanto magis, inquit Dominus, Pater vester de caelo dabit spiritum bonum petentibus se?*

CAP. XII.

Exponitur ad litteram verbum sextum, Consummatum est. Ioan. 19.

Verbum sextum à Domino in cruce prolatum, refertur ab eodem sancto Ioanne, ut pænè conjunctum cum quinto. Statim atque Dominus dixerat, *Sitio,* & acētum sibi oblatum biberat, addidit sanctus Ioannes: *Cum ergo ac-*
cepisset

cepisset Iesus acetum, dixit: Consummatum est. Et quidem ad litteram nihil est aliud, *consummatum est*, nisi, consummatum ac perfectum est opus passionis. Siquidem opera duo injunxerat Pater Filio: unum, prædicandi Euangelium; alterum, patiendi pro genere humano. De priore opere dixit Dominus apud Ioannem: *Opus consummavi, quod dedisti mihi ut faciam: manifestavi nomen tuum hominibus.* Hæc dixit Dominus post ultimam & longissimam concionem habitam ad discipulos post cœnam. Proinde tunc consummavit primum opus, quod ei Pater injunxerat. Alterum opus erat bibendi calicem passionis, de quo Dominus ait: *Potestis bibere calicem, quem ego bibiturus sum?* & alibi: *Pater, si vis, transfer calicem istum à me.* & alibi: *Calicem, quem dedit mihi Pater, non bibam illum?* De hoc igitur Dominus proximus morti, ait: *Consummatum est*, calicem enim exhausti totum usque ad fæces; nihil jam superest, nisi ut abeam ex vita. *Et inclinato capite tradidit spiritum.*

Sed quoniam neque Dominus ipse, neque sanctus Ioannes, brevitati consulentes, explicaverunt quid esset illud quod consummatum est; data est nobis occasio ad plura mysteria, non sine ratione & fructu, illud applicandi. Primum igitur sanctus Augustinus in

commentario hujus loci, refert vocem illam, *Consummatum est*, ad impletionem Prophetiarum, quæ de ipso erant. *Sciens enim Iesus*, inquit Evangelista, *quia jam omnia consummata erant, ut consummaretur Scriptura, dixit; Sitio: & paulò post, accepto aceto, dixit: Consummatum est*, id est, impletum est illud, quod supererat adimplendum. Ex quo intelligimus, etiam illum voluisse dicere, consummata & adimpleta jam esse, quæ de ipsius vita & morte prædicta à Prophetis fuerant. Verè enim omnia prædicta fuerant. Conceptio: *Ecce Virgo con-*

- Isai. 7.* capiet. Nativitas in Bethleem: *Et tu*
Mic. 2. Bethleem Ephrata, &c. *ex te mihi egredietur qui sit dominator in Israel.* Apparitio novæ stellæ: *Orietur stella ex Jacob.*
Num. 24. Adoratio Regum: *Reges Tharsis & insula munera offerent* Prædicatio Evangelii:
Psa. 71. *Spiritus Domini super me, ad annuntian-*
Isa. 61. *dum mansuetis misit me.* Miracula: *Deus*
Isa. 35. *ipse veniet, & salvabit vos: tunc aperientur oculi cæcorum, & aures surdorum patebunt. tunc saliet sicut cervus, claudus; & aperta erit lingua mutorum.* Sessio super asinam & pullum ejus: *Ecce Rex tuus veniet tibi justus, & Salvator: ipse pauper, & ascendens super asinam, & pullum filium asinæ.* Denique passio tota per partes descripta est à Davide in Psalmis; &
Isa. 53. ab Isaia, Jeremia, Zacharia, &
Ier. 11. aliis. Atque hoc est, quod ipse
Zac. 12. Dominus

Dominus iturus ad passionem dicebat:
Ecce ascendimus Ierosolymam, & consum- Luc. 18
sumabuntur omnia, quæ scripta sunt per
Prophetas de filio hominis. De illis igitur,
quæ consummanda erant, nunc dicit,
Consummatum est; id totum videlicet,
quod consummandum, id est, imple-
ndum erat, ut Prophetæ fideles inve-
nirentur.

Deinde, *Consummatum est*, signifi-
 cat ex sententia sancti Ioannis Chry-
 sostomi, consummatam fuisse in morte
 Christi potestatem, quæ permessa erat
 hominibus & dæmonibus in Chri-
 stum; de qua potestate Christus ipse
 dixit ad Principes Sacerdotum, & ma-
 gistratus Templi, & seniores: *Hæc est* Luc. 23
hora vestra, & potestas tenebrarum.
 Hæc igitur hora, & hoc tempus to-
 tum, quo Deo permittente potestatem
 habuerunt impii in Christum, fini-
 tum est, cum Dominus dixit, *Consum-*
matum est: tunc enim finem accepit
 peregrinatio Filii Dei inter homines,
 quam prædixit Baruch, cum ait: *Hic est* Baruch
Deus noster, & non estimabitur alius ad-
versus eum. Hic advenit omnem viam
disciplina, & tradidit illam Iacob puero
suo, & Israël dilecto suo. Post hæc in terris
visus est, & cum hominibus conversatus
est. Et simul cum peregrinatione fi-
nem accepit vitæ mortalis conditio,
secundum quam esuriebat, sitiebat,

dormiebat, fatigabatur, injuriis & flagellis, vulneribus & morti obnoxius erat. Itaque ubi dixit Christus in cruce, *Consummatum est*: Et inclinato capite tradidit spiritum: consummatum est iter,

Joan. 16 de quo dixerat: *Exivi à Patre, & veni in mundum: iterum relinquo mundum, & vado ad Patrem.* Consummata est peregrinatio laboriosa, de qua dictum erat

Jerem. 14 à Jeremia, *Expectatio Israël, Salvator ejus in tempore tribulationis: quare quasi columnus futurus es in terra, & quasi viator declinans ad manendum?* Consummata est mortalitas humanitatis ejus, & consummata est potestas omnium inimicorum ejus in ipsum. Tertiò, consummatum est sacrificium omnium sacrificiorum maximum, & in quod omnia sacrificia veteris Legis, tamquam figuræ & umbræ, in sacrificium verum & solidum intuebantur. Sic enim loquitur

Ser. 8. de Pass. Dom. sanctus Leo. *Traxisti Domine omnia ad te, quoniam scisso templi velo, Sancta Sanctorum ab indignis Pontificibus receperunt, ut figura in veritatem, Prophetia in manifestationem, & Lex in Evangelium vertetur. & paulò post: Nunc etiam carnalium sacrificiorum varietate cessante, omnes differentias hostiarum, una corporis & sanguinis tui implet oblatio. In hoc enim Christi sacrificio, sacerdos est Deus homo; ara, crux; sacrificium, Agnus Dei; ignis holocausti, charitas; fructus sacrificii*

crific
inqua
majo
atern
& v
fedec
fine n
Script
in terr
alogia
rabit?
& egi
tatis.
fuit a
tanto
est,
cælo.
intell
Evang
minis
Hoc se
nus ac
confir
mus.
do sol
men sic
ipso se
fuit Ag
macul
ad occ
coram
aperiet
ni, A

crificii, mundi redemptio. Sacerdos
 inquam, fuit Deus homo, quo nullus
 major excogitari potest: *Tu es sacerdos in Ps. 109*
æternum secundum ordinem Melchisedech.
 & verè secundum ordinem Melchi-
 fedech, quia Melchisedech sine patre,
 sine matre, sine genealogia legitur in
 Scripturis: & Christus sine patre fuit
 in terra, sine matre in cælo; sine gene-
 alogia, quia *generationem ejus quis enar-* *Isai. 53*
rabit? quippe ante luciferum genitus,
& egressus ejus ab initio, à diebus æterni- *Ps. 09*
tatis. Ara fuit crux, quæ quanto vilior *Mich. 5*
 fuit antequam Christus eam subiret,
 tanto postea illustrior & nobilior facta
 est, & in novissimo die apparebit in
 cælo. sole splendidior. De Cruce enim
 intelligit Ecclesia, quod dicitur in
 Evangelio, *Tunc parebit signum Filii ho-* *Matth.*
minis in calo: sic autem cantat Ecclesia, *24.*
Hoc signum crucis erit in calo, cum Domi-
nus ad judicandum venerit. Quod idem *Ho. 77*
 confirmat sanctus Ioannes Chryosto. *in c. 24*
Matth.
 mus, illud etiam observans, quod quan-
 do sol obscurabitur, & luna non dabit lu-
 men suum, tunc in cælo crux apparebit
 ipso sole lucidior. Porro sacrificium
 fuit Agnus Dei prorsus innocens & im-
 maculatus. De quo Isaias: *Sicut ovis* *Isai. 53*
ad occisionem ducetur, & quasi agnus
coram tondente se obmutescet, & non
aperiet os suum. & Præcursor Domi-
 ni, Ecce, inquit, Agnus Dei, ecce *Joan. 1*

1. *Pet.* *qui tollit peccatum mundi.* & Apostolus
 1. Petrus: *Non corruptibilibus auro vel ar-*
gento redempti estis, sed pretioso sanguine
quasi Agni immaculati Christi, & inconta-
minati. Qui etiam dicitur in Apoca-
 13. *Apoc.*
 13. *lypsi, Agnus occisus ab origine mun-*
di, quia pretium ejus à Deo prævisum,
proderat etiam illis qui Christi tem-
pora præcesserunt. Ignis holocaustum
cremans sacrificiumque perficiens, est
charitas immensa, quasi fornax vehe-
menter accensa, quæ flagrabat in cor-
de Filii Dei, & quam aquæ multæ
passionum extinguere non potuerunt.
Denique fructus sacrificii fuit expia-
tio peccatorum omnium filiorum A-
dam, sive mundi totius reconciliatio.
Sic enim loquitur sanctus Ioannes in
 1. *Ioan.*
 2. *Epistola sua prima: Ipse est propitiatio*
 2. *pro peccatis nostris; non pro nostris autem*
tantum, sed etiam pro totius mundi. Quod
idem significant verba S. Ioannis Ba-
 1. *Ioan. 1*
pistitæ: Ecce Agnus Dei, ecce qui tollit
peccatum mundi.

Vna sola restat quæstio, ad quem modum Christus idem potuerit esse sacerdos & victima: Sacerdotis enim officium est, mactare victimam: Christus autem non se ipse mactavit, neque potuit id jure facere, quia sacrilegium perpetrasset, non sacrificium obrulisset. Sed verè Christus non se ipse occidit, & tamen verè sacrificium obtu-

obtu-
 ctand
 expia
 tuisse
 eum q
 clavi
 neque
 cifixu
 voluist
 Oblatu
 minus
 tollit e
 so. &
 Christu
 pro no
 rem su
 & me
 sceleri
 ad Iuc
 milie
 obtale
 runt; n
 ci men
 ne fut
 Christi
 ritate
 dum D
 næ sati
 periret
 non se
 rem
 Quod
 expres

obtulit; quia libens & volens se ma-
 ctandum obtulit, ad gloriam Dei, &
 expiationem peccati. Neque enim po-
 tuissent umquam milites aut satellites
 eum comprehendere vel tenere, neque
 clavi manus ejus pedesque transfigere,
 neque mors ad eum quantumvis cru-
 cifixum accedere potuisset, nisi ipse
 voluisset. Itaque verissimè dicit Isaias:
Oblatus est, quia ipse voluit. & ipse Do-
 minus: *Ego pono animam meam, nemo* ^{Isai. 53}
tollit eam à me, sed ego pono eam à me ip- ^{104. 10}
so. & apertissimè Apostolus Paulus,
Christus dilexit nos, & tradidit semetipsum ^{Ephes.}
pro nobis oblationem & hostiam Deo in odo- ^{5.}
rem suavitatis. Admirabili igitur ratione
 & modo, quod mali, sive peccati &
 sceleris fuit in passione Christi, id totū
 ad Iudam & Iudæos, ad Pilatum &
 milites pertinet; & isti non sacrificium
 obtulerunt, sed sacrilegium perpetra-
 runt; neque sacerdotes, sed sacrilegi di-
 ci meruerunt. Quod in eadem passio-
 ne fuit boni, religiosi, & pii, id totum
 Christi est, qui ex affluentissima cha-
 ritate sua, ut iram Dei placaret, & mū-
 dum Deo reconciliaret, & justitiæ divi-
 næ satisfacere, & genus humanū non
 periret, obtulit se ipse victimam Deo,
 non se occidendo, sed mortem, & mor-
 tem crucis patientissimè tolerando.
 Quod paucissimis verbis sanctus Leo ^{Serm.}
 expressit, cum ait: *Admisit in se im-* ^{10. de}
pass.

pias manus furentium, qui dum proprio incumbunt sceleri, famulati sunt Redemptori.

Quartò in Christi morte consummatum est prælium ingens Christi cum Principe hujus mundi. de quo prælio loquitur Dominus ipse apud Ioannem, *Joã. 12* dicens: *Nunc judicium est mundi, nunc Princeps hujus mundi ejicietur foras: & ego si exaltatus fuero à terra, omnia traham ad meipsum.* Hoc verò prælium judiciale fuit, non militare: qualia sunt prælia litigantium, non qualia sunt prælia militum. Litigabat enim diabolus cum Filio Dei de possessione mundi, id est, generis humani. Diabolus à longo tempore intruserat se in possessionem mundi, quia vicerat primum hominem, & servum suum illum fecerat cum universa ejus progenie. Itaque ipse etiam B. Paulus dæmones vocat *principes & potestates mundi, & rectores tenebrarum harum.* Et Christus ipse, ut paulò antè diximus, vocat diabolum *Principem mundi hujus.* Nec solùm diabolus se mundi principem haberi volebat, sed etiam deum. unde est illud Psalmographi: *Psal. 95* *Dii gentium dæmonia, Dominus autem calos fecit.* Passim enim diabolus in sculptilibus Gentium adorabatur, & sacrificiis arietum & vitulorum colebatur. Ab altera parte Filius Dei, ut *Heb. 1.* verus & legitimus heres universorum, mundi principatum sibi repetebat.

Hoc igi-

Hoc igi
confu
in fav
quia
tisfec
nis pri
Reddi
lio, m
servi a
Filius
rem P
elatus
Deus
gener
state c
dilecti
Est
let B. L
Si crud
consiliu
Iudaor
perare
cender
servitu
quitur
tio: æ
periu
per pe
Christi
quem
duxer
ad mo
taverit

Hoc igitur prælium in cruce tandem consummatum est, & lata sententia in favorem Domini nostri Iesu Christi: quia Dominus in cruce plenissimè satisfecit justitiæ divinæ pro culpa hominis primi, & omnium filiorum ejus. Reddita enim est obedientia Patri à Filio, major quàm fuisset inobedientia servi ad Dominum, & humiliatus est Filius Dei usque ad mortem in honorem Patris, magis quàm in superbiam elatus fuisset servus in injuriam Dei. Ita Deus reconciliatus in gratiam Filii generi humano, eripuit illud de potestate diaboli, & *transtulit in regnum filii dilectionis sue.* Colo. 2

Est & alia ratio, quam adducere solet B. Leo, quam verbis illius reddemus: Ser. 10.
de Pas-
sione.
Si crudelis, inquit, & superbus inimicus consilium misericordie Dei nosse potuisset, Iudæorum animos mansuetudine potius temperare, quam injustis odiis studuisset accendere, ne omnium captivorum amitteret servitutem, dum nihil sibi debentis persequitur libertatem. Egregia omnino ratio: æquum enim fuit, ut diabolus imperium amitteret in eos omnes, quos per peccatum servos sibi fecerat; quia in Christum, qui servus ejus non erat, & quem ad peccandum numquam induxerat, extendere manus, eumque ad mortem usque persequi non dubitaverit.

Sed si

Sed si res ita se habet, si prælium consummatum est, si victoria penes Filium Dei stetit, & ipse *omnes homines vult salvos fieri*: cur tam multi usque ad hanc diem mancipia diaboli sunt in hac vita, & ad tormenta gehennæ rapiuntur in alia? Vno verbo respondeo, Quia sic ipsi volunt. Christus enim à prælio victor regrediens, duò quædam ingentia beneficia humano generi præstitit: Vnum, ut justis paradisi januam aperiret, quæ à primi hominis lapsu usque ad eam diem clausa fuerat; & illo ipso die victoriæ suæ dixit, *Hodie eris mecum in paradiso*. latroni, qui merito sanguinis ejusdem Christi per fidem, spem, & charitatem, justificatus fuerat; unde canit exultans Ecclesia: *Tu devicto mortis aculeo, aperuisti credentibus Regna celorum*. Alterum, ut Sacramenta institueret, quæ vim haberent remittendi peccata, & gratiam conferendi; & præcones in omnes partes mundi mitteret, qui alta voce prædicarent: *Qui crediderit, & baptizatus fuerit, salvus erit*. Itaque victor in prælio Dominus, viam stravit omnibus ad libertatem gloriæ filiorum Dei. Quòd si multi nolunt eam viam ingredi, culpa sua pereunt, non impotentia vel negligentia Redemptoris.

Quintò denique, *Consummatum est*,
 rectissi-

2. Tim.
 2.

Euc. 23

Mar.
 16.

recti
 mat
 Per
 mar
 mag
 Luc
 potu
 pass
 quæ
 doce
 libre
 ctus
 vita
 Ada
 pum
 later
 mor
 sine
 fuiss
 Quò
 cari
 Aug
 Dem
 à flu
 rum.
 Eccl
 in qu
 piens
 mun
 Eccl
 voce
 lius n
 cui: i

rectissimè potest intelligi de consum-
 matione ædificii, quod est Ecclesia.
 Perfectionem enim ædificii, consum-
 mationem dici, auctor est ipse idem
 magister noster Christus, qui ait apud
 Lucam: *Hic homo cepit ædificare, & non* Luc. 14.
potuit consummare. Porro Ecclesiam in
 passione Christi fuisse consummatam,
 quæ in ejus baptismo fuerat inchoata,
 docent sancti Patres, Epiphanius in
 libro tertio Adversus hæreses, & san- Lib. 3.
 ctus Augustinus in libro ultimo de Ci- hæres.
 vitate Dei. qui docent, Evam de costa 78.
 Adami ipso dormiente ædificatam, ty- Lib. 22
 pum fuisse Ecclesiæ, quæ ex Christi c. 17.
 latere, dum ipse dormire cœpisset per
 mortem, ædificata est: & notant, non
 sine mysterio dixisse Scripturam, Evam
 fuisse ædificatam, non formatam.
 Quod autem à baptismo Christi ædifi-
 cari cœperit Ecclesia, probat sanctus
 Augustinus ex Psalmo, ubi dicitur:
Dominabitur à mari usque ad mare, & Lib. 27
à flumine usque ad terminos orbis terra- de Ci-
rum. Regnum enim Christi, quod est vit. c. 8
 Ecclesia, cœpit à baptismo Christi, Psal.
 in quo ipse baptismum Ioannis acci- 71.
 piens, aquas consecravit, & bap-
 tismum suum instituit, quod est janua
 Ecclesiæ, & tunc manifestè innotuit,
 voce Patris audita de cælo: *Hic est Fi-* Matth.
lius meus dilectus, in quo mihi benè compla- 3. &
cui: ipsum audite. Et ex eo tempore Do- 17.
 minus

minus cœpit prædicare, & congregare discipulos, qui fuerunt primi qui ad Ecclesiam accesserunt. Quamvis autem apertio lateris Christi post mortem facta sit, & tunc exierint sanguis & aqua, quæ significant duo præcipua Sacramenta Ecclesiæ, Baptismum, & Eucharistiam: tamen à Christi passione virtutem accipiunt omnia Sacramenta. & quod de latere Christi jam defuncti fluxerint sanguis & aqua, declaratio fuit mysteriorum, non institutio. Rectissimè igitur dicitur consummatio ædificii Ecclesiæ tunc facta, cùm Christus dixit: *Consummatum est*, quia tunc nihil supererat nisi mors, quæ statim consecuta est, & redemptionis pretium consummavit.

CAP. XIII.

De primo fructu verbi sexti.

Non pauci fructus ex verbo sexto decerpi possunt, si quis hujus verbi fecunditatem attentè consideret. ac primùm ex eo quod diximus, *Consummatum est*, intelligi debere de impletione vaticiniorum, deducit sanctus Augustinus utilissimum documentum. Nam quemadmodum certi sumus ex ipso eventu rerum, vera fuisse quæ Prophetæ sancti tantò antè prædixerunt: ita certi

In Psal.
76.

L
certi
se, qu
dixeru
sint. E
volunt
locuti
Deus e
ut fall
certissi
plenda
implet
nam d
omnia
tura s
turus
veniet
menta
tenuer
non hæ
pora p
ullo m
iis qua
possum
tempo
esse dil
dicante
verbo f
bore,
non e
quia di
derant
eos
verò

certi esse debemus, omnino futura esse, quæ iidem Prophetæ futura prædixerunt, quamvis adhuc impleta non sint. Prophetæ siquidem non humana voluntate, sed Spiritu sancto inspirante ^{2. Pe. 2} locuti sunt: & quia Spiritus sanctus Deus est, & non potest ullo modo fieri ut fallatur vel mentiatur Deus; idè certissimi sumus, omnino esse adimplenda, quæ futura denuntiata sunt, & impleta non sunt. *Sicut usque ad hodiernam diem* (inquit sanctus Augustinus) *omnia evenerunt: sic & quæ restant, eventura sunt. timeamus diem Iudicii; venturus est Dominus; qui venit humilis, veniet excelsus.* hæc ille. Sed nos argumenta majora tenemus, quàm antiqui tenuerint, ut in fide rerum futurarum non hæsitemus. Qui enim Christi tempora præcesserunt, sine experimento ullo multa credere tenebantur; nos ex iis quæ scimus impleta, facillè credere possumus adimplenda quæ restant. Qui temporibus Noë audiebant futurum esse diluvium generale, hoc ipsum prædicante Noë Propheta Domini, non verbo solùm, sed etiam magno illo labore, quo arcam sollicitè fabricabat; non erant faciles ad credendum, quia diluviam ejusmodi numquam viderant, & idèò repentina super eos ira divina descendit. Nos verò, qui scimus impletum fuisse, quod

quod Noë Propheta prædixit, cur non facile credemus futurum diluuium ignis, & eo destruenda omnia, quæ nunc tanti facimus? Et tamen verè pauci sunt, qui ista futura ita credant, ut desiderium à rebus perituris auocent, & ibi figant corda, ubi vera & sempiterna sunt gaudia.

Sed hoc ipsum est prædictum ab ipso Domino, ut inexcusabiles sint futuri, qui ex impletione præteritorum vix adduci possunt ut credant adimplenda esse futura. sic enim Dominus loquitur:

Matth.
24.

Sicut in diebus Noë, ita erit adventus Filii hominis, sicut enim erant in diebus ante diluuium comedentes & bibentes, nubentes & nuptui tradentes, usque ad eum diem quo intravit Noë in arcam, & non cognoverunt donec venit diluuium, & tulit omnes: ita erit & adventus Filii hominis. Vigilate ergo, quia nescitis qua hora Dominus uerter

2. Pet.
3.

uenturus sit. & Apostolus Petrus, Adueniet, inquit, dies Domini, ut fur, in quo cæli magno impetu transient, elementa uero calore soluentur, terra autem, & quæ in ipsa sunt opera, exurentur. Sed, inquit, ista procul absunt. Esto, procul absint, si tamen procul absunt; certè mors tua non procul abest, & hora ejus incepta est. & certum est tamen, in iudicio etiam particulari, quod non procul ab-

Matth.
12.

est, reddendam esse rationem de verbo otioso. & si de verbo otioso, quid fiet de

de
quæ
verb
terii
deno
pecc
que
excu
dam
stant
nos e
fugie
vel fo
num
fiden
tame
oppr
de?
Confir
gant.
vinur
utilia
postu
cem
borar
Vtina
stiano
alia id
autem

de verbo pernicioso ? de blasphemia, quæ tam multis familiaris est ? & si de verbis, quid de rebus ? de furtis ? de adulteriis ? de fraudibus in emendo & vendendo ? de cædibus ? de incendiis ? de peccatis aliis etiam gravioribus ? Itaque res prædictæ jam impletæ nos inexcusabiles reddent, nisi certissimè credamus esse omnino implenda quæ restant : neque satis est credere, nisi fides nos efficaciter moveat ad facienda vel fugienda, quæ fides docet facienda esse vel fugienda. Si dicenti architecto domum minari ruinam, & qui intus sunt, fidem se habere architecto dicant, & tamen non exeant, & ruina domus se opprimi sinant; quid dicemus de illa fide ? id quod Apostolus de similibus ait: *Consistentur se nosse Deum, factis autem ne-* Tit. 1. *gant.* Et si jubenti medico, ne ægrotus vinum bibat, æger assentiatur medicum utilia præcepisse, atque interim vinum postulet, & irascatur nisi detur; quid dicemus ? certè vel ægrotum phrenesi laborare, vel medico fidem non habere. Utinam non essent plurimi inter Christianos, qui futurum iudicium Dei, & alia id genus dicant se credere, factis autem negent !

CAP. XIV.

De secundo fructu verbi sexti.

Alter fructus colligi potest ex secunda explicatione verborum Christi, *Consummatum est*. Diximus enim cum sancto Ioanne Chryostomo, consummatum fuisse in morte Christi iter laboriosum peregrinationis ipsius Christi. Quæ quidem peregrinatio, negari non potest quin fuerit supra modum aspera: sed tamen asperitas illa, brevitate & fructu, gloria & honore compensata est. Duravit annis triginta tribus: sed quid est labor annorum triginta trium ad quietem æternitatis comparatus? Laboravit Dominus in fame & siti, in doloribus multis, in injuriis sine numero, in plagis, in vulneribus, in ipsa morte; sed nunc torrente voluptatis potatur: quæ voluptas non deficiet in æternum. Denique humiliatus est, fa-

Pf. 21. ctus opprobrium hominum, & abjectio ple-
Phl. 2. bis ad breve tempus: sed Deus exalta-
vit illum, & donavit illi nomen, quod est
super omne nomen: ut in nomine Iesu omne
genu flectatur, caelestium, terrestrium, &
infernorum. Contrà verò Iudæi perfidi
exultaverunt ad horam in passione
Christi; Iudas avaritiæ mancipium
exultavit ad horam in lucro paucorum

num-

num
 ram,
 sti,
 Heroc
 sexcen
 fumu
 lorum
 cis, hu
 bonun
 tollere
 ducen
 iis, q
 culo.
 Aposte
 comm
 omniu
 beati
 persecu
 quoniam
 & con
 betis e
 qui sat
 bis que
 bitis.
 Christi
 id est,
 comme
 capiatu
 men si
 ad cor
 sibi ip
 me Do
 & gen

nummorum; Pilatus exultavit ad ho-
 ram, quia non amisit amicitiam Augu-
 sti, & recuperavit amicitiam Regis
 Herodis; sed jam ad annos ferè mille
 sexcentos cruciantur in gehenna, &
 fumus eorum ascendet in sæcula sæcu-
 lorum. Ex his discant omnes servi cru-
 cis, humiles, mites, patientes, quam
 bonum & faustum sit, crucem suam
 tollere in præsentī vita, & Christum
 ducem sequi; nec ullo modo inuideant
 iis, qui felices esse videntur in hoc sæ-
 culo. Vita enim Christi, & sanctorum
 Apostolorum & Martyrum, verissimus
 commentarius est verborum Magistri
 omnium magistrorum: *Beati pauperes.* *Apoc.*
beati mites, beati qui lugent, beati qui *13.*
persecutionem patiuntur propter justitiam,
quoniam ipsorum est Regnum celorum.
 & contra: *Va vobis divitibus, quia ha-* *Matt.*
betis consolationem vestram: va vobis, *5.*
qui saturati estis, quia esurietis: va vo-
bis qui ridetis nunc, quia lugebitis & fle-
bitis. Et quamvis non solum verba
 Christi, sed etiam vita & mors Christi,
 id est, non solum textus, sed etiam
 commentarius à paucis intelligatur &
 capiatur in gymnasiis hujus mundi; ta-
 men si quis exire voluerit de mundo, &
 ad cor suum intrare, & seridè meditari, ac
 sibi ipse dicere: *Audiam quid loquatur in* *Ps. 24.*
me Dominus Deus; & simul humili prece
 & gemitu columbino pulsare voluerit

ad aures magistri, cujus est liber & commentarius; non difficulter intelliget omnem veritatem, & veritas liberabit eum ab erroribus universis; ut jam non sit difficile, quod antea impossibile videbatur.

CAP. XV.

De tertio fructu verbi sexti.

Iam fructus tertius, quem ex verbo sexto colligere possumus, ille est, ut discamus ipsi nos ut Sacerdotes spirituales offerre Deo spirituales hostias, ut loquitur sanctus Petrus, vel exhibere corpora nostra hostiam viventem, sanctam, Deo placentem, rationabile obsequium nostrum, ut nos docet Apostolus Paulus. Nam si verba illa, *Consummatum est*, significant, sacrificium Summi Sacerdotis in cruce fuisse completum: æquum est, ut discipuli Crucifixi, Magistrum imitari cupientes, eo modo quo possunt, id est, pro sua tenuitate & paupertate offerant & ipsi sacrificium Deo. Et quidem Apostolus Petrus docet, omnes Christianos esse Sacerdotes, non propriè dictos, quales sunt qui ab Episcopis in Ecclesia Catholica ordinantur ad offerendum sacrificium Corporis Christi; sed Sacerdotes spirituales, id est, ut ipse declarat, ad offerendas

spi-

spirituales hostias; non hostias proprie dictas, quales erant in Testamento veteri, oves, & boves, & turtures, & columbæ; & in Novo, Corpus Christi in Eucharistia: sed hostias mysticas, quæ ab omnibus offerri possunt, ut orationes, & laudes, necnon opera bona, jejunia, & eleëmofynas. de quibus dicit Apostolus Paulus: *Per ipsum ergo offeramus hostiam laudis semper Deo, id est, fructum labiorum consistentium nomini ejus.* Heb. 13
idem verò Apostolus in Epistola ad Romanos Ro. 12 manas accuratissimè nos docet mysticum sacrificium offerre Deo ex corporibus nostris, ad similitudinem veterum sacrificiorum Legis antiquæ. Quatuor enim leges sacrificiorum erant: Prima, ut in sacrificio adesset hostia, id est, res Deo sacrata, quam nefas esset in usum profanum converti. Altera, ut ea esset res vivens, ut ovis, capra, vitulus. Tertia, ut esset sancta, id est, munda. Erant enim apud Hebræos animalia munda & immunda: animalia munda censebantur oves, boves, capræ, turtures, passeres, columbæ. Reliqua censebantur immunda, ut equus, leo, vulpes, accipitres, corvi, alia. Quarta, ut hostia incenderetur, & odorem suavitatis emitteret. Atque hæc omnia Apostolus numerat, cum ait: *Obsecro vos, ut exhibeatis corpora vestra hostiam viventem, sanctam, Deo placentem.* & addit, *rationabile*

obsequium vestrum : ut eum intelligamus non exhorrari nos ad sacrificium propriè dictum, quasi velit corpora nostra, instar ovium sacrificii, verè occidi & comburi : sed ad sacrificium mysticum & rationabile, similitudinarium, non proprium; spirituale, non corporale. Hortatur igitur nos Apostolus, ut quemadmodum Christus in cruce ad nostram utilitatem obtulit sacrificium corporis sui per veram & propriam mortem; sic nos offeramus ad ejus honorem corpora nostra, quasi hostiam quamdam, eamque viventem, & sanctam, & perfectam, ac per hoc Deo benè placentem, quæ spirituali quodam modo occidatur & concremetur.

Explicemus ordine singulas conditiones. Primum debent esse nostra corpora hostiæ, id est, res Deo sacræ, quibus utamur ad honorem Dei, non ut rebus nostris, sed ut rebus Dei, cui consecrati sumus per Baptismum, & qui nos emit pretio magno, ut dicit idem Apostolus ad Corinthios. Nec solum hostia Dei esse debemus, sed hostia vivens vita gratiæ & Spiritus sancti. Qui enim per peccatum mortui sunt, non sunt hostiæ Dei, sed diaboli, qui mortificat animas, & in ea re mirificè delectatur. At Deus noster, qui semper vivit, & est fons vitæ, non vult cadavera scærentiæ sibi offerri, quæ ad nihil utilia sunt,

3. Cor.
6.

sunt, n
inde ne
gentif
ration
exhibe
stia sic
sancta
vivente
stia, c
fertur,
animal
suprà c
avibus
Priora
vam, p
inde,
ducun
exhibe
simplic
quæ lac
bores
oriatu
gum (s
hens,
Deniq
ascensi
acume
dis. ne
vitam
dine S
deben
bras c
quæ s

sunt, nisi ut projiciantur ad bestias. Proinde necesse est, ut vitam animæ diligentissimè conservemus, ut hoc modo rationabile obsequium Domino nostro exhibeamus. Sed neque satis est ut hostia sit viva, nam præterea requiritur ut sancta sit. *Hostiam*, inquit Apostolus, *viventem, sanctam*. Sancta dicitur hostia, cum ex animantibus mundis offertur, non ex immundis. Erant autem animalia munda, ex quadrupedibus, ut supra diximus, oves, capræ, boves; ex avibus, turtures, passeræ, & columbæ. Priora animantia significant vitam activam, posteriora contemplativam. Proinde, qui vitam activam inter fideles ducunt, si semetipsos hostiam sanctam exhibere volunt Deo, imitari debent simplicitatem & mansuetudinem ovis, quæ lædere proximum nescit. Item labores & gravitatem bovis, qui non otatur, non leviter discurrit; sed jugum suum ferens, & aratrum trahens, in terra colenda laborat assiduè. Denique etiam capræ velocitatem in ascensione montium, & oculorum acumen in rebus longè conspiciendis. neque enim, qui in Ecclesia Dei vitam activam ducunt, sola mansuetudine & justis laboribus contenti esse debent; sed oportet eos etiam per crebras orationes alta conscendere, & quæ sursum sunt, mente conspicerè.

Quomodo enim opera sua ad Dei gloriam referent, & incensum sacrificii fursum emittent, si de Deo numquam aut rarò cogitent? si Deum non quærant? si in amorem ejus per contemplationem non exardescant? Viri enim Christianorum activa non debet à contemplativa omnino esse disjuncta, ut neque contemplativa ab activa, ut mox dicemus. Itaque qui non imitantur oves, boves, & capras, quæ domino suo assiduè utiliterque deserviunt; sed quærunt quæ sua sunt, id est, sola commoda sua temporalia confectantur; ii non offerunt Deo hostiam sanctam, sed similes sunt bestiis rapacibus & carnivoris, lupis, canibus, ursis, milvis, vulturibus, corvis, quæ suo ventri deserviunt, & leonem illum sequuntur, qui semper *rugiens circuit, quærens quem devoret*. Iam verò Christiani homines, qui vitam contemplativam elegerunt, & ipsi se hostiam viventem & sanctam Deo exhibere satagunt, imitari debent solitudinem turturis, puritatem columbæ, & prudentiam passeris. Solitudo turturis ad monachos maximè & eremitas pertinet, qui nihil commune cum sæcularibus habere student, & toti contemplationi & Dei laudibus intenti sunt. Puritas columbæ cum fœcunditate conjuncta Episcopis & clericis necessaria est, qui cum hominibus versantur,

& si

1. Pet.
5.

& n
ex o
brò
plati
hom
ægrè
ditat
plati
procr
terre
lucra
se pe
cont
væ a
omn
feres
Passi
fugit
passe
tant
cant
ut nu
facil
igiti
præs
denti
quei
hom
conf
femi
giam
& si
velin

& filios spirituales gignere & nutrire ex officio proprio debent. qui nisi crebro ad supernam patriam per contemplationem volent, & ad necessitates hominum per charitatem descendant, ægrè poterunt puritatem cum fecunditate conjungere: sed vel soli contemplationi dediti steriles erunt, vel soli procreationi filiorum intenti, pulvere terreno inquinabuntur, & dum alios lucrari volent, ipsi (quod absit) foras se perdent. Porro utrisque, tum vitæ contemplativæ deditis, tum vitæ activæ addictis, passeris prudentia multum omnino prodesse potest. Sunt enim passeris montani, & passeris domestici. Passeres montani incredibili solertia fugiunt laqueos & retia venatorum: passeris domestici in civitatibus habitant, & super tecta domorum nidificant, sed ita cum hominibus versantur, ut nulli homini familiares fiant, neque facile ab eis apprehendi se sinant. Sic igitur omnibus quidem Christianis, sed præsertim clericis & monachis prudentia passerum necessaria est, ut à laqueis dæmonum sibi caveant, & cum hominibus versentur ut eis profint, sed consuetudinem ipsorum, ac præsertim seminarum, vitent, confabulationes fugiant, comestationes declinent, ludis & spectaculis non interfint, nisi capi velint à laqueo venantiū dæmoniorum.

Restat lex ultima sacrificiorum, ut sint hostiæ non solum viventes & sanctæ, sed etiam benè placentes, id est, odorem suavissimum sursum mittentes. Id quod Scriptura significat, cum *Gen. 8* ait: *Odoratusq; est Dominus odorem suavitatis.* & de ipso Domino: *Tradidit semetipsum pro nobis oblationem & hostiam Deo in odorem suavitatis.* Ut autem hostia odorem emittat gratissimum Deo, necesse est ut occidatur & cremetur. Id fit in sacrificio mystico & rationabili, de quo loquimur cum Apostolo, quando carnalis concupiscentia verè mortificatur, & igne charitatis incenditur. Nihil enim est, quod carnalem concupiscentiam efficacius, celerius, perfectiusque mortificet, quàm sincerus Dei amor. Ipse est enim Rex & Dominus omnium affectionum cordis, & omnes ab eo reguntur & pendent, siue timor, siue spes, siue desiderium, siue odium, siue ira, siue quæcumque animi perturbatio. Ipse autem amor non cedit nisi amorì majori: ac per hoc quando divinus amor cor humanum intimè possidet & incendit, tunc demum carnales concupiscentiæ cedunt, & mortificatæ quiescunt. Inde ignita desideria, & purissimæ preces ad Deum ascendunt, instar aromatum, in odore insuavitatis. Hoc est igitur sacrificium quod requirit Deus, & ad quod pròptissime

simè exhibendum hortatur Apostolus.

Sed quia oblatio ista, res est ardua & gravis, & difficultate plenissima, idèd B. Paulus efficacissimo argumento utitur, ut eam nobis persuadeat. argumentum est in verbis illis: *Obsecro vos Ro. 12 per misericordiam Dei, ut exhibeatis corpora vestra, &c.* In Græco codice legitur in numero multitudinis, *Obsecro vos per miserationes Dei.* Ex quæ sunt, & quot miserationes Dei, per quas nos Apostolus obsecrat? Prima est creatio, qua nos fecit esse rem aliquam, cùm nihil essemus. Secunda, cùm fecit nos servos suos, cùm nostra opera non indigeret, sed ut haberet quibus beneficeret. Tertia, cùm fecit ad imaginem suam, ac per hoc capaces cognitionis suæ, & amicitia suæ. Quarta, cùm fecit per Christum filios suos adoptivos, & coheredes Unigeniti sui. Quinta, cùm fecit nos membra sponsæ suæ, & corporis sui, quibus est caput. Denique sexta, quod obtulerit *semetipsum in Eph. 5. cruce oblationem & hostiam Deo in odorem suavitatis*, ut nos redimeret à servitute, & lavaret à maculis, & exhiberet ipse sibi gloriosam Ecclesiam, non habentem maculam, aut rugam. Hæ sunt miserationes Domini, per quas nos Apostolus obsecrat, quasi diceret; Tanta Dominus contulit vobis, nec merentibus, nec petentibus: cur grave vobis videri debeat,

debeat, si vos ipsi hostiam Deo viventem, sanctam, & beneplacentem offeratis? Certè, si quis ista attentè cogitare voluerit, non solùm non gravè, sed leve, & facile, & jucundum ac dulce illi videbitur, tam bono Domino toto corde & toto tempore vitæ suæ servire: ei què se totum, ad exemplum ejus, hostiam & oblationem, atque adedè holocaustum in odorem suavitatis offerre.

CAP. XVI.

De quarto fructu verbi sexti.

FRUCTUS quartus sumi potest ex quarta explicatione verborum illorum, *Consummatum est*. Si enim verum est, ut est verissimum, Christum justo judicio Dei transfuisse nos à servitute diaboli in Regnum filii dilectionis suæ; quaramus diligenter, & non desistamus donec inveniamus, quæ causa sit, cur tantus hominum numerus malit hosti humani generis iterùm se in servitutem tradere, ut cum eo ardeat in æternum in gehennæ camino; quàm Christo Principi benignissimo deservire, immò cum illo felicissimè certissimequè regnare. Ego certè nullam invenio causam, nisi quia in obsequio Christi inchoandum est à cruce, & necesse est carnem crucifigere cum vitiis & concupis-

cupiscentiis. Hæc amara potio, atque
 hic calix absinthii homini naturaliter
 ægro nauseam facit, & sæpè causa est
 ut malit ægrotare, quàm eo modo cu-
 rari. Et si quidem homo, non homo, sed
 bestia esset, aut certè homo delirus &
 mente captus esset; concedi illi posset,
 ut sensu & appetitione regeretur: sed
 eùm homo rationis sit particeps, certè
 intelligit, vel intelligere potest, eum
 qui iussit carnem crucifigi cum vitiis
 & concupiscentiis, non solum instare
 præcepto, sed etiam juvare, immò præ-
 venire auxilio gratiæ suæ: quo modo
 sapiens medicus amarum poculum sic
 temperare novit, ut non difficulter hau-
 riat. Deinde si unusquisque nostrum
 primus esset, cui diceretur, Tolle cru-
 cem tuam, & sequere me; fortasse pos-
 set hærare, ac diffidere de viribus suis,
 nec audere crucem attingere, quam se
 portare posse non crederet: at cum tam
 multi ante nos, nec solum viri, sed et-
 iam pueri & puellæ, crucem post Chri-
 stum fortiter tulerint, & constanter por-
 taverint, & carnem suam cum vitiis &
 concupiscentiis crucifixerint, quid nos
 timemus? cur hæremus? Hoc argumento
 sanctus Augustinus superatus carnalem
 concupiscentiam vicit, quam insupera-
 bilem longo tempore reputaverat. Con-
 stituit enim sibi ante oculos mentis ex-
 memoriæ promptuario multos & mul-
 tas

tas continentes, multos & multas vir-
 Lib. 8. zines, ac sibi dicebat: *Cur non poteris,*
 Confes. *quod isti, & ista? isti, & ista non in se po-*
 c. 11. *tuerunt, sed in Domino Deo suo.* & quod
 de concupiscentia carnis dicimus, idem
 dici potest de concupiscentia oculo-
 rum, quæ est avaritia, & de superbia
 vitæ; nullum enim est vitium, quod ad-
 iuvante Deo crucifigi non possit: ne-
 que periculum est, ne Deus juvare non
 Ser. 16 velit, cum sanctus Leo dicat; *Iustè in-*
 de Pass. *stat precepto, quia præcurrit auxilio.* Verè
 Dom. igitur miseri sunt, ne dicam amentes
 & stulti, qui cum possint jugum Chri-
 sti suave ac leve subire, & requiem ani-
 Mat. mæ suæ in hac vita reperire, & cum
 II. eodem Christo in futura regnare; ma-
 Luc. 14 lint quinque juga boum, diabolo ju-
 bente, portare; & sensibus carnis non
 fine labore & dolore servire; & ad ex-
 tremum apud inferos cum ipso suo do-
 mino diabolo perpetuè cruciari.

CAP. XVII.

De quinto fructu verbi sexti.

QVINTUS fructus ex verbis illis decer-
 pendus erit, quatenus hæc verba
 significant, Ecclesiæ ædificationem in
 cruce consummatam fuisse; & ipsam
 Ecclesiam, ut alteram Evam, ex latere
 Christi morientis, tamquam ex costa
 Adami

Adami dormientis prodiisse. Hoc porro mysterium docet nos, ut crucem amemus, crucem honoremus, cruci vehementer afficiamur. Quis enim locum non amat, unde mater ipsius prodiit? Certè fideles omnes miro modo afficiuntur erga sacratissimam domum Lauretanam, quia ibi nata est Virgo Deipara, & ibidem natus est, non quidem extra uterum, sed in utero virginali Iesus Christus Deus noster. Sic enim loquitur Angelus ad Iosephum: *Quod in ea natum est, de Spiritu sancto est.* Hinc etiam & ipsa Ecclesia memor nativitatis suæ, crucem ubique pingit, ubique locat, in fronte, in templis, in domibus; neque ulla Sacramenta peragit sine cruce, neque aliquid benedicendo sanctificat sine cruce: sed amorem præcipuum tunc cruci deferimus, cum patienter propter amorem Crucifixi toleramus adversa. hoc enim est in cruce gloriari, id facere quod Apostoli faciebant, cum *ibant gaudentes à conspectu concilii, quoniam digni habiti erant pro nomine Iesu contumeliam pati.* & Apostolus Paulus quid sit in cruce gloriari, explicat cum dicit: *Gloriamur in tribulationibus, scientes quòd tribulatio patientiam operatur, patientia autem probationem, probatio verò spem, spes autem non confundit, quia charitas Dei diffusa est in cordibus nostris*

Gal. 6. nostris per Spiritum sanctum, qui datus est nobis. Vnde concludit ad Galatas scribens: *Mihi absit gloriari, nisi in cruce Domini nostri Iesu Christi; per quem mihi mundus crucifixus est, & ego mundo.* Hic est verè triumphus crucis, si mundus cum suis pompis & oblectationibus sit animæ Christianæ & Christum crucifixum diligenti veluti mortuus; & anima ipsa Christiana sit ipsi mundo veluti mortua, amans tribulationem & contemptum, quæ mundus odit, & odio prosequens carnales voluptates & gloriam temporariam, quæ mundus diligit: sic perficitur & consummatur servus Dei, ut de ipso quoque dici possit, Consummatus est.

CAP. XVIII.

De sexto fructu verbi sexti.

Postremus restat fructus ab exemplo perseverantiæ Domini in cruce utilissimè colligendus. siquidem ex verbo illo, *Consummatum est*, intelligimus, Dominum consummasse opus passionis suæ ab initio usque ad finem, ut nihil desiderari posset. *Dei perfecta sunt opera*, inquit Moyses: & quemadmodum Pater die sexto perfecit opus creationis, & die septimo requievit; sic & Filius die sexto consummavit opus redemptionis.

Deut.
32.

L
ptio
strà
Rex
credi
nard
regni
dabit
rantio
tescere
pusilla
cum t
retur
suum
ravit
conf
deest
ranti
ret. E
locis
volup
dolor
mum
Chri
ce;
nostr
erian
mort
lam c
poter
instr
tam
eriga
& ac

ptionis, & die septimo requievit. Frustrà clamabant Iudæi ante crucem, *Sicut Rex Israël est, descendat nunc de cruce, & credimus ei.* Rectius dicit sanctus Bernardus: *Immo quia Rex Israël est, titulum regni non deserat.* & paulò infra: *Non tibi dabit occasionem surripiendæ nobis perseverantia, quæ solâ coronatur. Non faciet obmutescere prædicatorum linguas consolantium pusillanimes, & dicentium singulis, Tu locum tuum ne deseras. quod sine dubio sequeretur, si respondere possent, quia Christus suum deseruit.* Christus igitur perseveravit in cruce usque ad vitæ finem, ut consummaret opus suum sic, ut nihil ei deesset, & nobis exemplum perseverantiæ profus admirabile dereliqueret. Facile siquidem est, perseverare in locis amœnis, & in actionibus quæ voluptatem adferunt: sed in labore & dolore diutiùs perseverare, difficillimum est. Sed si cognoverimus, quid Christum perseverare fecerit in cruce; fortasse discemus & nos crucem nostram perseveranter ferre; & si opus etiam fuerit, in illa perseveranter ad mortem usque pendere. Si quis ad solam crucem oculos admoveat, non poterit non horrere funestæ mortis instrumentum. Sed si oculos, non tam corporis quàm mentis ad illum erigat, qui crucem nos portare jubet, & ad locum quò illa perducit, & ad

fructum quem eadem ipsa producit: tum non difficile & arduum, sed facile & jucundum erit, perseverare in bajulanda cruce, vel perseveranter pendere de cruce.

Quid igitur Christum fecit tam perseveranter sine querela de cruce pendere usque ad mortem? Prima causa

Joñ. 18 fuit amor Patris. *Calicem, inquit, quem dedit mihi Pater, non bibam illum?* Amabat Christus Patrem amore prorsus ineffabili: & ab illo pari amore diligebatur. Cum igitur videret calicem illum sibi dari à Patre optimo & amantissimo, ut nullo modo suspicari posset sibi dandum nisi ad finem optimum, & sibi ipsi gloriosissimum; quid mirum, si calicem illum libentissimè totum exhaustit? Deinde Pater Filio nuptias fecit, & sponsam illi dedit Ecclesiam, sed sordidatam, & rugosam, quam tamen, si vellet in balneo calente sanguinis sui diligenter abluere, facilè redderet gloriosam, *non habentem maculam, aut rugam.* Adamavit igitur Christus sponsam à Patre sibi conjunctam; & non grave illi fuit, sanguine suo illam abluere, ut formosam & gloriosam efficeret. Nam si Iacob propter Rachelem annis septem laboravit in pascendis gregibus Laban, sic ut æstu ureretur & gelu, & fugeret somnus ab oculis ejus; & visi sunt illi

Matt.
22.

Eph., 5.

ill
ris
Rac
nor
pte
cle
fane
erat
volu
rem
bat
esse
glo
titi
cis
Ape
obe
tem
vit
sup
gen
infe
exe
ces
mer
Qu
trib
an
(sic
rifi
ove
mb

illi tam multi anni, *pauci dies pro amo* Gr. 29.
ris magnitudine. Si, inquam, pro una
 Rachele Iacob nihili fecit laborem an-
 norum septem, & rursus aliorum se-
 ptem: quid mirum si Filius Dei pro Ec-
 clesia sponsa, quæ multorum millium
 sanctorum Dei filiorum mater futura
 erat, tres horas in cruce perseverare
 voluerit? Denique Christus non amo-
 rem solum Patris & Sponsæ respicie-
 bat, cum passionis calicem bibiturus
 esset; sed etiam eminentissimam illam
 gloriam, & nunquam finiendam læ-
 titiæ magnitudinem, ad quam per cru-
 cis patibulum ascensurus erat; dicente
 Apostolo: *Humiliavit semetipsum factus* Phil. 2.
obediens usque ad mortem, mortem au-
tem crucis. Propter quod & Deus exalta-
vit illum, & donavit illi nomen, quod est
super omne nomen: ut in nomine Iesu omne
genu flectatur, caelestium, terrestrium, &
inferiorum.

Addamus ad Christi exemplum,
 exemplum Apostolorum. Paulus cru-
 ces suas & aliorum Apostolorum enu-
 merans in Epistola ad Romanos, ait:
Quis ergo nos separabit à charitate Christi? Ro. 8.
tribulatio? an angustia? an fames? an nuditas?
an periculum? an persecutio? an gladius?
(sicut scriptum est: Quia propter te mor- Pf. 43.
tificamur tota die, aestimati sumus sicut
oves occisionis.) & respondet, sed in his om-
nibus superamus, propter eum qui dilexit

nos. Vt durarent & perseverarent in cruciatibus, non cruciatus attendebant, sed amorem Dei qui nos dilexit, & Filium suum pro nobis dedit; vel etiam, quia Christum ipsum considerabant, qui dilexit nos, & dedit semetipsum pro nobis. Idem Apostolus scribens

Tit. 2. ad Corinthios, *Repletus sum*, inquit, *consolatione, superabundo gaudio in omni tribulatione nostra.* Unde consolatio tanta, unde gaudium tantum, quod tribulationem quasi sentiri non patiatur? Re-

2. Cor. 7. spondet alio loco, quia *quod in presenti est momentaneum & leve tribulationis nostra, supra modum in sublimitate aeternum glorie pondus operatur in nobis.* Itaque contemplatio gloriæ sempiternæ, quam ante oculos mentis gerebat, causa erat, cur tribulatio momentanea & levis illi videretur. *Has cogitationes*, inquit sanctus Cyprianus, *qua persecutio potest vincere? qua possunt tormenta superare?*

Libro de Exhort. Mart. 2. Jr. His addi potest exemplum sancti Andree, qui crucem, in qua biduo pependit, non ut crucem aspexit, sed ut amicam salutavit: & cum populus eum deponendum curare vellet, nullo modo permisit, sed in cruce usque ad mortem perseverare voluit. neque erat iste homo imprudens, sed sapientissimus, & Spiritu sancto plenus.

Ex his exemplis Christi & Apostolorum ejus, discere possunt omnes Christiani,

stiani, quo modo se gerere debeant, cum de cruce sua descendere, id est, de tribulatione liberari sine peccato non possunt. Ejusmodi sunt in primis regulares omnes, quorum vita votis paupertatis, castitatis, & obedientiæ adstricta, similis martyrio esse censetur. Item conjugati, cum divina providentia maritus uxorem querulam, morosam, iracundam, ac pænè intolerabilem fortitus est: vel uxor maritum non minus difficilem habet, qualem fuisse sanctæ Monicæ virum testis est sanctus Augustinus in libris Confessionum. ^{Lib. 9. c. 9.} Ejusmodi sunt etiam mancipia quæ libertatem amiserunt, addicti perpetuo carceri, vel alligati trementibus; ægroti denique, qui morbo incurabili laborant; & pauperes, qui nisi furtis vel latrociniiis ad divitias aspirare non queunt. Hi omnes, & si qui sunt alii, si perseverare in ferenda cruce cum gaudio spirituali & ingenti mercede cupiunt; non respiciant crucem, sed eum qui crucem humeris illorum imposuit. Is enim sine dubio Deus fuit, qui Pater noster amantissimus est, & sine cujus providentia nihil in hoc mundo geritur. Beneplacitum autem Dei sine dubitatione ulla optimum est, & nobis gratissimum esse debet. Proinde cum Christo dicere debent omnes; *Calicem quem dedit mihi Pater, non bibam illum?* & cum Apostolo:

- Ro. 8.** *In his omnibus superamus, propter eum qui dilexit nos. Deinde possunt etiam, ac debent omnes, qui crucem suam deponere sine peccato nequeunt, non tam presentem laborem considerare, quam futuram mercedem, quæ sine dubitatione ulla superat omnem laborem & dolorem vitæ presentis, dicente Apostolo: Non sunt condigna passionibus hujus temporis ad futuram gloriam, quæ revelabitur in nobis. & alibi de Moyse loquens:*
- Heb. 11** *Majores divitias aestimans thesauro Aegyptiorum, improprium Christi: aspicebat enim in remunerationem.*

Denique addere possumus ad consolationem eorum, qui crucem gravem & longo tempore gestare coguntur, exempla duorum, qui perseverantiam perdidierunt, & crucem sine comparatione graviolem invenerunt. Judas Christi proditor, cum in se reversus proditoris crimen detestaretur, non ferens confusionem, qua suffunditur eum necesse erat, si cum Apostolis vel discipulis aliis versari voluisset, laqueo se ipse suspendit. sed mutavit, non evasit crucem confusionis quam fugiebat. Major enim confusio illum sequetur in die Iudicii coram omnibus Angelis & hominibus, quando non solum Christi proditor, sed etiam homicida sui ipsius declarabitur. Et quanta cæcitas illa fuit, vitare confusionem modicam apud gre-

gregem pusillum & mansuetum discipulorum Christi, qui omnes illum ad bene sperandum de misericordia Salvatoris erexissent: & non vitare infamiam & confusionem prodicionis Christi & proprii suspendii apud theatrum omnium hominum & Angelorum? Alterum exemplum desumi potest ex Oratione sancti Basilii in Quadraginta Martyres, summa hæc est: In persecutione Licinii Imperatoris, milites quadraginta cum in fide Christi perseverare statuissent, damnati sunt, ut sub dio nudi, tempore & loco frigidissimo, totam noctem consumerent, & eo modo longissimo acerbissimoque martyrio ex congelatione perirent. Aderat autem paratum balneum calidum, ut si qui fidem abnegare vellent, in eo reciperentur. Ex iis triginta novem non tam ad pœnam congelationis præsentem & brevi finiendam, quam ad coronam gloriæ sempiternæ mentis oculis aspicientes, facile in fide perseveraverunt, & coronas splendidissimas de manu Domini meruerunt. Unus, qui totus defixus erat in pœna sua consideranda & appendenda, perseverare non potuit, & idè in tepesactum balneum insiluit. Sed continuò defluentibus carnibus jam congelatis, animã exhalavit, & ad inferos, ut Christi abnegator, ad perpetua tormenta descendit. Sic mortẽ

fugiens mortem invenit, & crucem brevem & levem cum sempiterna & gravissima commutavit. Horum igitur duorum infelicium hominum imitatores sunt, quotquot crucem Ordinis religiosi deserunt; qui jugum suave & onus leve projiciunt; & quando minime cogitant, inveniunt se jugo longè graviori alligatos, cupiditatum variarum, quas explere numquam poterunt; & oneribus peccatorum gravissimis pressos, ut respirare non possint. Eadem ratio est de omnibus aliis, qui crucem suam cum Christo ferre recusant, & crucem diaboli peccando ferre coguntur.

CAP. XIX.

*Explicatur ad litteram verbum septimum,
Pater, in manus tuas commendo
spiritum meum. Luc. 23.*

Pervenimus ad postremam Christi vocem, quam in cruce moriturus non sine magno clamore emisit, dicens: *Pater, in manus tuas commendo spiritum meum.* Explicabimus ordine verba singula. *Pater*, inquit, meritò Patrem vocat, quia filius illi fuit obediens usque ad mortem; ideò dignissimus qui audiat. *In manus tuas.* Manus Dei dicuntur in Scripturis, intelligentia & voluntas, five

five sapientia & potentia ; five quod in
 idem recidit , intellectus omnia sciens,
 & voluntas omnia potens. His enim
 duabus, quasi manibus, Deus omnia
 facit; neque indiget instrumentis, quia
 ut loquitur sanctus Leo, *in Deo voluntas* Ser. 2.
potentia est. Itaque velle apud Deum est de Na-
 facere : *Omnia quaecumque voluit fecit in* tivit.
 caelo & in terra. *Commendo*, quasi in ps. 113
 depositum trado, ut cum fide restitua-
 tur, quando restituendi tempus ad-
 venerit. *Spiritum meum.* De hac voce
 non parva quaestio est. Solet enim
 spiritus & pro anima, quæ forma sub-
 stantialis corporis est, & pro vita ipsa
 accipi; quoniam signum vitæ spiratio
 est. & qui spirant, vivunt; qui spirare
 desinunt, moriuntur. Et quidem si per
 spiritum hoc loco intelligamus ani-
 mam Christi, cavendum est, ne quis
 existimet, periculum aliquod fuisse il-
 li animæ de corpore exeunti; in quem
 modum aliis hominibus morientibus
 commendari solet anima multis
 precibus & multa sollicitudine, quo-
 niam ad tribunal Iudicis vadit, ac-
 ceptura pro meritis bonis vel malis
 gloriam five pœnam. Tali commen-
 datione non eguit anima Christi; tum
 quia beata erat ab initio creationis;
 tum quia Filio Dei in persona conjun-
 cta erat, & anima Dei dici poterat, tum
 denique quia victrix & triumphatrix

de corpore exibat, & terrōri erat dæmonibus omnibus, non ipsa terreri à dæmonibus poterat. Itaque si spiritus hoc loco pro anima accipiatur, illa verba Domini, *Commendo spiritum meum*, significabunt, animam Christi, quæ fuerat in corpore tamquam in tabernaculo, futuram esse in manibus Patris, quasi in deposito, donec revertatur ad corpus;

Sap. 3. juxta illud Sapientix: *Iustorum anima in manu Dei sunt.* Sed omnino credibilis est, hoc loco per spiritum intelligi vitam corporalem, ut sensus sit, Ego spiritum vitæ nunc trado, ac per hoc desino spirare & vivere: sed hunc spiritum, hanc vitam, tibi Pater commendo, ut eam corpori meo brevi restituas. Tibi enim nihil perit, quin etiam tibi omnia vivunt, qui vocando quæ non sunt, facis ut sint; & vocando quæ non vivunt, facis ut vivant.

Hanc esse veram hujus loci sententiam, primò colligi potest ex Psalmo trigesimo, ex quo Dominus hanc orationem accepit. Sic enim orat sanctus

Ps. 30. David: *Educes me de laqueo hoc, quem absconderunt mihi, quoniam tu es protector meus. In manus tuas commendo spiritum meum.* quo loco apertissimè Propheta per spiritum intelligit vitam. Precatur enim Deum, ut non sinat se occidi ab hostibus, sed vitam sibi conservet. Deinde colligitur ex hoc ipso loco Euange-

lii;
Pater
meum
cens,
re sp
tium
stant
ramu
mus
hoc
Qui
nesq;
à mo
ferens
Hunc
tione
dicen
transf
Domini
do,
quide
à mo
transf
natur
hom
ret,
quod
to fi
fueri
ad H
Christ
lus,
minu

lli; posteaquam enim dixit Dominus: *Pater, in manus tuas commendo spiritum meum*, subjunxit Euangelista, *Et hac dicens, expiravit*. expirare enim est, definire spiritum trahere, quod est viventium: quod non de anima forma substantiali dicitur, sed de aëre quem spiramus dum vivimus, & spirare definimus cum morimur. Postremò colligitur hoc idem ex illis verbis Apostolicis: *Qui in diebus carnis suæ, preces supplicationesq; ad eum, qui possit illum salvum facere à morte, cum clamore valido & lacrymis offerens, exauditus est pro sua reverentia.* Heb. 5.

Hunc locum aliqui exponunt de oratione quam Dominus fudit in horto, dicens: *Pater, omnia tibi possibilia sunt.* Mart. 14. *transfer calicem hunc à me.* Sed eo loco Dominus non oravit cum clamore valido, neque fuit exauditus, ac ne ipse quidem exaudiri voluit, ut salvus fieret à morte. Oravit enim, ut calix passionis transfiret à se, ut ostenderet desiderium naturale non moriendi, & se verè esse hominem, cujus natura mortem exhorret, sed addidit: *Non quod ego volo, sed quod tu: fiat voluntas tua.* Itaque in horto fieri non potest ut oratio Christi fuerit illa, de qua loquitur Apostolus ad Hebræos. Alii orationem istam Christi, cujus meminit sanctus Paulus, volunt illam esse, quam Dominus pro suis crucifixoribus fudit in

Luc. 23 in cruce, dicens : *Pater, dimitte illis, non enim sciunt quid faciunt.* At eo tempore Dominus non est usus clamore valido, neque pro se oravit ut salvus fieret à morte : quæ duò habentur apertè apud Apostolum ad Hebræos. Oravit enim in cruce pro crucifixoribus, ut eis peccatum illud gravissimum maximumque dimitteretur. Restat igitur, ut verba Apostolica intelligantur de oratione illa postrema, quam fudit in

Luc. 23 cruce, dicens : *Pater, in manus tuas commendo spiritum meum,* quam orationem fudit cum clamore valido, dicente sancto Luca : *Et clamans voce magna Iesus, ait. ubi manifestè Paulus Lucasque consentiunt.* Deinde oravit Dominus ut salvus fieret à morte, teste beato Paulo. id quod non potest significare, ut non moreretur in cruce : sic enim non fuisset exauditus, &

Heb. 5. Apostolus exauditum fuisse testatur : sed significat, eum petiisse ut non absorberetur à morte, sed mortem solum degustaret, & mox reverteretur ad vitam. hoc enim significant illa verba, *Preces supplicationesque ad eum, qui posset illum salvum facere à morte,* obtulit. Non enim ignorare poterat Dominus, se omnino moriturum, ac præsertim cum jam esset vicinissimus morti ; sed cupiebat salvus fieri à morte ; in hunc sensum, ut non diutiùs teneretur à mor-

te: quod nihil fuit aliud, nisi orare pro celeri resurrectione: in qua re planè exauditus est, cum tertia die gloriosissimè resurrexit. Hæc verò explicatio testimonii Paulini satis apertè convincit, spiritum accipi pro vita, non pro anima, cum Dominus ait: *In manus tuas commendo spiritum meum.* Non enim sollicitus erat Dominus de anima, quam sciebat esse in tuto, cum beatissima esset, & Deum facie ad faciem jam à sua creatione vidisset: sed sollicitus erat de corpore, quod vita destituendum per mortem esse videbat: atque adeò precabatur, ut corpus non diu maneret in morte. quod, ut diximus, cumulatissimè impetravit.

CAP. XX.

De primo fructu verbi septimi.

Iam verò ex hoc verbo postremo, & morte Christi, quæ proximè secuta est, fructus aliquos more nostro colligemus. Ac primum ex ea re, quæ infirmitatis & stultitiæ plenissima fuisse videtur, demonstrari video potentiam, sapientiam, & charitatem Dei longè maximam. In eo enim quòd Dominus clamans voce magna expiravit, perspicuè cernitur potentia. Hinc enim colligitur, eum potuisse non mori,
& spon-

& sponte sua obiisse. Qui enim natura-
 liter moriuntur, paulatim vires & vo-
 cem amittunt, neque in extremo spiri-
 tu clamare possunt. Proinde non sine
 causa Centurio videns, quòd Iesus, tan-
 to profuso sanguine, clamans expiraf-
 set, dixit: *Vere Filius Dei erat iste.* Ma-
 gnus Dominus Christus est, qui etiam
 moriens potentiam suam ostendit, non
 solum in extremo spiritu clamando,
 sed etiam terram concutiendo, lapi-
 des scindendo, monumenta aperiendo,
 velum templi dirumpendo: quæ om-
 nia Christo moriente facta esse Euan-
 gelista testatur. Accedit quòd ista om-
 nia mysterio non carent, in quo etiam
 Christi sapientia ostenditur. Nam concus-
 sio terræ & scissio petrarum signi-
 ficabant, per Christi passionem & mor-
 tem fuisse permovendos homines ad
 poenitentiam, & etiam obstinatorum
 corda scindenda. quod illo ipso tem-
 pore factum fuisse scribit sanctus Lu-
 cas, cum refert, multos ab illo specta-
 culo reversos *percutientes pectora sua.*
 Apertio sepulchrorum designabat re-
 surrectionem mortuorum gloriosam ex
 Christi morte successuram. Scissio veli,
 unde patuerunt Sancta Sanctorum,
 signum fuit, ob meritum mortis Chri-
 sti aperiendum cæleste sanctuarium,
 & Sanctos omnes deinceps admitten-
 dos ad videndam faciem Dei. Neque
 solum

Matt.
 27.

Matt.
 26.

Luc. 23

solum
 sapien
 etiam
 duxit
 lapide
 Christ
 frume
 riendo
 rum u
 rumpi
 sic Ch
 tudine
 & ap
 sto di
 aterna
 re vol
 dulce
 ritate
 deglu
 mum
 ad vi
 sapie
 aperu
 lum
 lius c
 rificer
 ges i
 sibi d
 sed
 amat
 clesia
 ponder
 Andr

solùm in his mysteriis significandis
 sapientiam suam Christus ostendit, sed
 etiam in eo, quòd ex morte vitam pro-
 duxit: in cuius rei figuram Moyses ex ^{Nu. 20}
 lapide scaturire fecit aquam. & ipse
 Christus ob eandem causam grano ^{Joã. 12}
 frumenti se ipse comparavit, quod mo-
 riendo multum fructum adfert: nimi-
 rum ut granum frumenti dum cor-
 rumpitur, germinat spicam viventem:
 sic Christus moriendo in cruce multi-
 tudinem gentium vita gratiæ donavit,
 & apertissimè sanctus Petrus de Chri-
 sto dicit: *Deglutiens mortem, ut vita* ^{1. Pet.}
æterna heredes efficeremur. quasi dice-
 re voluisset, Primus homo deglutiens
 dulce pomum vetitum, omnem poste-
 ritatem morti addixit: secundus homo
 deglutiens mortis pomum amarissi-
 mum, omnes qui ex illo renascuntur
 ad vitam æternam adduxit. Denique
 sapientiam suam moriendo Christus
 aperuit, quia fecit, ut crucis patibu-
 lum, quo nihil fœdus aut horribi-
 lius olim cernebatur, factum sit hono-
 rificentissimum & gloriosum, ut Re-
 ges ipsi illud in fronte gestare honori
 sibi ducant. Nec solùm honorificum,
 sed etiam dulce & amabile Christi
 amatoribus factum est. Vnde canit Ec-
 clesia: *Dulce lignum, dulces clavos, dulce*
pondus sustinuit. Quod ipsum sanctus
 Andreas exemplo suo demonstravit,
 dum

dum crucem, in qua figendus erat, aspiciens, dixit: *Salve crux pretiosa, quæ decorem de membris Domini suscepisti: diu desiderata, sollicitè quaesita, sine intermissione amata, & jam concupiscenti animo præparata, securus & gaudens ad te venio, & tu exultans suscipias me, discipulum ejus, qui pependit in te magister ipse Christus.*

Quid jam de charitate dicemus? sententia Domini est: *Majorem hac dilectionem nemo habet, ut animam suam ponat quis pro amicis suis.* Id fecit Christus in cruce; nemo enim potuit illo invito vi-

ta ipsum spoliare. *Nemo, inquit ipse, tollit eam à me, sed ego pono eam à me ipso.* Ideò autem majorem charitatem nemo habet, quàm ut vitam suam ponat pro amicis suis, quia nihil amabilius vel pretiosius vita inveniri potest, cum ipsa fundamentum sit omnium bonorum.

Quid enim prodest homini, inquit idem ipse Dominus, si mundum universum lucretur, anima verò sua, id est vitæ suæ, detrimentum patiatur? Hinc omnia pro viribus resistunt, & supra vires resistere conantur iis, qui vitam eripere conantur.

Ex quo legimus in libro Iob: *Pelle pro pelle, & cuncta quæ habet homo, dabit pro anima sua, id est, pro vita sua.* Sed hæc generalia sunt: veniamus ad propria. Christus charitatem suam erga genus humanum, & erga unumquemque nostrum in cruce moriendo multis

mul
vit.
vita
hom
tent
pien
opti
cis, p
eà, vi
lerat
diis,
guin
posu
cohe
stib
ret.
& ta
toto
tiam
Ave
ferre
tùm
infid

A
erat
stus
dixi

multis modis ineffabiliter demonstra-
vit. Primum enim, vita ejus omnium
vitarum pretiosissima erat, quippe vita
hominis Dei, vita Regis omnium po-
tentissimi, vita doctorum omnium sa-
pientissimi, vita proborum omnium
optimi. Deinde, vitam posuit pro inimi-
cis, pro sceleratis, pro ingratis. Præter-
eà, vitam posuit, ut istos inimicos, sce-
leratos, & ingratos, à gehennæ incen-
diis, quibus addicti jam erant, sui san-
guinis pretio liberaret. Denique vitam
posuit, ut istos eosdem sibi fratres &
coheredes efficeret, & in regnis cæle-
stibus perpetuè felicissimos colloca-
ret. Et erit deinceps aliquis tam durus
& tam efferratus, qui Christum Iesum
toto corde non diligat? & in ejus gra-
tiam quæcumque aspera non sustineat?
Avertat Deus cor tam lapideum &
ferreum, non à fratribus nostris tan-
tùm, sed ab omnibus hominibus, etiam
infidelibus & atheis.

CAP. XXI.

De secundo fructu verbi septimi.

Alter fructus, & quidem utilissi-
mus erit, si discamus frequentare
orationem, quam Magister noster Chri-
stus nos docuit, cùm iturus ad Patrem
dixit: *In manus tuas commendo spiritum Luc. 23*

O meum.

meum. Sed quoniam ipse non ea necessitate premebatur, qua nos premimur, & ipse Filius & sanctus erat, nos servi & peccatores sumus: ideo Ecclesia mater & magistra nostra eandem orationem frequentare nos docet, sed integram, ut est in Psalmo Davidis, non dimidiatam, ut Christus eam protulit. In Psalmo sic legitur: *In manus tuas commendo spiritum meum: redemisti me Domine Deus veritatis.* Omisit Christus partem posteriorem, quia ipse redemptor est, non redemptus: nos, qui pretioso ejus sanguine redempti sumus, istam partem omittere non debemus. Præter eam, Christus Patrem oravit, ut Filius unigenitus; nos Christum oramus, ut redemptorem: ideo non dicimus: *Pater, in manus tuas commendo spiritum meum;* sed, *In manus tuas Domine commendo spiritum meum: redemisti me Domine Deus veritatis.* Ad quem modum sanctus protomartyr Stephanus moriturus, dixit *Domine Iesu suscipe spiritum meum.* ☩

Act. 7 Porro Ecclesia mater nostra tribus temporibus hanc orationem frequentare nos docet. Primum, diebus singulis ad Completorium, ut noverunt, qui Horas canonicas legunt, Deinde, cum ad sacrosanctam Eucharistiam accedimus; post, *Domine non sum dignus: sacerdos primum pro se, deinde pro aliis communicaturis dicit: In manus tuas Domine*

commendo spiritum. Denique, in exitu de hac vita fideles omnes admonentur ut dicant: *In manus tuas Domine, &c.* Quod attinet ad Completorium, non dubium est quin runc dicatur, *In manus tuas Domine, &c.* quoniam Completorium ad finem diei legi solet: ac, ut loquitur sanctus Basilius, *primis se intendentibus tenebris, In Re-*
est, ut mors inopinata nos opprimat, com-^{gulis}
mendamus animam nostram Domino, ut caris,^{expli-}
si fortè subitanea mors nobis adveniat, non^{quast.}
adveniat improvisa. Quòd autem tem-^{37.}
 pore sacrosanctæ Eucharistiæ perci-
 piendæ dici debeat, *In manus tuas Do-*
mine, ratio est in promptu; quoniam
 actio illa valdè periculosa, & simul
 etiam valdè necessaria est, ut sine pe-
 riculo neque frequentari, neque in-
 termitti possit. *Qui enim sumit Cor-*^{1. Cor.}
pus Domini indignè, iudicium sibi man-^{11.}
ducat, id est, condemnationem sibi
ipse sumit: qui Corpus Domini non
sumit, panem vitæ & ipsam vitam^{Ioan. 6.}
non sumit. Itaque angustia nobis
 sunt undique, quales experiuntur qui
 valdè esuriunt, & tamen certi non
 sunt, an quod apponitur ad come-
 dendum, cibus sit, an venenum. Igi-
 tur meritò cum timore & tremore di-
 cimus: *Domine non sum dignus ut intres*
sub tectum meum, nisi tu ex pietate tua

feceris dignum : idèd *dic tantum verbo,*
& sanabitur anima mea. Sed quia de hoc
 etiam ambigo, an plagas meas sanare
 dignatus fueris, *in manus tuas commendo*
spiritum meum, ut in hoc tam terribili
 negotio ad sis animæ meæ, quam rede-
 misti pretioso sanguine tuo.

Hæc si multi cogitarent, non tam
 avidè se ingererent ad sacerdotium sus-
 cipiendum, ut postea quotidie cele-
 brando victum quærerent. Isti enim
 non valdè solliciti esse solent, an ea
 qua par est præparatione accedant,
 cum finis eorū magis sit cibus corporis
 quàm animæ. Multi etiam, qui in aulis
 Prælatorum vel Principum famulantur,
 etiamsi ritè parati non sint ad mensam
 illam tremendam, accedunt tamen hu-
 mano timore ducti, ne fortè Principi
 vel Prælato suo displiceant, si tempore
 constituto inter communicantes non ap-
 pareant. quid ergo? utilius fortasse erit
 quàm rarissimè ad mensam illam acce-
 dere? Immo verò utilius est frequenter
 accedere, sed cum præparatione debita.
 Quod enim quis rariùs accedit, eò mi-
 nus aptus efficitur ad participationem
 mensæ cælestis, ut sanctus Cyrillus sa-
 pienter admonuit.

*Lib. 4.
 in Ioã.
 c. 17.*

Restat tempus propinquæ mortis, in
 quo necesse est cum magno mentis ar-
 dore orationem istam frequentare, ac
 dicere; *In manus tuas Domine commendo*

spiritum

spiritum meum: redemisti me Domine Deus
veritatis. Illud enim est tempus, in quo
 verè agitur de summa rerum omnium.
 Nam si fortè tunc anima de corpore
 exiens in manus diaboli veniat, nulla
 restat ad salutem via. Et contrà, si ad
 paternas Dei manus aditum habeat,
 nulla deinceps timenda est inimicorum
 potentia. Itaque cum gemitu inenarra-
 bili, cum vera atque perfecta contritio-
 ne, cum fiducia multa infinitæ miseri-
 cordiæ Dei, iterùm atque iterùm repe-
 tendum est: *In manus tuas Domine com-*
mendo spiritum meum. Et quoniam in il-
 lo temporis articulo nullam graviorem
 tentationem patiuntur, qui negligenter
 vitam duxerunt, quàm desperatio-
 nis, quasi tunc pœnitentiæ tempus jam
 præterierit; scutum fidei opponendum
 est, cum scriptum sit: *Quacumque die* ^{Exe. 33}
peccator ingemuerit, peccatorum ejus non ^{S Leo}
recordabor. & galea spei arripienda, quæ ^{Ep. ad}
 in infinita Dei miseratione confidat, & ^{Theo-}
identidem repetendum: In manus tuas ^{dorum}
Domine commendo spiritum meum. Nec ^{Episco-}
 omittenda ratio illa, quæ fundamentum ^{pum.}
 spei nostræ esse debet, *redemisti nos Do-*
mine Deus veritatis. Quis enim ei refun-
 det innocentem sanguinem? quis ei re-
 stituet pretium quo nos emit? sic loquitur
 sanctus Augustinus in libro nono
 Confessionum; nos omnes docens, ut
 multùm omnino confidamus in re-

demptione, quæ est in Christo Iesu: quæ irrita esse non poterit, nisi nos ipsi obicem impœnitentiæ vel desperati-
onis opponamus.

CAP. XXII.

De fructu tertio verbi septimi.

FRUCTUS tertius in eo positus est, ut discamus, morte propinquantem, non multum esse confidendum in eleëmofynis, jejuniis, & orationibus propin-
quorum vel amicorum. Multi sunt enim, qui dum vitam ducunt, obliviscuntur animæ suæ, neque aliud cogi-
rant aut agunt, quam ut filios vel ne-
potes quam ditissimos relinquunt. Cùm autem moriendum est, tunc primùm de anima propria cogitare incipiunt, & quoniam facultates suas jam inter filios vel nepotes diviserunt, animam suam illis commendant, ut eam eleëmofynis, precibus, & sacrosancto Sa-
crificio, aliisque bonis operibus ju-
vent. Non hoc exemplo suo Christus docuit, qui non cognatis, sed Patri spi-
ritum commendavit: neque hoc sanctus Petrus admonuit, ut fideles animas
1. Pet. suas filiis aut nepotibus, sed ut *fideles*
4. *Creatori commendent in benefactis.*

Non reprehendo eos, qui pro anima sua eleëmofynas fieri, & sacrosanctæ
Missæ

Missæ sacrificia offerri jubent, vel petunt, vel optant: sed damno in primis eos, qui in filiis vel nepotibus nimium confidunt; cum usus doceat, facile illos oblivisci majorum suorum defunctorum. Deinde reprehendo, quod in re tanti momenti, non ipsi sibi prospiciant, non ipsi eleemosynas multas faciant, quibus multos sibi amicos concilient, à quibus, juxta Evangelium, *Luc. 16* recipiantur in æterna tabernacula. Præterea gravissimè illos arguo, qui non obediunt Principi Apostolorum, qui jubet fideli Creatori animas proprias commendare, nec solis verbis, *1. Pet. 4* commendare, sed etiam benefactis commendare. Opera enim bona præmissa ad Deum, illa sunt quæ pios Christianos efficaciter vereque commendant. Audiamus quid sancto Ioanni de cælo sonuerit: *Audivi vocem de calo, Apoc. 14* dicentem mihi: *Scribe: Beati mortui, qui in Domino moriuntur. Amodo jam dicit Spiritus, ut requiescant à laboribus suis: opera enim illorum sequuntur illos. Itaque opera bona facta dum vivimus, non facienda post mortem à filiis vel nepotibus, illa sunt quæ certò nos consequuntur: præsertim si opera illa non solum sint ex genere suo bona, sed, ut sanctus Petrus non sine mysterio expressit, benè sint facta. Fideli Creatori, in- 1. Pet. 4* quit, *commendet animas suas in benefactis.*

Plurimi enim sunt, qui bona opera quàm plurima à se facta numerare possunt, conciones frequentes, Missas quotidianas, Preces horarias annorum multorum, jejunia Quadragesimalia annis plurimis continuata, eleëmofynas quoque non paucas: sed cùm ad examen divinum ista venerint, & accuratè discutientur an benè fuerint facta, recta intentione, cum attentione debita, suis tempore & loco, ab homine grato Deo; ò quàm multa, quæ videbantur lucra, in detrimentis numerabuntur! ò quàm multa, quæ humano iudicio videbantur aurum, argentum, & lapides pretiosi supra fundamentum Fidei ædificata; invenientur ligna, fœnum, stipulæ, quæ mox ignis consumet. Hæc consideratio non parum exterreret: & quò magis ad exitum propinquo (nam, ut Apostolus loquitur, *quod antiquatur & senescit, prope interitum est*) tanto clariùs video mihi necessarium esse consiliū sancti Ioannis Chrysofomi, qui monet ut de nostris operibus bonis non multùm cogitemus; quoniam ea, si quæ sint vera bona, id est, benè facta, à Deo scribuntur in libris rationum; neque periculum est ut mercede debita fraudentur: sed de malis nostris operibus assiduè cogitemus, atque ea corde contrito & spiritu contribulato, multis lacrymis, & seria pœnitentia diluere

1. Co. 3.

Heb. 8.

Ho. 38

ad Pop.

Ani-

sch.

dilu
gun
man
meu
tati

S Ec
lic
min
ever
res t
men
scrip
sum
verat
mon
corp
ut n
quã
verè
Nisi
lud v
quoc
stian
in tu
quad
plen
se D
suam

diluere satagamus. Qui enim hoc agunt, cum bona spe in exitu dicent: *In manus tuas Domine commendo spiritum meum, redemisti me Domine Deus veritatis,*

CAP. XXIII.

De fructu quarto verbi septimi.

SEquitur fructus quartus, qui ex felicissima exauditione orationis Domini colligi potest, ut eo tam fausto eventu nos omnes animati, ardentiores simus in nostro spiritu Domino commendando. Verissimè enim Apostolus scripsit, exauditum fuisse Dominum Iesum Christum *pro sua reverentia*. Oraverat Dominus Patrem, ut suprâ ^{Heb. 5.} demonstravimus, pro celeri resurrectione corporis sui: exaudita est oratio illa, ut non diutius resurrectio differretur, quàm necesse esset ad fidem faciendam, verè corpus Domini fuisse mortuum. Nisi enim probari potuisset, corpus illud verè vita fuisse defunctum, ipsa quoque resurrectio, & tota fides Christiana nutaret. Debuit igitur Christus in tumultu jacere ad horas ut minimum, quadraginta; præsertim cum esset implenda figura Ionæ Prophetæ, quam ipse Dominus in Evangelio ad mortem ^{Matth.} suam præmonstrandam, factam fuisse ^{12.}

docuit. Sed ut resurrectio Christi, quā-
tum fieri poterat, acceleraretur, &
Christi oratio manifestius exaudita de-
monstraretur; tres dies & tres noctes,
quibus Jonas fuit in ventre ceti, voluit
divina providentia ut revocarentur in
Christi resurrectione ad unum integrū
diem, & duas partes dierum duorum:
quod tempus non propriè, sed per fi-
guram intellectiois dici poterat con-
tinere tres dies & tres noctes. Neque
solum exaudivit orationem Christi Pa-
ter, accelerando tempus resurrectionis,
sed etiam restituendo corpori mortuo
vitam sine comparatione meliorem
quàm antè fuisset. Siquidem vita Chri-
sti ante obitum mortalis erat, & resti-
tuta ei est immortalis. *Christus enim re-*

Rom. 6 *surgens ex mortuis jam non moritur, mors*
illi ultra non dominabitur, ut Apostolus di-
xit. Vita Christi ante mortem passibilis
erat, id est, obnoxia fami, siti, fatigatio-
ni, vulneribus, restituta est impassibilis,
& nulli omnino injuriæ subjecta. Cor-
pus Christi ante mortem erat animale;
evasit per resurrectionem spirituale, id
est, ita subjectū spiritui, ut posset in ictu
oculi deferri quocūq; spiritus voluisset.

Porro causa, ob quam oratio Christi
tam facilè fuerit exaudita, subjungitur
ab Apostolo, cū ait, *pro sua reverentia.*
quæ vox Græcè *εὐλαβείᾳ*, significat ti-
morem reverentialem, qui in Christo

erga

erga Patrem omnino eximius fuit. Idè enim Isaias describens dona Spiritus sancti, quæ in Christi anima fuerunt, de aliis donis dicit: *Requiescet super eum* ^{Isai. 11} *Spiritus Domini, Spiritus sapientia, & intellectus; spiritus consilii, & fortitudinis; spiritus scientia, & pietatis.* de timore reverentia dicit, *& replebit eum spiritus timoris Domini.* Quoniam ergo anima Christi plenissima erat timore reverentia erga Patrem; idè & Pater in illo sibi maximè complacerebat, juxta illud Matthæi: *Hic est Filius meus dilectus, in quo mihi benè complacui.* & quem ^{Matt. 3. &} admodum Filius Patrem summopere ^{17.} reverebatur; ita & Pater semper eum orantem audiebat, & quidquid peteret concedebat.

Hinc & nos discere debemus, si volumus à Patre cælesti semper audiri, & quidquid ab illo petimus impetrare; oportere nos Christum imitari, & Patrem cælestem summa reverentia prosequi, & nihil ejus honori antepone-re. Sic enim fiet, ut & nos quidquid petierimus, impetremus; ac præsertim illud, in quo summa stat rerum nostrarum, ut morte propinquante commendatam Deus habeat animam nostram de corpore egredientem, quando leo rugiens propè adstat paratus ad prædam. Neque existimet aliquis, reverentiam Deo exhibendam
solum

solùm in genuflexione, in capitis aperi-
tione, in ejusdem generis cultu atque
honore: non hoc solùm vox *in h. b. x.*,
id est, reverentialis timor significat;
sed potissimùm designat timorem ma-
gnum offensionis divinæ, horrorem in-
timum & perpetuam peccati; non ob
timorem pœnæ, sed ob amorem Patris.

Psalm.
111. cogitare quidem audeat. *Beatus vir*, in-
quit David, *qui timet Dominum, in man-*
datis ejus volet nimis. id est, ille timet

verè Deum, ac per hoc beatus dici po-
test, qui valdè studet omnia Dei man-
data servare. Atque hinc illa sancta vi-

Judith.
3. dua Iudith *timebat Dominum valdè*, ut
in ejus libro scriptum legimus, quoniã
cùm esset adolescentula, & speciosissi-
ma, & dives valdè, defuncto viro suo,
ne ullam occasionem peccandi dare vel
accipere posset, in cubiculo secreto
cum puellis clausa morabatur, & ha-
bens super lumbos suos cilicium, jeju-
nabat omnibus diebus, præter festa
domus Israël. En quanto zelo in ipsa
Lege veteri, quæ majorem multò li-
centiam permittebat quàm Euangeliũ,
cavebat peccata carnalia mulier ado-
lescentula & dives, non alia de causa,
nisi quia *timebat Dominum valdè*. Id ip-

Iob. 13 sum de sancto Iob Scriptura sancta
commemorat. Iste enim pepigerat fœ-

cus

-dus cum oculis suis, ut ne cogitaret
 quidem de virgine, id est, nolebat om-
 nino virginē aspicere, ne fortè ex aspe-
 ctu cogitatio ulla minùs honesta sub-
 reperet. Et cur tam diligenter Iob ista
 vitabat? quia timebat Dominum valdè.
 sic enim adjungit: *Quam enim partem
 haberet in me Deus desuper?* id est, si tur-
 pis cogitatio me utcumque fœdaret,
 non essem ego pars Dei, neque esset
 Deus pars mea. Quòd si vellem exem-
 pla Sanctorum novi Testamenti pro-
 ferre, nullus esset finis. Hic igitur est ti-
 mor Sanctorum, quo si nos quoq; ple-
 ni essemus, nihil esset quod à Patre cœ-
 lesti non facillimè impetrare possemus.

CAP. XXIV.

De ultimo fructu verbi septimi.

Restat fructus postremus, qui ex con-
 sideratione obedientiæ in ultimis
 verbis & in ipsa morte Christi decla-
 ratæ colligitur. Quod enim Apostolus
 ait: *Humiliavit semetipsum factus obe-* Phil. 2.
diens usque ad mortem, mortem autem cru-
cis; tunc potissimùm impletum est, cum
Dominus, verbis illis prolatis, Pater, in
manus tuas commendo spiritum meum,
 continuò expiravit. Operæpretium au-
 tem erit paulò altiùs repetere, quæ de
 obedientia Christi dici possunt & de-
 bent,

bent, ut fructum pretiosissimum ex arbore sanctæ crucis decerpamus. Christus igitur Magister & Dominus virtutum eam obedientiam exhibuit Deo Patri, ut major neque cogitari neque fingi possit.

Primum obedientia Christi erga Patrem ab ipsa ejus conceptione initium sumpsit, & usque ad mortem sine intermissione duravit: sic ut vita Domini nostri Iesu Christi unus fuerit continuatæ obedientiæ cursus. siquidem anima Christi in ipso primo suæ creationis momento usum habuit liberi arbitrii; & simul gratia, & sapientia plena fuit; ac per hoc ex illo primo instanti, adhuc in utero matris inclusus, exercere cœpit obedientiam. Id quod in Psalmo illo exprimitur, ubi dicitur in persona Christi: *In capite libri scriptum est de*

Pf. 39. me, ut facerem voluntatem tuam, Deus meus volui, & legem tuam in medio cordis mei. Illud, *in capite libri*, nihil aliud significat, nisi in summa Scripturæ divinæ, hoc est, in tota Scriptura summam ac præcipuè de me prædicatur, quod ad hoc electus & missus fuerim, *ut facerem voluntatem tuam.* Ego verò, *Deus meus, id volui*, ac libentissimè acceptavi: ac *legem tuam*, mandatum tuum, imperium tuum *in medio cordis mei* posui, ut illud semper considerarem, & accuratissimè promptissimeque per-

per
eju
fact
per
cib
vita
vol
nost
obed
de 8
facia
tem
locc
reliq
sunt
dier
omn
mue
oper
retur
fima
obed
ab ip
nem
De
deter
oper
mus
nino
set. l
Dom
deser
forta

perficerem. Huc etiam respiciunt illa
 ejusdem Christi verba, *Meus cibus est, ut* ^{Ioan. 4}
faciam voluntatem ejus, qui misit me, ut
perficiam opus ejus. Quemadmodum enim
 cibus non semel aut iterum per totam
 vitam sumitur, sed quotidie, & cum
 voluptate sumitur: sic ipse Dominus
 noster quotidie & volenti animo in
 obedientiam Patris incumbebat: un-
 de & dicebat: *Descendi de celo, non ut* ^{Ioan. 6}
faciam voluntatem meam, sed volunta-
tem ejus, qui misit me, Et aperrius alio ^{Ioan. 8}
 loco: *Qui me misit, mecum est, & non*
reliquit me solum; quia ego, quæ placita
sunt ei, facio semper. Et quoniam obe-
 dientia sacrificium est sacrificiorum
 omnium præstantissimum, juxta Sa- ^{1. Reg.}
 muelis sententiam; idè Christus quot ^{15.}
 opera faciebat dum in terris peregrina-
 retur, tot sacrificia, eaque Deo gratif-
 sima offerebat. Hæc igitur prima est
 obedientiæ Christi prærogativa, quòd
 ab ipsa conceptione usque ad vitæ fi-
 nem duraverit.

Deinde Christi obedientia non fuit
 determinata ad unum aliquod genus
 operis, ut inter homines fieri vide-
 mus: sed extendebatur ad omnia om-
 nino, quæ Deo Patri imperare placuis-
 set. hinc tanta varietas in vita Christi
 Domini cernitur, ut nunc moraretur in
 deserto non manducans neque bibens,
 fortasse etiam neque dormiens, & cum
 bestiis

Matth. bestiiis degens, ut sanctus Marcus ad-
 notavit: nunc in frequentia hominum
 manducans & bibens: nunc domi ob-
 scurus & tacens, idque per annos non
 paucos: nunc eloquentia & sapientia
 clarus, & miracula maxima patrans:
 nunc cum potestate magna ex templo
 ejiciens ementes & vendentes: nunc
 denique latens, & quasi imbecillus
 declinans à turba. quæ omnia requi-
 runt animum liberum ab omni propria
 voluntate. Neque enim Dominus dixit-
Matth. set, *Si quis vult post me venire, abneget*
16. *semetipsum*, id est, propriæ voluntati
 proprioque judicio renuntiet; nisi ipse
 hoc jam fecisset: neque alibi ad obe-
 dientiæ perfectionem cohortans disci-
LUCIA. pulos suos, addidisset: *Si quis venit ad*
me, & non odit patrem suum, & matrem,
& uxorem, & filios, & fratres, & sorores,
adhuc autem & animam suam, non potest
meus esse discipulus: nisi ipse prior rebus
 omnibus, quæ ardentè diligi solent,
 nuntium remisisset, sicut etiam animam
 suam, id est, vitam propriam paratus
 fuisset tam promptè deserere, ac si eam
 verè odisset. Hæc est vera radix & quasi
 mater obedientiæ, quæ in Christo Do-
 mino mirabiliter fulsit: & qua qui ca-
 rent, vix unquam ad perfectæ obedi-
 tiæ palmam pervenient. Quo modo e-
 nim poterit alienæ voluntati promptè
 parere, qui propriæ voluntati proprioque
 judi-

judicio adhæret? Hæc nimirum est causa, cur cælestes orbes Angelis motibus non resistent, sive in ortum, sive in occasum convertantur; quoniam non habent propensionem aliquam propriam, sive ad unam partem, sive ad aliam. & eadem causa est, cur ipsi quoque Angeli Deo jubenti ad nutum obediant, ut in *Psalmo* canit sanctus *Psal.* David; quia nullam habent propriam^{102.} voluntatem repugnantem voluntati Dei, sed conjuncti feliciter cum Deo, unus spiritus sunt cum eo.

Præterea obedientia Christi non solum longè lateque diffunditur, sed etiam quantum per patientiam & humilitatem ad ima deprimitur, tantum per meritorum excellentiam ad alta sustollitur. Est igitur tertia obedientiæ Christi proprietas, quod ad incredibilem patientiam & humilitatem descendit. Incepit Christus infans, ad paternam implendam obedientiam, in ergastulo tenebricoso sciens & prudens habitare. Infantes ceteri, quia ratione carent in utero, nullas molestias sentiunt: Christus autem, qui rationis usu fruebatur, horruisset sine dubio novem mensibus degere in ergastulo angusto & horrido materni uteri, nisi obedientia Patris, & charitas erga homines effecisset, ut ad liberandum genus humanum, ut *Ecclesia* canit, non horreret

Virginis uterum. Deinde non exigua patientia & humilitas necessaria fuit, ut toto infantiæ tempore Christus, qui etiam tunc sapientior erat Salomone, quippe in quo erant *omnes thesauri sapientia & scientia Dei*, sese ad infantium mores & imbecillitatem accommodaret. Sed illa admirabilis prorsus continentia & modestia fuit, necnon patientia & humilitas, quod per annos octodecim, ab anno duodecimo usque ad trigesimum, Patre iubente, sic latuit in paterna domo, ut fabri filius, & faber diceretur, & ignarus litterarum, & fortè indocilis vulgò haberetur, cùm tamen omnes homines & Angelos sapientia anteiret. Accessit postea gloria ingens ex prædicatione & miraculis, sed admixta egestati extremæ & laboribus assiduis, dicente ipso:

Luc. 9. Vulpes foveas habent, & volucres cali nidus: Filius autem hominis non habet ubi caput reclinet. Et fatigatus ex itinere fedit aliquando super fontem, cùm pedes obiret civitates & castella, prædicans Regnum Dei. Et tamen facile illi fuisset, si Patris obedientia fineret, vel humano vel angelico ministerio rebus omnibus abundare. Quid jam dicam de persecutionibus, de convitiis, de maledictis, de sputis, colaphis, flagellis, denique de ipso crucis supplicio? Hæc verò humilis obedientia sic pro-

cepta, inclinato ad obedientiam capite, emisit spiritum. Sic obedientia vicit, & triumphavit; nec solum præmium amplissimum in ipso Christo recepit, ut qui infra omnes descenderat, & omnibus in gratiam Patris cælestis obtemperaverat, supra omnes ascenderet, & omnibus imperaret: sed etiam obtinuit, ut omnes homines, qui ejus obedientiam & humilitatem imitarentur, ipsi quoque super omnes cælos ascenderent, & super omnia bona Domini sui constituerentur, ac demum participes throni & Regni fierent in æternum. Denique de rebellibus & inobedientibus ac superbissimis spiritibus tam insignem triumphum duxit, ut omnes illi ad conspectum crucis contremiscant & fugiant.

Hoc exemplar aspicere & imitari debent quicumque ad veram gloriam aspirant, & pacem ac requiem animæ suæ desiderant. Nec solum viri Regulares, qui voto ad obedientiam Superioris, qui loco Dei præsidet, sese obligarunt; sed omnes homines, qui Christi discipuli & fratres esse cupiunt, ad palmam hujus præclarissimæ victoriæ aspirare debent, nisi velint cum superbis dæmonibus sub pedibus Sanctorum in æternum gemere. Obedientia enim, quæ divinis præceptis debetur, & quæ idem Deus deferri jubet iis, qui in ter-

ris

ris præfunt, omnibus omnino necessaria est. Omnibus enim Christus dicit: *Tollite jugum meum super vos.* & omnibus Apostolus loquitur, cum ait: *Obedite Præpositis vestris, & subjacete eis.* & *Heb. 13* omnibus etiam Regibus Samuel præcepit, cum ait: *Numquid vult Dominus holocausta, & victimas, & non potius ut obediatur voci Domini? Melior est enim obedientia quam victima:* & addidit, ut gravitatem peccati inobedientiæ demonstraret, quia *quasi scelus idololatriæ est, nolle acquiescere, mandatis videlicet Domini, & eorum qui loco Domini præfunt.*

Sed in gratiam eorum, qui se totos majorum obedientiæ sponte subjiciunt, addam pauca de felicissimo eorum statu, non ex meo sensu, sed ex verbis Ieremiæ Prophetæ, qui Spiritu sancto inspirante locutus, ait: *Bonum est viro, cum portaverit jugum ab adolescentia sua: sedebit solitarius, & tacebit, quia levavit se super se.* Admiranda planè felicitas significatur verbo illo, *Bonum est viro:* nam, ut ex verbis sequentibus apertè colligitur, bonum hoc loco dicitur id, quod est utile, honorificum, jucundum, denique omni ex parte beatum. Si quis enim assuescat ab adolescentia portare jugum obedientiæ, liber erit per totam vitam à jugo durissimo carnalium cupiditatum, testis

est sanctus Augustinus in octavo libro Confessionum, quàm difficile sit excutere à se jugum concupiscentiæ illi, qui per annos aliquos legi carnis obedivit; & contrà, quàm sit jucundum & facile jugum Domini portare, antequam vitorum laquei animam irretierint. Deinde quàm ingens lucrum est, in omni opere mereri apud Deum? qui enim nihil agit ex voluntate propria, sed ex obedientia Prælati, in omni opere sacrificat Deo sacrificium illi gratissimum; quia, ut loquitur Samuel, *melior est obedientia, quàm victima.* & rationem reddit sanctus Gregorius, quia *per victimas aliena caro, per obedientiam propria voluntas mactatur.* Et quod est prorsus admirabile, si fortè Prælati peccet imperando, subditus non peccat, sed meretur obediendo, modò quod jubetur non sit manifestè peccatum. Addit Jeremias, *sedebit solitarius, & tacebit.* Quid enim est, *sedebit*, nisi quiescet, quia invenit requiem animæ suæ? qui enim nuntium remisit voluntati propriæ, & se totum divinæ voluntati adimplendæ addixit, nihil ambit, nihil quærit, nihil cogitat, nihil desiderat: sed liber à mordacibus curis, *sedet cum Maria secus pedes Domini, audiens verbum illius.* & verè solitarius sedet, tum quia cum illis habitat, qui sunt cor unum & anima una;

1. Reg.
15.

Lib.
Moral.
35.6.
10.

Luc, 10

Act. 4

tum

tum quia neminem singulari ac privato amore prosequitur, sed omnes in Christo & propter Christum diligit. Idem etiam tacet, quia cum nullo litigat, cum nullo rixatur, cum nullo negotium proprium habet. Atque hujus tantæ quietis illa ratio est, quia levavit se super se. transcendit enim ab ordine hominum ad ordinem Angelorum. Multi sunt qui abjiciunt se infra se, atque ad ordinem transeunt bestiarum, illi videlicet, qui terrena sapiunt, & nihil magnificiunt, nisi quæ carnem oblectant, vel sensus corporales pascunt, avari, lascivi, comestationibus & ebrietati addicti. Alii sunt qui vitam hominum vivunt, & in se quodammodò manent, quales sunt Philosophi, qui vel naturæ secreta rimantur, vel de moribus præcepta tradunt. Alii denique levant se supra se, non sine insigni dono & auxilio Dei, & vitam non tam humanam quàm angelicam ducunt: illi videlicet, qui relictis omnibus quæ in mundo possident, & abnegata etiam voluntate propria, cum Apostolo dicere possunt: *Nostra conversatio in calis est: &* ^{Philip. 3.} Angelorum puritatem, & contemplationem, & obedientiam æmulantes, vitam non tam humanam quàm angelicam ducunt. Angeli enim nulla unquam peccati sorde inquinantur, & ^{Mat. 6.} semper contemplantur *faciem Patris,*

qui in caelis est, & negotiis aliis intermissis, toti sunt in mandatis Domini exequendis intenti, juxta illud Psalmi,

Ps. 102. *Benedicite Domino omnes Angeli ejus, potentes virtute, facientes verbum illius, ad audiendam vocem sermonum ejus.* Hæc est felicitas vitæ regularis, quæ si serid Angelorum puritatem & obedientiam imitetur in terris, sine dubitatione ulla eorum gloriæ particeps erit in cælo; præsertim si Christum Ducem & Magistrum sequatur, qui humiliavit semetipsum factus obediens usque ad mortem, mortem autem crucis. & qui, cum esset

Phil. 2. *Filius Dei, didicit ex iis, quæ passus est, obedientiam, id est, experimento proprio didicit, ex patientia veram probari obedientiam; ac per hoc non solum obedientiam exemplo suo docuit, sed docuit etiam, obedientiæ veræ atque perfectæ fundamenta & quasi bases solidissimas esse humilitatem & patientiam. Qui enim libenter obedit Superiori suo, cum jubet opera honorifica & jucunda, is non planè demonstrat, an virtus obedientiæ, an aliquid aliud eum ad parendum invitet: sed qui in rebus vilibus & laboriosis, ubi humilitas & patientia necessariæ sunt, promptè alacriterque obedit; ille certus esse potest, se ut verum Christi discipulum, veram atque perfectam obedientiam didicisse,*

Egre-

Egregiè omnino differentiam hanc inter veram fictamque obedientiam S. Gregorius explicat. Sic autem loquitur: *Quia nonnumquam nobis hujus mundi Lib. 35 prospera, nonnumquam vero jubentur ad- Mor. c. versa: sciendum summopere est, quod obedientia aliquando si de suo aliquid habeat, nulla est; aliquando autem si de suo aliquid non habeat, minima. Nam cum hujus mundi successus precipitur, cum locus superior imperatur; is qui ad percipienda hæc obedit, obedientia sibi virtutem evacuat, si ad hæc etiam ex proprio desiderio anhelat. Neque enim se sub obedientia dirigit, qui ad accipienda hujus vite prospera, libidini propria ambitionis servit. Rursus cum mundi despectus precipitur, cum probra adipisci & contumelia jubentur, nisi ex se ipse animus hæc appetat, obedientia sibi meritum minuit: quia ad ea, quæ in hac vita despecta sunt, invitus nolensque descendit. Ad detrimentum quippe obedientia ducitur, cum mentem ad suscipienda probra hujus sæculi nequaquam ex parte aliqua etiam sua vota comitantur. Debet ergo obedientia & in adversis ex suo aliquid habere, & rursus in prosperis ex suo aliquid omnino non habere: quatenus & in adversis tanto sit gloriosior, quanto divino ordini etiam ex desiderio jungitur; & in prosperis tanto sit verior, quanto à presenti ipsa, quam divinitus percipit, gloria, funditus ex mente separatur. Sed hoc virtutis pondus melius*

- ostendimus, si caelestis patria duorum hominum facta memoremus. Moyses namque, cum in deserto oves pasceret, Domino per
- Exod. 3.** Angelum in igne loquente, vocatus est, ut eripienda omni Israëlitarum multitudini praeset. Sed quia apud se humilis extitit, oblatam statim tanti regiminis gloriam expavit, dicens: Obsecro Domine, non sum
- Exod. 4.** eloquens ab heri & nudius tertius: & ex quo coepisti loqui ad servum tuum, tardioris & impeditioris linguae sum factus; & se postposito, alium deposcit, dicens: Mitte quem misurus es. Ecce cum auctore linguae loquitur, & ne tanti regiminis potestatem suscipiat, elinguem se esse causatur. Paulus quoque divinitus fuerat, ut in Ierusalem debuisset ascendere, admonitus, sicut ipse
- Gal. 2.** ad Galatas dicit. Isq; in itinere, cum Prophetam Agabum reperisset, quanta se adversitas in Ierosolymis maneret, audivit. Scriptum quippe est, quod idem Agabus zonam Pauli suis pedibus inserens dixit: Virum, cuius est zona hac, sic alligabunt in Ierusalem. A Paulo autem protinus respondetur: Ego non solum alligari, sed & mori in Ierusalem paratus sum, pro nomine Iesu. Praeceptione igitur revelationis Ierosolymam pergens adversa cognoscit; & tamen haec libenter appetit: audit qua timeat, sed ad haec ardentior anhelat. Moyses itaque ad prospera de suo nihil habet: quia praeccepto renititur, ne Israëlitica plebi praefatur. Paulus ad adversa etiam ex suo voto ducitur, quia malo-

malorum imminentium cognitionem percipit, sed devotione spiritus etiam ad acriora fervescit. Ille presentis potestatis gloriam Deo voluit jubente declinare; iste Deo aspera & dura disponente, se studuit ad graviora preparare. Præcunte ergo utrorumque Ducum infracta virtute instituihur, ut si obedientia palmam apprehendere veraciter nitimur, prosperis hujus sæculi ex sola justione, adversis autem etiam ex devotione militemus. Hæc sanctus Gregorius. Quam doctrinam exemplo suo Magister omnium Christus Dominus apertissimè comprobavit: nam cum sciret, venturas esse turbas, ut raperent eum, & facerent Regem, fugit in montem ipse solus. Joan. 6
 Sed cum sciret venturos Iudæos & milites cum Iuda, ut eum caperent, & ad supplicium ducerent, juxta præceptum quod habuerat à Patre, obviam illis sponte processit, & se capi ac ligari permisit. Matt. 26. Joan. 18. Christus igitur Magister bonus non verbo & lingua obedientiam qualemcumque ostentavit; sed opere & veritate obedientiam Patri exhibuit in vera patientia & humilitate fundatam. Hoc exemplar est nobilissimæ virtutis, quod intueri semper debent, qui à Deo vocati ad palmam propriæ abnegationis & Christi imitationis aspirant.

FINIS.

IN-

INDEX LIBRORVM
ET CAPITVM.

Libri Primi.

- CAP. I. **D**E primo verbo explicato ad litteram. pag: I
CAP. II. De primo fructu verbi primi. 9
CAP. III. De secundo fructu verbi primi. 15
CAP. IV. De secundo verbo explicato ad litteram. 24
CAP. V. De primo fructu verbi secundi. 36
CAP. VI. De secundo fructu verbi secundi. 40
CAP. VII. De tertio fructu verbi secundi. 43
CAP. VIII. De tertio verbo explicato ad litteram. 52
CAP. IX. De primo fructu verbi tertii. 58
CAP. X. De secundo fructu verbi tertii. 61
CAP. XI. De tertio fructu verbi tertii. 64
CAP. XII. De quarto fructu verbi tertii. 73

Libri Secundi.

- CAP. I. **D**E quarto verbo explicato ad litteram. 81
CAP. II. De primo fructu verbi quarti. 90
CAP. III. De secundo fructu verbi quarti. 93
CAP. IV. De tertio fructu verbi quarti. 96
CAP. V.

M
CAP. V. De quarto fructu verbi quarti.

100

CAP. VI. De quinto fructu verbi quarti.

106

CAP. VII. De quinto verbo explicato ad litteram.

111

CAP. VIII. De primo fructu verbi quinti.

114

CAP. IX. De secundo fructu verbi quinti.

121

CAP. X. De tertio fructu verbi quinti.

124

CAP. XI. De quarto fructu verbi quinti.

139

CAP. XII. De sexto verbo explicato ad litteram.

142

CAP. XIII. De primo fructu verbi sexti.

154

CAP. XIV. De secundo fructu verbi sexti.

158

CAP. XV. De tertio fructu verbi sexti.

160

CAP. XVI. De quarto fructu verbi sexti.

168

CAP. XVII. De quinto fructu verbi sexti.

170

CAP. XVIII. De sexto fructu verbi sexti.

172

CAP. XIX. De septimo verbo explicato ad litteram.

180

CAP. XX. De primo fructu verbi septimi.

185

CAP. XXI. De secundo fructu verbi septimi.

189

CAP. XXII.

ad lit-
pag. I
9
mi.

to ad
24
36
quadi.

undi.

ad
52
58
61
64
73

ad
81
90
quar-
93
96
P. V.

CAP. XXII. De tertio fructu verbi septimi.

194

CAP. XXIII. De quarto fructu verbi septimi.

197

CAP. XXIV. De quinto fructu verbi septimi.

201



ptimi.


Septi-


197

Septi-

201

















15 J. L. D. L.

Exaudi quæsumus
Dei
Preces quæsumus

111
112

